



ԶԱՄԻԱԾԻՆ

1985

Ե



ԽՐ

ՏԱՐԻ



ԷԶՄԻԱԾԻՆ



ՊԱՇՏՈՆԱԿԱՆ
ԱՄՍԱԳԻՐ
ՀԱՅՐԱՊԵՏԱԿԱՆ
ԱԹՈՌՈՒՅ
Ս. ԷԶՄԻԱԾՆԻ

ԿՈՂԻՄ


1985



ՀՐԱՄԱՆԱԻ

Տ. Տ. ՎԱՋԳԵՆԻ ԱՌԱՋՆՈՅ

ՎԵՀԱՓԱՌ ԵՒ ՍՐԲԱՋՆԱԳՈՅՆ ԿԱԹՈՂԻԿՈՍԻ
ԱՄԵՆԱՅՆ ՀԱՅՈՑ



ԱՄԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏԻ ՈՒՂԵՐՁԸ
ՌՈՒՄ ՊՐԱՎՈՍԼԱՎ ԵԿԵՂԵՑՈՒ ՊԵՏ ՆՈՐԻՆ ՍՐԲՈՒԹՅՈՒՆ
ՊԻՄԵՆ ՊԱՏՐԻԱՐԷԻՆ՝ ՄԵԾ ՀԱՂԹԱՆԱԿԻ
ՔԱՌԱՍՈՒՆԱՄՅԱԿԻ ԱՌԹԻՎ ՍՍՀՄ ԵԿԵՂԵՑԻՆԵՐԻ ԵՎ
ԿՐՈՆԱԿԱՆ ՀԱՄԱՅՆՔՆԵՐԻ ՊԵՏԵՐԻ ԵՎ
ՆԵՐԿԱՅԱՑՈՒՑԻՉՆԵՐԻ ՀԱՆԴԻՊՈՒՄ
ԿԱԶՄԱԿԵՐՊԵԼՈՒ ՄԱՍԻՆ

ՆՈՐԻՆ ՍՐԲՈՒԹՅՈՒՆ ՊԻՄԵՆ ՊԱՏՐԻԱՐԷԻՆ

Մոսկվա

Ձերդ Սրբություն,

Հույժ հաճելի է Մեզ սույն գրով եղբայրական սիրով ողջունել Ձերդ Սրբությունը և ներկայացնել Մեր խոհերը Հայրենական պատերազմի հաղթական ավարտի քառասնամյակի առթիվ:

Հայրենական պատերազմի հաղթանակը, Մեր կարծիքով, պատմության արձանագրած մեծագույն հաղթանակն է հանուն ապատության և արդարության, հաղթանակ, որի համար ռուս ժողովուրդը և սովետական եղբայրական պզգությունները զոհեցին ավելի քան քսան միլիոն իրենց զավակներից:

Նրանց անմոռաց հիշատակը վստահ ենք, թե խոր հարգանքով ու երախտագիտությամբ պիտի ոգեկոչեն հառաջիկա տարի, Սովետական պետությունն ու սովետական հասարակությունը, ինչպես և մեր եկեղեցիները:

Ձեն մոռացվելու երբեք չոհված փերոսները:

Ձեն մոռացվելու ոճրագործները:

Հայրենական Մեծ հաղթանակի քառասնամյակի տոնակատարումը կխորհինք, թե մասնավոր այժմեականություն ունի մեր օրերում: Մարդկությունը

պարտի հիշել երկրորդ համաշխարհային պատերազմը սանձալերծող հիտլերյան ֆաշիզմը, պարտի հիշել նրա կատարած ահալոր ոճիրներն ու ավերումները, նրա պատճառած մարդկային սահմանցուցիչ տառապանքները:

Այո՛, մարդկությունը այսօր պարտի հիշել այս բոլորը, որպեսզի պատերազմ կոչվող հրեշը այլևս երբեք չկարողանա իր աշխարհակործան մեքենան լարել խաղաղասեր ազգությունների դեմ:

Այս այս մտորումներով, Մենք կդիմենք Ձերո՛ր Սրբության, առաջարկելով, որ Ձեր հարմար դատած ձևով հառաչիկա տարի Ձեր բարձր հեղինակությամբ հրավեր ուղղեք մեր քույր եկեղեցիներին և կրոնական կազմակերպություններին, որ հարմար մի թվականի միատեղ աղոթենք հայրենիքի փրկության համար զոհված մարտիրոսների հոգիների համար ու նաև մի հանդիսավոր նիստ գումարենք՝ բարձր հնչեցնելու համար մեր բոլորիս խոսքը հանուն աշխարհի խաղաղության ամրապնդման, հանուն ժողովուրդների համերաշխ գործակցության:


Մեր սիրտը բացեցինք Ձեզ, սիրեցյալ Եղբայր Մեր, վստահ լինելով, որ Ձերո՛ր Սրբությունը ևս այս օրերին նույն խոհերով և ապրումներով տոգորված է:

Թող Բարին Աստված Ձեզ մնա միշտ օգնական ու մարտակից:
Եղբայրական սիրո ողջագուրումով՝

ՎԱՋԳԵՆ Ա

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Ս. Էջմիածին,
4 սեպտեմբեր 1984 թ.





ՌՈՒՍ ՊՐԱՎՈՍԼԱՎ ԵԿԵՂԵՅՈՒ ՊԵՏ ՆՈՐԻՆ ՍՐԲՈՒԹՅՈՒՆ
ՊԻՄԵՆ ՊԱՏՐԻԱՐԷԻ ՊԱՏԱՍԽԱՆԸ ԱՄԵՆԱՅՆ ՀԱՅՈՑ
ՎԵՀԱՓԱՌ ՀԱՅՐԱՊԵՏԻ ՈՒՂԵՐՁԻՆ՝ ՄԵԾ ՀԱՂԹԱՆԱԿԻ
ՔԱՌԱՍՈՒՆԱՄՅԱԿԻ ԱՌԹԻՎ

ՆՈՐԻՆ ՍՐԲՈՒԹՅՈՒՆ Տ. Տ. ՎԱԶԳԵՆ Ա
ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Ս. Էջմիածին, Հայաստան

Զերդ Սրբություն,

Մենք գտնվում ենք Երկրորդ համաշխարհային պատերազմում ֆաշիստական Գերմանիայի դեմ Մեծ հաղթանակի 40-ամյակի նշանավոր տարեդարձի ջնմին:

Հայտնի է, որ Սովետական Միությունը դարձավ այն հիմնական ուժը, որը կասեցրեց գերմանական ֆաշիզմի երթը դեպի համաշխարհային տիրապետություն և որոշիչ դեր ունեցավ հիտլերյան Գերմանիայի ջախջախման գործում: Սովետական Միությունը իր ուսերի վրա կրեց այս պատերազմի հիմնական ծանրությունը:

Անսահման էր զոհաբերությունը, որ մատուցեց սովետական ժողովուրդը այդ ծանր տարիներին՝ իր Հայրենիքը փրկելու համար: Մեր վիշտը խորն է մարտերում ընկած մեր հայրենակիցների և մեծ հայրենականում Սովետական Միության բոլոր զոհվածների համար: Պատերազմը մեր երկրի որդիների ու դուստրերի ավելի քան 20 միլիոն կյանք խլեց: Մենք հավատում ենք, որ ջնդրակալ սերունդների սրտերում միշտ կենդանի կլինի բոլոր զոհվածների հավերժական հիշատակն ու աղոթքը՝ նրանց հոգիների հանգստի համար:

Զերդ Սրբություն, կրոնական և հայրենասիրական պարտքը թելադրում է մեզ՝ մեր նպաստը բերել Հայրենական մեծ պատերազմի հաղթական ավարտի 40-ամյա տարեդարձը արժանավայել դիմավորելու գործին: Ճիշտ այդպիսի բարձր հայրենասիրական պգացումներով լի էր Զերդ Սրբության ուղերձը, որով դուք առաջարկում եք կապակերպել Սովետական Միության կրոնական

գործիչների մի հանդիպում, որպեսզի համատեղ աղոթք կատարենք պատերազմում կոհված բոլոր մարտիկների հոգու հանգստյան համար և կրկին ձայն բարձրացնենք հոգուտ խաղաղության և խաղաղասեր ուժերի համագործակցության ամրապնդման:

Լիովին համամիտ լինելով այդ վեհանձն գաղափարին, ես առաջարկում եմ իրագործել ՍՍՀՄ-ի Եկեղեցիների և կրոնական համայնքների պետերի ու ներկայացուցիչների մի հանդիպում, նվիրված Մեծ հաղթանակի 40-ամյակին՝ գալիք հոբելյանի նախօրեին:

Այդ հանդիպումը կարելի է կազմակերպել ս. թ. ապրիլի 17—19-ը:

Ապրիլի 17-ին, չորեքշաբթի օրը, մենք՝ մասնակիցներս, կհարգենք հայրենիքի փրկության համար ընկած մեր եղբայրների ու քույրերի հիշատակը՝ ծաղկեպսակ դնելով Մոսկովյան կրեմլի պարիսպների տակ գտնվող անհայտ վիճակների հուշարձանին:

Ապրիլի 18-ին, հինգշաբթի օրը, մենք կարող ենք եղբայրական բանակցություններ ունենալ Մոսկվայի մոտ Չագորսկի Ս. Տրոյից—Սերգիևյան վանքում: Այնտեղ մենք կարող ենք մտքեր փոխանակել Մեծ հաղթանակի, նրա դասերի ու մեր երկրի բոլոր հավատացյալների, ինչպես նաև մեր բոլոր քաղաքացիների առջև ծառացած խնդիրների մասին՝ սրբազան պարզև՝ կյանքը վրկելու համար ատումային աղետից:

Մեր հանդիպման ավարտին մենք կարող ենք դիմում ուղղել աշխարհի բոլոր հոգևոր գործիչներին և ուղերձ՝ մեր կառավարության ղեկավարությանը, որոնցում կարտահայտենք խաղաղության մեր սպասումները, մեր մտածումները՝ աշխարհի բոլոր ժողովուրդների ու պետությունների միջև կայուն և արդար խաղաղության հասնելու ուղիների և միջոցների մասին:

Ես ուրախ կլինեմ ժողովից հետո մեր հանդիպման մասնակիցներին հրավիրել եղբայրական ճաշկերույթի Ս. Տրոյից—Սերգիևյան վանքի պատրիարքական սեղանատանը:

Այս բարի նպատակի կամար սիրով հրավիրում եմ Ձեզ, Ձերո՛ր Սրբություն, Ձեր Եկեղեցու մեկ կամ երկու ներկայացուցիչների հետ ժամանել Մոսկվա և մասնակցել Սովետական Միության եկեղեցիների և կրոնական համայնքների պետերի ու ներկայացուցիչների հիշարժան հանդիպմանը: Մոսկվայում և Չագորսկում եղած ժամանակ Դուք և Ձեր ներկայացուցիչները կլինեք մեր թանկագին հյուրերը:

Ես շատ գոհ կլինեմ, Ձերո՛ր Սրբություն, այս հրավերի առթիվ ստանալ Ձեր պատասխանը Ձեր ուղեկիցների ու գործակիցների անուններով:

Թող օրհնյալ լինի մեր՝ եղբայրական համագործակցությունը, որով օժտում ենք մեր գործերը՝ մեր մեծ հայրենիքի բարօրության, խաղաղության ամրապնդման և բոլոր ժողովուրդների միասնության համար:

Եղբայրական սիրով ի Քրիստոս՝


ՊԻՄԵՆ

ՊԱՏՐԻԱՐԺ ՄՈՍԿՎԱՅԻ ԵՎ ՀԱՄԱՅՆ
ՌՈՒՄԻՈ

Մոսկվա,

19 մարտ 1985 թ.

№ 733



ՍՍՀՄ ԵԿԵՂԵՑԱԿԱՆ ԵՎ ԿՐՈՆԱԿԱՆ
ՀԱՐԱՆՎԱՆՈՒԹՅՈՒՆՆԵՐԻ ՊԵՏԵՐԻ ԵՎ
ՆԵՐԿԱՑԱՑՈՒՑԻՉՆԵՐԻ ՀԱՄԱԺՈՂՈՎ՝ ՆՎԻՐՎԱԾ
ՀԱՅՐԵՆԱԿԱՆ ՄԵԾ ՊԱՏԵՐԱԶՄԻ ՓԱՌԱՊԱՆԾ
ՀԱՂԹԱՆԱԿԻ 40-ԱՄՅԱԿԻՆ

1985 թվականի ապրիլի 17—19-ը Մոսկվայում և Ջագորսկում տեղի ունեցավ ՍՍՀՄ քրիստոնեական եկեղեցիների և կրոնական այլ հարանվանությունների պետերի ու ներկայացուցիչների համաժողով՝ նվիրված Հայրենական մեծ պատերազմում սովետական ժողովուրդների՝ գերմանական ֆաշիզմի դեմ տարած հաղթանակի 40-ամյակին: Համաժողովը տեղի ունեցավ Ս. Տ. Վապգեն Ա Ամենայն Հայոց կաթողիկոսի առաջարկով և Ռուս Պրավոսլավ Եկեղեցու հրավերով: Համաժողովին մասնակցեցին Ռուս և Վրաց Պրավոսլավ, Հայաստանյայց Առաքելական, Ռուս Հնածեսյան, կաթողիկ, բողոքական և ռեֆորմիստական եկեղեցիների, ինչպես նաև մահմեդական, բուդդայական և հրեական կրոնական կապակերպությունների շուրջ 90 ներկայացուցիչներ:

Հանուն Հայաստանյայց Առաքելական Եկեղեցու համաժողովին իր մասնակցությունը բերեց Ազգիս Վեհափառ Հայրապետը՝ Մայր Աթոռ Ս. Էջմիածնի Մայր տաճարի լուսարարապետ գերաշնորհ Ս. Հուսիկ արքեպ. Սանթուրյանի և Ադրբեջանի հայոց թեմի առաջնորդ գերաշնորհ Ս. Անանիա եպս. Արաբաջյանի ուղեկցությամբ:

Ապրիլի 16

ԺԱՄԱՆՈՒՄ ՄՈՍԿՎԱ

Մոսկվայի «Դոմոդեովո» օդանավակայանում Վեհափառ Հայրապետին դիմավորելու էին եկել Մոսկվայի և Համայն Ռուսիո Պրավոսլավ Եկեղեցու Պատրիարք Նորին Սրբություն Պիմենը, Կրուտիցկու և Կոլոմենսկու միտրոպոլիտ Յուվենալին և Ռուսաստանի ու Նոր Նախիջևանի հայոց թեմի առաջ-

նորդական տեղապահ հոգեշնորհ Տ. Տիրան վրդ. Կյուրեղյանը: Վեհափառ Հայրապետին դիմավորողների մեջ էր նաև ՍՍՀՄ Մինիստրների խորհրդին առընթեր կրոնական գործերի խորհրդի ներկայացուցիչ Է Ս. Գալստյանը:

Ապրիլի 17-ին, չորեքշաբթի, առավոտյան ժամը 10-ին, Վեհափառ Հայրապետը Տ. Հռափկ արքեպիսկոպոսի և Տ. Անանիա եպիսկոպոսի ուղեկցությամբ այցելեց Ս. Դանիել իշխանի անվան վանքը, որը սովետական կառավարության բարեհաճ կարգադրությամբ վերջերս վերադարձվել է Ռուս Եկեղեցուն: Նորին Սրբություն Պիմեն Պատրիարքի նախաձեռնությամբ իրականացրին են հսկայական վերանորոգման աշխատանքներ ԺԳ դարի այս նշանավոր վանքի յոթ եկեղեցիներում: Վանքի պատմության մասին ընդարձակ տեղեկություններ տվեց վանքի տնտես Եվլոբի վարդապետը: Նորին Սրբություն Պիմեն Պատրիարքը վանքի նորակառույց սեղանատանը նախաճաշ տվեց Վեհափառ Հայրապետի պատվին: Նախաճաշին ներկա էր նաև Վրաց Իլիա Բ կաթողիկոս-Պատրիարքը: Նախաճաշի ընթացքում երեք Հայրապետների «փջև տեղի ունեցավ ջերմ կրույց:

Ժամը 16.00-ին համաժողովի 90 մասնակիցները բազմաթիվ հյուրերի և թղթակիցների ուղեկցությամբ հարգանքի ծաղկեպսակ դրեցին Կրեմլի պատի տակ գտնվող Անհայտ Չինվորի գերեզմանին:

Երեկոյան ժամը 7-ին «Սովետական» հյուրանոցի դահլիճում տեղի ունեցավ եղբայրական ընթրիք: Ընթրիքի սեղանն օրհնեց Վեհափառ Հայրապետը և առաջարկեց բաժակ բարձրացնել հյուրընկալ՝ Նորին Սրբություն Պիմեն Պատրիարքի առողջության և արևշատության համար: Ընթրիքն անցավ եղբայրական ջերմ մթնոլորտում: Համաժողովի մի շարք մասնակիցներ Խանդեսեկան խաղաղասիրական բարի մաղթանքներով:

Ապրիլի 18-ին, հինգշաբթի, առավոտյան ժամը 9-ին, համաժողովի մասնակիցները Մոսկվայից մեկնեցին Չագորսկ, որտեղ և Տրոյից-Սերգիևյան վանքում տեղի պիտի ունենար Մեծ Հայրենականի 40-ամյակի հանդիսությունը:

Հոգևոր ակադեմիայի հանդիսության դահլիճում համաժողովը բացվեց Մոսկվայի և համայն Ռուսիո Նորին Սրբություն Պիմեն Պատրիարքի վերնուցումով: Ն. Սրբությունը նախ և առաջ շնորհակալություն հայտնեց Ազգիս Վեհափառ Հայրապետին սույն հավաքի կազմակերպման առաջարկը ներկայացնելու համար և ապա հրավիրեց հոտնկայս աղոթել Սովետական Միության ժողովուրդների 20 միլիոն զոհերի հիշատակին, որոնք ընկան Հայրենական մեծ պատերազմում: Հետո բանախոսն անդրադարձավ Եկեղեցիների պատերազմի օրերի գործունեությանը, որով նրանք իրենց լուսնան ներդրեցին մեծ հաղթանակի ապահովման համար: Խոսելով Սովետական Միությունում գործող Եկեղեցիների համագործակցության մասին, Սրբական Պատրիարքը հատուկ կարևորությամբ ընդգծեց այն փաստը, որ 1952 թվականին, առաջին անգամ, երջանկահիշատակ Գևորգ Զ Ամենայն Հայոց կաթողիկոսի առաջարկությամբ տեղի ունեցավ Սովետական Միության մեջ գործող Եկեղեցիների և կրոնական հարանվանությունների ներկայացուցիչների ընդհանուր հանդիպում-համաժողովը:

Այս բանախոսը կանգ առավ ներկա ժամանակների քաղաքական լարված կացության վրա և խորը համոզում հայտնեց, որ ամբողջ աշխարհի կրոնական գործիչները իրենց արդյունավետ գործունեությամբ կարող են թուլաց-

նել միջազգային լարվածությունը: Բոլոր եկեղեցական և կրոնական կազմակերպությունները պետք է միահամուռ գործակցությամբ քաջալերեն ընդհանուր պինդափափան ձգտումներն ու խաղաղության հաստատման աշխատանքները:

Ն. Սրբություն Պիմեն Պատրիարքից հետո խոսքը տրվում է Ամենայն Հայոց Հայրապետին:

Տ. Տ. ՎԱԶԳԵՆ Ա ԿԱԹՈՂԻԿՈՍԻ ԽՈՍՔԸ

ՀԱՅՐԵՆԱԿԱՆ ՊԱՏԵՐԱԶՄԻ ԱՎԱՐՏԻ

40-ԱՄՅԱԿԻ ԱՌԹԻՎ

Զերդ Սրբություն, սիրեցյալ եղբայրներ Մեր,

Այս օրերին մենք հավաքվել ենք այստեղ հրավերովը ռուսաց Մեծ Եկեղեցու հովվապետ Նորին Սրբություն Պիմեն Պատրիարքի, իբրև սգակիրներ, աղոթելու սովետական ազգությունների ավելի քան քսան միլիոն զոհերի համար, որոնք իրենց կյանքը քաջությամբ նվիրաբերեցին Խանութս հայրենիքի փրկության, հանուն իրենց կյանքի ազատության:

Մենք երախտապարտ ենք Մեր հարգարժան եղբորը՝ Պիմեն Սրբազան Պատրիարքին, որ մեզ բոլորիս ընծայում է մխիթարական այս սուրբ պահը:

Թող Աստված հավետ լուսավոր պահպանի հիշատակը անմեղ նահատակների և քաջարի հերոսների, ու նրանց հոգիները արժանացնի երկնային հավերժական կյանքի անթառամ պսակին:

Առաջին համաշխարհային պատերազմից հալիվ քսան տարի 'հետո, ի՞նչպես եղավ, որ սկիզբ առավ մի նոր պատերազմ՝ բազմապատիկ ահարկո:

Ես հիշում եմ պատերազմը և նրան նախորդող տարիները, այն ժամանակ ես Ռումինիայում էի: Մանավանդ 1933 թ. սկսած ողջամիտ և խաղաղասեր շատ մարդիկ զգում էին մոտեցող վտանգը, տեսնում էին կոտակվող փոթորիկի նախանշանները: Բազմաթիվ պատասխանատու անձինք թե՛ Սովետական Միության մեջ և թե՛ Արևմուտքում, նաև հենց Գերմանիայում, կանխագուշակում էին փոթորիկը և իրենց ձայնն էին բարձրացնում ընդդեմ մութ ուժերի: Ավաղ, սակայն, կային նաև լայն շրջանակներ և պետական ղեկավարներ՝ Արևմուտքում, որոնք արբեցած թունավոր գաղափարախոսությանց օպյումով կամ անխոստովանելի շահերով, ուղղակի կամ անուղղակի կերպով քաջալերում էին հիտլերյան նացիզմը:

Ես հիշում եմ կարդացած լինել գնդապետ Ա. Գ. Մայերսի հրատարակած մի հոդվածը 1933 թ. սեպտեմբերի 18-ին «Թայմս» լոնդոնյան թերթում, որի մեջ հատկանշական էր հետևյալ պարբերությունը՝

«Կասկած չկա այլևս, որ Եվրոպայում կա մի կատաղած շուն: Պետք է խոստովանել, որ մենք՝ անգլիացիներս ու առվել ևս Ֆրանսիան, միգուցե որոշ չափով մասնակից ենք եղել այն փանցանքին, որ այդ շունը կատաղել է: Սակայն թե՛ այժմ նրա առաջը չառնվի, և այն էլ արագ կերպով, կարճ ժամանակ անց կատաղած շունը կվերածվի գազանացած վտանգավոր վագրի»:

Ինչքա՞ն պգայացունց է հնչում այսօր էլ, անգլիացի գնդապետի այդ ողբերգական մարգարեությունը:

Եվ այսպիսով, կատաղած շունը իր գործը կատարեց: Չոկվեցին հիսուն միլիոն մարդիկ, ավերվեցին երկրներ, քաղաքներ, հրկիզվեցին վանքեր ու եկեղեցիներ, անթիվ ու անհամար: Կորստի մատնվեցին սրբազան գանձեր, քա-

դաքակրթության հուշարձաններ և մշակութային արժեքներ: Պատմության մեջ չտեսնված գազանությամբ, հիտլերյան «ասպետներ»-ը հապարավոր երեխաների, կանանց ու ծերունիների մարմինները ողջ-ողջ հրկիպեցին հատուկ պատրաստված փռերի մեջ:

Այսօր, սարսուռով ենք Ֆիշում այս վարհուրելի արարքները և կրկին անգամ հարց ենք տալիս, թե ինչպե՞ս է, որ փնարավոր դարձան այդ բոլոր բարբարոսությունները: Այդ օրերին գուցե միայն մենք՝ հայերս հիշեցինք 1915-ի սև տարին, երբ Օսմանյան կայսրության ձեռամբ կատարվեց ցեղասպանությունը Արևմտյան Հայաստանի մոտ երկու միլիոն հայ խաղաղ ազգաբնակչության, ցեղասպանություն, որ մի տեսակ նախաբանը հանդիսացավ հիտլերյան ցեղասպան բազմապատիկ ռճիրների:

Սակայն ինչքան կատաղի ու անխիղճ եղավ հիտլերյան արյունարբու ֆաշիզմը և ինչքան զոհեր լափեց ու ավերումներ գործեց, այնքան հզոր եղավ հակահարվածը, այնքան ուժգին դարձավ մարդկային խղճի վարթոնքը, այնքան հաղթական հնչեց արդարության ջեփորը:

Եվ ի վերջո, փիտլերյան հրեշի յոթ գլուխները ջախջախվեցին միասնական հերոսական մարտերովը ապատառենչ ժողովուրդների և մանավանդ ռուս մեծ ազգի ու խորհրդային հանրապետությանց ազգությունների:

Հայ ժողովուրդը ևս, խորհրդային եղբայր ազգությունների կողքին նույն անձնվիրությամբ, նույն ոգեշնչումով իր որդիների արյունը զոհաբերեց անսակարկ կերպով՝ ի խնդիր հայրենական մեծ հաղթանակի:

Ս. Էջմիածնի Հայրապետական Աթոռի տեղապահ Գևորգ արքեպիսկոպոսը, 1941 թ. հուլիսի 30-ի իր պատմական կոչով դիմել էր ողջ հայությանը՝ ահապանգելով, թե՝ «Հանդես է եկել մի նոր բիրտ ուժ, գերմանական ֆաշիզմը, որ հակառակ է ապատության, թշնամի է քրիստոնեության, կրոն է բռնապետության, ավերողը ժողովուրդների ստեղծած նյութական ու մշակութային արժեքների: Հենց այդ բիրտ ուժն է, որ նենգաբար ներխուժել է մեր երկիրը, ավեր ու մահ բերելով իր Ֆետ»:

Հայ մարտիկները մասնակցեցին գրեթե բոլոր ահեղ մարտերին՝ Կերչից մինչև Վոլգայի և Բալթյան ծովի ափերը ու մինչև Բեռլին, տալով ավելի քան երկու հարյուր հիսուն հազար զոհեր: Նաև Արևմտյան Եվրոպայի ռազմաճակատներում, դաշնակից պետությանց զինվորների շարքերում և հակաֆաշիստ դիմադրական շարժումներում, մանավանդ Ֆրանսիայում, Հունաստանում և Բուլղարիայում մեր Եկեղեցու հապարավոր զավակներ իրենց կյանքը նվիրաբերեցին ի խնդիր փրկարար հաղթանակի: Իսկ արտասահմանյան երկրներում ապրող Հայ Եկեղեցու զավակները պատասխանելով Սուրբ Էջմիածնից Գևորգ արքեպիսկոպոսի կոչերին, մի մարդու նման կանգնեցին մայր հայրենիքի կողքին ու իրենց պարտքը կատարեցին խորհրդային ռազմական ուժին նվիրելով «Սասունցի Դավիթ» տանկային շարասյուները:

«Երանի սգաւորաց, զի նոքա մխիթարեցին» (Մատթ. Ե 4). այո՛, իրապես մեր Եկեղեցիներն ու ժողովուրդները մխիթարվեցին մեծ հաղթանակի պտուղներով: «Մահը խափանվեց հաղթանակով» (Ա Կորնթ. Ե 55): Ինչքան տառապալից եղան պատերազմի տարիները, այնքան ցնծալի եղավ աշխարհաստան հաղթանակը:

Այսօր արժան է երկյուղած երախտագիտությամբ ոգեկոչել հիշատակը հայրենական պատերազմի բոլոր ծանոթ ու անծանոթ հերոսների և աղոթել նրանց արիացյալ հոգիների լուսավորման համար, որոնք իրենց կյանքը զո-

հաքերեցին հանուն հայրենիքի, հանուն ապատության և հանուն ապագա խաղաղ ու անվտանգ կյանքի արշալույսների:

Այո՛, այդ էր վերապրողների փանդումը քառասուն տարի առաջ, թե այլևս ո՛չ մի պատերազմ չի մթազնելու մեր երկրագնդի երկինքը, թե այլևս ո՛չ մի ապգություն սուր չի բարձրացնելու ուրիշ ապգի վրա, թե այլևս ո՛չ մի մայր չի ողբալու իր զավակի կորուստը: Այդ երապանքով, ա՛յդ հավատքով էլ կնքվեց Միացյալ Ազգերի Կազմակերպության մեծ ուխտը:

Հայրենական Մեծ հաղթանակի քառասնամյակի ոգեկոչման այս օրերին կարծում եմ, թե հրամայական պարտականությունն է բոլոր Եկեղեցիների, աշխարհի բոլոր մեծ ու փոքր ազգերի, օրենքից դուրս հռչակել պատերազմը և խորտակել նրա բոլոր գործիքները մահվան, որպեսզի չլինի թե կարողանա կրկին բարձրացնել իր գլուխը աշխարհակործան հրեջը մարդակեր, և որպեսզի բոլոր ռազմամուլները հիշեն Հիսուսի պատգամը՝ «Դարձո սուր քո ի տեղի իւր, զի ամենեքեան որ սուր առնուցուն, սրով անկանիցին» (Մատթ. ԻԶ 52):

Միրեցյալ եղբայրներ Մեր, ահա թե ինչու այսօր ես այստեղ եմ գտնվում: Ես կամենում եմ իմ Եկեղեցու ձայնը միացնել ձեր խոսքին, մաղթանքով, որ մեր օրերում պետությունների ղեկավարները վերջ տան ուժի դիրքերից սպառնալիքներին ու մոտենան իրար իբրև խաղաղության ճարտարապետներ:

Վստահ եմ, ձեզանից ամեն մեկը, ով ունի իր Եկեղեցին, իր ժողովուրդը և իր հայրենի հողը, չի կարող ծանրորեն չմտախոգվել մեր ցրերում ստեղծված միջազգային գերլարված կացության առաջ, իբրև հետևանք անսանձ սպառապիւնումների և տեղադրման ատոմական զենքերի ու հրթիռների, որոնք ուղղված են մեր բոլորիս դեմ, մեր Եկեղեցիների դեմ, մեր ժողովուրդների կյանքի դեմ և որոնք նույնիսկ սպառնում են կոսմոսը վերածելու քաոսի:

Նաև Հայ Եկեղեցու և համայն հայ ժողովրդի սրբազան աղոթքն է ու խղճի հրամայականը՝ ընդհանուր պինաթափումը և ամրապնդումը աշխարհի խաղաղության, համերաշխ գործակցությամբ բոլոր պետությունների, արդարության և խաղաղության ավետարանական սկզբունքների լույսի ներքո, սկզբունքներ, որով ոգեշնչված են մեր երկրի բոլոր ժողովուրդները, բոլոր սովետական մարդիկ:

Ո՛չ մի պետական շահ, ո՛չ մի գաղափարախոսություն, ո՛չ մի դասակարգային մրցակցություն, ո՛չ մի կրոնական հավատամք չեն կարող արդարացնել սպառապիւնումների վապքը և պատերազմների սպառնալիքները:

Ով իր հոգու մեջ կրում է Քրիստոսին, թող հրապարակ իջնի ապատ ու համարձակ, ի պաշտպանություն «խաղաղության Ավետարանի», ի պաշտպանություն աստվածապարզ կյանքի: «Երանի խաղաղարարաց, զի նոքա որդիք Աստուծոյ կոչեցին»: Ամեն:

Վեհափառ Հայրապետից հետո ելույթ ունեցան համայն Վրաստանի կաթողիկոս-Պատրիարք Իլիա Բ-ը, Միջին Ասիայի և Ղազախստանի հոգևոր վարչության նախագահ Բաբախանովը և Էստոնիայի լութերական Եկեղեցու պետ դոկտոր Էդգար Հարքը:

Երկրորդ նիստում խոսքով հանդես եկան Լատվիայի Կաթոլիկ Եկեղեցու եպիսկոպոս Վալենտին Չոնդերսը, Բուրգայական Կենտրոնական Խորհրդի, Համամիութենական Ավետարանական Եկեղեցու, Կովկասի Շեխուպիսլամի ներկայացուցիչը, Հնածեսների կենտրոնական կոմիտեի և Ռեֆորմիստների ներկայացուցիչները, որոնք ընդգծեցին Մեծ հաղթանակի կարևորությունը ոչ

միայն իրենց ժողովուրդների կյանքում, այլև համայն մարդկության խաղաղ ապագայի համար:

Վերջում համաժողովի մասնակիցների անունից կոչեր հղվեցին ՍՍՀՄ Գերագույն սովետի նախագահությանն ու աշխարհի կրոնական բոլոր գործիչներին:

ՍՍՀՄ Գերագույն սովետի նախագահությանն ուղղված ուղերձում ի միջի այլոց ասվում է. «Մենք՝ ՍՍՀՄ Եկեղեցիների ու կրոնական հարանվանությունների պետերն ու ներկայացուցիչները, որոնք Տրոյից-Սերգիևյան վանք են եկել Նորին Սրբություն Մոսկվայի և Համայն Ռուսիո Պատրիարք Պիմենի հրավերով՝ մասնակցելու Հայրենական մեծ պատերազմի հաղթական ավարտի 40-ամյակին նվիրված համաժողովին, ողջունի ջերմագին խոսքով դիմում ենք Գերագույն սովետի նախագահությանը մեր հայրենիքի և ողջ մարդկության համար նշանավոր այս իրադարձության առիթով:

Մենք՝ հավատացյալներս, սովետական բոլոր ժողովուրդների հետ միասին խնդությամբ ենք խորհում Մեծ հաղթանակի մասին, որն աշխարհը փրկեց ֆաշիզմից:

...Սիրով և անսպառ երախտագիտությամբ ենք մտածում մեր հայրենակիցների մասին, որոնց մարտիրոսական սխրանքներով ձեռք բերվեց այդ Հաղթանակը: Մեզ համար միշտ սուրբ է լինելու Խիշատակը քսան միլիոն սովետական մարդկանց, որոնք իրենց կյանքը նվիրաբերեցին մեր Հայրենիքի և ողջ մարդկության փրկության համար: Սուրբ պահելով զոհերի Խիշատակը, մենք գիտակցում ենք մեր պարտքը նրանց առաջ. պահել և պահպանել խաղաղությունը Եվրոպայում և ամբողջ աշխարհում:

...Մենք՝ Սովետական Միության կրոնական գործիչներս, աշխատում ենք տարբեր երկրների պետական, հասարակական և կրոնական ղեկավարների գիտակցության մեջ ամրապնդել այն գաղափարը, որ ապագայում քաղաքական և ընկերային հայացքների տարբերությունը պետք չէ արգելք հանդիսանա ժողովուրդների խաղաղ կյանքին ու յարդյունավետ համագործակցությանը, որպեսզի միասնական ճիգերով պահպանվի ամենանվիրական պարզև՝ կյանքը:

Աշխարհի կրոնական գործիչներին ուղղված ուղերձում հատկապես ասվում է. «... Քառասուն տարի է անցել այն ժամանակից, երբ վերջացավ մարդկության պատմության ամենասարսափելի, ամենաարյունահեղ պատերազմը: Մենք սրտի դողով ենք հիշում այն ողբերգությունը, որ ապրեցին աշխարհի շատ ժողովուրդներ: Խոր վշտով և անսպառ երախտագիտությամբ ենք մտածում այն մեծ մարտիրոսության մասին, որ ունեցավ սովետական ժողովուրդը: Քսան միլիոն մարդկային կյանք, կաղերի, այրիների և որբերի բազմաթիվ միլիոններ, հարյուրավոր քանդված քաղաքներ, տասնյակ հազարավոր այրված գյուղեր, կործանված պատմական և մշակութային հուշարձաններ: Հնարավոր է արդյոք թվել բոլոր կորուստներն ու չափել տառապանքների խորությունը, որ մեր ժողովուրդը կրեց պատերազմի ժառանգ:

...Կրոնական գործիչներին պարտքն է՝ բոլոր բարի կամեցող մարդկանց հետ պայքարել մեր Երկիր մոլորակը ատոմային ամբողջական այրման վտանգից ապառելու համար:

Մարդկությունը ատոմային աղետից փրկելու և պետությունների միջև հարաբերությունների բարելավման առաջին քայլերը կարող էին լինել՝ ա. Բոլոր ատոմային զենք ունեցող պետությունները պարտավորություն վերցնեն, որ իրենք առաջինը չեն գործածի այդ զենքը, բ. Բոլոր երկրները համաձայ-

նագիր ստորագրեն, որ չեն տարածելու ատոմային պենքը, գ. Ընդունվի միջազգային համաձայնագիր, որով արգելվի տիեզերական տարածության օգտագործումը ռազմական նպատակների համար, դ. Ատոմային պենքերի ներկա մակարդակի ամբողջական սառեցում, որպես նախաքայլ՝ դրանք կրճատելու, ապա և ոչնչացնելու, ե. Աշխարհի բոլոր մասերում, որտեղ դա խնարավոր է, հայտարարել ապափոփանցված շրջաններ:

Փաստաթղթերը ստորագրեցին Եկեղեցիների և համայնքների բոլոր պետերն ու ներկայացուցիչները:

Համաժողովը փակվեց միատեղ աղոթքով:

Հավարտ համաժողովի Մոսկվայի և Համայն Ռուսիո Պատրիարք Նորին Սրբություն Պիմենը Տրոյից-Սերգիևյան վանքի սեղանատանը պաշտոնական ճաշկերույթ տվեց ի պատիվ համաժողովի մասնակիցների՝ նախագահությամբ Հայոց Վեհափառ Հայրապետի:


Ճաշկերույթին ներկա էր նաև ՍՍՀՄ կրոնական գործերի խորհրդի նախագահ Կ. Մ. Խարչևը:

Ապրիլի 20

Նորին Սուրբ Օծություն Տ. Տ. Վապգեն Ա Ամենայն Հայոց կաթողիկոսը Մոսկվայից մեկնեց Երևան: Վեհափառ Հայրապետին ճանապարհեցին Նորին Սրբություն Պիմեն Պատրիարքը, Կրուտիցկու և Կոլոմենսկու միտրոպոլիտ Յուվենալին, ուրիշ հոգևորականներ և պաշտոնական անձինք:

ԹՂԹԱԿԻՑ





Տ. Տ. ՎԱԶԳԷՆ Ա ՎԵՀԱՓԱՌ ՀԱՅՐԱՊԵՏԻ ՈՂՋՈՅՆԻ
ԽՕՍՔԸ ՈՒՂՂԵԱԼ ՄԻԱՑԵԱԼ ՆԱՀԱՆԳԱՑ ԱՐԵՒԵԼԵԱՆ
ԹԵՄԻ ՀՈԳԵՒՈՐԱԿԱՆԱՑ ՀԱՄԱԳՈՒՄԱՐԻՆ
(2 մայիս 1985 թ.)

Ինչպէս ամէն տարի, նաև այսօր ուրախ ենք Մեր հայրապետական ողջոյնը առաքելու ձեզ բոլորիդ, որ հրաւերովը Ձեր բարեջան առաջնորդ Տ. Թորգոմ արքեպիսկոպոսի հաւաքուած էք մասնակցելու ձեր տարեկան Խամագումարին, առաջադրանքով որ անփոփէք արդիւնքները անցնող տարեշրջանի ձեր կրօնական, դաստիարակչական ու կազմակերպչական գործունէութեան և վերանորոգուած եռանդով կապմէք Ձեր յառաջիկայ աշխատանքներու ծրագիրը յառաել հոգևոր շինութիւն ձեր հաւատացեալ ժողովուրդի:

Այս երջանիկ առթիւ Մենք կը մաղթենք ձեզ մշտատև ներշնչանքներ ու աշխատանքի կորով, որպէսզի միախորհուրդ ու միակամ, ջարունակէք Ձեր աստուածահաճոյ առաքելութիւնը ի միխթարութիւն մեր հաւատաւոր ժողովուրդին:

Աստուածակառոյց Մայր Աթոռ Սուրբ Էջմիածնէն և Մեր հայրական սըրտէն բոլորիդ Մեր օրհնութիւնները, Մեր քաջալերանքը, Մեր բարի մաղթանքները:


Թող նախախնամողն Աստուած իր կենարար հովանին միշտ տարածեալ պահէ Ձեր և ձեր եկեղեցեաց՝ վրայ, պահպանելով զանոնք միշտ լուսառատ, միշտ շնորհաբաշխ:

«Ձի զոր ինչ սերմանէ մարդ, զնոյն և հնձեսցէ, որ սերմանէ ի մարմին իւր, ի մարմնոյ անտի հնձեսցէ զապականութիւն. և որ սերմանէ ի Հոգին, ի Հոգւոյ անտի հնձեսցէ զկեանս յաիտենականս» (Գաղատ. Զ 8): Ամէն:

ՎԱԶԳԷՆ Ա

ԿԱԹՈՂԻԿՈՍ ԱՄԵՆԱՅՆ ՀԱՅՈՑ





**Տ. Տ. ՎԱԶԳԷՆ Ա ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ
ՈՂԶՈՅՆԻ ԽՕՍՔԸ ՈՒՂՂԵԱԼ ՄԻԱՑԵԱԼ ՆԱՀԱՆԳԱՑ
ԱՐԵՒԵԼԵԱՆ ԹԵՄԻ ՊԱՏԳԱՄԱԻՈՐԱԿԱՆ ԺՈՂՈՎԻՆ
(2 մայիս 1985 թ.)**

Հայրական սիրով կ'ողջունենք Ձեր թեմական պատգամաւորական ժողովը ու կը բերենք Ձեզի ամենուր Մեր ջերմագին գնահատանքը Ձեր ծաւալած հոգեշէն գործունէութեան համար, յառաել պայծառութիւն Ձեր եկեղեցական-թեմական տիրախնամ կազմակերպութեան, հոգեշունչ առաջնորդութեանը ներքոյ Գերաջնորհ Տ. Թորգոմ արքեպիսկոպոսի:

Մեզի համար հոգեկան մխիթարութիւն է հաստատել կրօնական, կրթական և մշակութային մակարդակներու վրայ տարածող Ձեր աշխատանքները եկեղեցական կեանքին մէջ, սերտ գործակցութեամբը Ձեր թեմակալ սրբապան առաջնորդի, ժրջան հոգևոր հովիւներու և թեմական ու հաւայնքային վարչական բարեխնամ մարմիններու:


Մեր իղձն ու յորդորն է որ անցնող տարիներու ձեր փորձառութեանց լոյսի տակ, միախորհուրդ ու համերաշխ նախագծէք Ձեր գործունէութեան ծրագիրը յառաջիկայ տարիներու համար, յառաել պօրացում ձեր եկեղեցական կազմակերպութեան, յառաել ընդլայնում ձեր կրթական դաստիարակչական գործունէութեան, յառաել ամրապնդում նոր սերունդներու կրօնական ու ազգային գիտակցութեան:

Մենք ջերմապէս կը գնահատենք շինարար արդիւնքները ցարդ Ձեր կատարած իրագործումներուն, մաղթելով որ Տէրը Ձեզի պարգևէ մշտանորոգ եռանդ ու ներշնչանք, ջարտունակելու Ձեր առաքելութիւնը ի պայծառութիւն ձեր եկեղեցիներու և յառաել շինութիւն մեր ժողովուրդի հոգևոր կեանքի քրիստոսասէր ամերիկեան երկրի մէջ:

Մայր Աթոռ Սուրբ Էջմիածնէն և Մեր սրտէն օրհնութիւն Ձեր վաստակին, Ձեր կեանքին ու Ձեր առաքելութեան:

«Պինդ կալցուք յիսուստովանութիւն անշարժ յուսոյն, ՚յի հաւատարիմ է որ խոստացան: Եւ պգոշասցուք միմեանց յորդորմամբ սիրոյ և գործոց բարեաց» (Եբր. Ժ 23—25): Ամէն:

**ՎԱԶԳԷՆ Ա
ԿԱԹՈՂԻԿՈՍ ԱՄԵՆԱՅՆ ՀԱՅՈՑ**



ՀԱՂԹԱՆԱԿԻ ԲԵՐԿՐԱՆՔԸ

1945 թվականի գարնանը հայ պինվորը տուն դարձավ հաղթանակի դափնեպսակով. հայրեր, ամուսիններ, պավակներ և դուստրեր շտապում էին տուն՝ հայրերին, կանանց, պավակներին և դուստրերին հաղթական գարնան ավետիսը տալու և վերակառուցելու իրենց հայրենի տունը՝ Հայրենիքը: Անցավ և այս փորձությունը:

Դեռ լրիվ չէին սպիացել Առաջին աշխարհապատերազմի վերքերը, չէին խունացել 1915 թվականի եղեռնի արհավիրքի հիշողությունները, երբ հայ մարդը ստիպվեց թողնել իր խաղաղ, ստեղծարար աշխատանքը և գնալ, մասնակցել իրեն պարտադրված պատերազմին:

Բայց այս պատերազմը տարբեր էր հայ պինվորի ու մարտիկի մղած բոլոր պատերազմներից՝ իր դարավոր և հաճախ արյունալի պատմության ընթացքում: Ո՛չ այն պատճառով, որ թշնամին նախադրված էր եղել. թշնամին միշտ է ուխտադրուծ: Ո՛չ այն պատճառով, որ ահեղ էր թշնամին. նախադրված էր թշնամին միշտ է զապանային՝ վերջին ցատկին սպասող վագրի նման: Ո՛չ այն պատճառով, որ այն համաշխարհային էր և աշխարհաստան. պատերազմները միշտ լինում են արհավիրացի ու վճռորոշ: Այլ այն պատճառով, որ հայ պինվորը՝ իր պատմության մեջ առաջին անգամ կռվում էր ոչ մենակ, այլ հպորացած բազմամիլիոն ժողովուրդների եղբայրակցությամբ: 451 թվականին Ավարայրի ճակատագրական ճակատամարտի նախօրեին ի դերն ելան հայերի բազմակողմանի փորձերը՝ ձեռք բերել հաղթանակ: Բյուզանդիայի և այլ ժողովուրդների օգնությունը, և հայ ժողովուրդը մենակ մնաց

առարկու Պարսկաստանի դեմ: Ավելին, եղան դարեր, երբ հայը ստիպված էր կռիվ մղել միաժամանակ մի քանի ճակատի վրա, բյուզանդական-պարսկական, բյուզանդական-արաբական, բյուզանդական-արաբական-սելջուկյան, և 1918 թվականին՝ Սարդարապատում՝ արյունաքամ եղած: Հետո, իր պատմության մեջ առաջին անգամ հայը պատերազմ էր մղում ոչ Հայաստանի հողի վրա, բայց նաև Հայաստանի փրկության համար: Դարեր շարունակ հայը կռվել էր Հայաստանից դուրս, բայց ոչ իբրև պինակից, այլ հարկատու երկրի ռազմական պարտավորություն՝ հոների ու քուշանների, պարսից կամ բյուզանդացիների դեմ: Իսկ այս անգամ մղում էր ի՛ր պատերազմը՝ Մեծ Հայրենիքի և Փոքրիկ Հայաստանի պատերազմը: Անշուշտ պատերազմ էր նաև թիկունքում և ամենուր, այդ օրերին ամեն ինչ սովետական բանակի համար էր՝ ցորենի ծիր, հաստոցի դրոշմը ու անգամ դասարանի դասը: Բայց Հայաստանը նաև սպառնալիքի տակ էր՝ դառնալու նոր ռազմաճակատ: Դարավոր թշնամին դարանակալ սպասում էր Ստալինգրադի անկման ապոնեոզին, բայց այդ ապոնեոզինը տագնապ դարձավ բարոյալքված թշնամու ուժերի համար և նախասկիզբ՝ Բեռլին տանող հաղթական ճանապարհի: Գազանը չկատարեց իր ցատկը, չհամարձակվեց ցատկել, սակայն ցատկի մոլուցքը կարիճի խայթ դարձավ սեփական պատմության վրա, որովհետև դարավոր թշնամին որոշակիորեն զգաց պահպանիչ ուժի ու եղբայրակցության ցատումը, որ նախադրված էր իրենից արյունաքամ արեց իր իսկ որջում՝ բազմաթիվ ժողովուրդներ ապատելով ֆաշիստական

լծից, ճանապարհի հարթելով ժողովուրդների խաղաղ գոյակցության համար:

Եթե Առաջին համաշխարհային պատերազմը մեր ժողովրդին բերեց ամենամեծ աղետը՝ երկու միլիոն անմեղ հայերի սպանող, ապա Երկրորդ համաշխարհային պատերազմը դարձավ Հայրենական, որովհետև հայն զգաց, որ ինքը մենակ չէ այլևս՝ ինչքան էլ ամպը կարկտաբեր լինի և կայծակը՝ մահաբեր: Սա պատմության մեծագույն դասըն էր մեր ժողովրդին: Այս գիտակցությամբ էր, որ, ինչպես հայ ժողովրդի քրիստոնեական պատմության ողջ ընթացքում, այս անգամ ևս Մայր Աթոռ Ս. Էջմիածինը իր նյութական և բարոյական աջակցությունը բերեց հաղթանակի գործին, պատմական կոչարեց, և Սփյուռքը իր եղբայրական ձեռքը կարկառեց «լինել չլինելու» օրհասի մեջ գըտնըվող հայ վիճվորին և երախտապարտությամբ հատուցեց սովետական բանակի եղբայրական օգնությունը:

Հետպատերազմյան տարիներին հայ ժողովուրդը վերագտավ իր հոգեկան խաղաղությունն ու լծվեց ստեղծարար աշխատանքի: Հետպիստե բուժեց պատերազմի նյու-

թական և բարոյական վերքերը և նոր, վճռականությամբ ու եռանդով ձեռնամուխ եղավ կերտելու իր նոր կյանքը՝ մշակութային նվաճումներով՝ արվեստի բոլոր բնագավառներում, գիտական մտքի և կրթության աննախընթաց վերելքով: Այդ բոլորը հնարավոր դարձավ տնտեսական և արդյունաբերական առաջընթացով՝ սովետական ժողովուրդների համերաշխ ընտանիքում և խաղաղության նպաստավոր պայմաններում:

Բարգավաճեց և Հայ Եկեղեցին Մայր Աթոռ Ս. Էջմիածնի ծաղկումով՝ դառնալով հայ ժողովրդի հոգևոր կյանքի և քրիստոնեական մտածողության կենսատու երակը:

Խաղաղությունը դարի հրամայականն է: Խաղաղությունը պետք է բոլորին: Բայց խաղաղությունը պետք է հատկապես մեզ, որպեսպի նոր պատերազմի հրդեհի մեջ չհորանան հապիվ արմատակալած ընձյուղները և հայ նոր բեկորներ չսփռվեն աշխարհով մեկ, թող թե՛ կարող են ճռաքաղ լինել ու արմատախիլ:

Սա է բերկրանքը և հաղթանակի մշտանորոգ խորհուրդը:





ՄԱՅՐ ԱԹՈՒ Ս. ԷԶՄԻԱԾՆԻ ՀԱՅՐԵՆԱՍԻՐԱԿԱՆ
ԳՈՐԾՈՒՆԵՈՒԹՅՈՒՆԸ ՀԱՅՐԵՆԱԿԱՆ
ՊԱՏԵՐԱԶՄԻ ՏԱՐԻՆԵՐԻՆ
(1941—1945 թթ.)

Ի լրացումն «Էջմիածին» ամսագրի 1975 թվականի մայիսի համարում լույս ընծայված փաստաթղթերի, հրապարակում ենք որոշ փաստաթղթեր և նյութեր, որոնք անմիջականորեն կապ ունեն Հայրենական պատերազմի օրերին Հայ Եկեղեցու և հայ ժողովրդի մտահոգությունների հետ: Նրանց մի մասը ցույց է տալիս հայ ժողովրդի եռանդն ու ճիգը՝ ամենադուրյան օգնությամբ արագացնելու փառապանծ Հաղթանակը: Այդ օրերին հայ ժողովուրդը, ի Հայաստան և ի սփյուռք աշխարհի, մեկ սիրտ և մեկ հոգի դարձած, իրենց արյունն ու ունեցվածքը ի սպաս դրեցին Մեծ Հաղթանակի գործին:

Կարծում ենք այս հրապարակումները կօգնեն այդ շրջանի պատմության առավել լուսաբանմանը և հայ ժողովրդի մասնակցության ճիշտ գնահատմանը:

ԽՄԲԱԳՐՈՒԹՅՈՒՆ

ՄՈՍԿՈՒԱ, ԿՐԵՄԼ

ԵՕՍԻՖ ՎԻՍՍԱՐԻՈՆՈՎԻՉ ՍՏԱԼԻՆԻՆ

Այս յիշատակաց արժանի օրերին, երբ փառապանծ Կարմիր Բանակը ցուցաբերելով քաջութեան անօրինակ հրաշքներ, վտարում է թշնամուն մեր սրբապան երկրի սահմաններից, ես բաղդաւոր եմ հաղորդելու այն արտաքույ կարգի յաջողութեան մասին, որ ունեցել է Մեր տեղակալական Կոնդակը ուղղուած Արտասահմանի եւ մեր երկրի ամբողջ Հայութեան, նուիրուած ազգերի ազատութեան մեծ գործին:

Հայ ժողովրդի հապարաւոր զաւակներ Միութեան միւս եղբայր ժողովուրդների որդիների հետ, ապնւօրէն կատարում են իրենց պարտքը հանդէպ

Հայրենիքի, չխնայելով իրենց կեանքը, քաջաբար կռում են բոլոր ճակատներում անօրէն թշնամու դէմ: Արտասահմանի Հայութիւնն էլ, հետեւելով իր սիրած Էջմիածնի օրինակին եւ լսելով նորա հրաւերը, բերում է իր սրտաբուլիս եւ առատ նուէրները ապատութեան Ս. սեղանին, Դաւիթ Սասունցու անուամբ կառուցանելու համար տանկային շարասիւններ:

Տանկային առաջին շարասիւնը, գեներալ-լէյտեն.սնտ Կորոպկովի հաղորդագրութեան համաձայն, արդէն իսկ յաջողութեամբ կռվում է ճակատում: Դաւիթ Սասունցու անուան նուիրուած տանկային երկրորդ շարասեան կառուցման համար էլ անընդհատ գալիս են դրամական նուիրատուութիւններ նախկին յաջողութեամբ, որի գումարն այսօր 40000 Ամդոլլարից եւ 10000 անգղիական ֆունտ ստերլինգից անցնում է: Վերջին օրերս Թեհրանի Հայութիւնից ստացել ենք հեռագրական հաղորդագրութիւն, որով յայտնում են թէ յօգուտ տանկային շարասեան կառուցման համար հանգանակուած դրամը հասել է 1.745.000 Ռիպլի: Ստացում են նաեւ գումարներ ճակատում կռող մարտիկների ընտանիքներին օգնելու նպատակով:

Ընդունեցէք, թանկագին ԵՍՍԻՖ ՎԻՍՍԱՐԻՈՆՈՎԻԶ, Մեր օրհնութիւնը եւ հաւատացեալ հայ ժողովրդի ողջոյնը:

ԳԵՈՐԳ ԱՐՔԵՊԻՍԿՈՊՈՍ ԶԵՈՐԵՔԶԵԱՆ
Ազգընտիր Տեղակալ Ամենայն Հայոց Հայրապետութեան

ՀԻՄՔ—Ֆ 409, Ց 1, Գ 720, էջ 12:

ԿԱԹՈՂԻԿՈՍԱԿԱՆ ՊԱՏՈՒԻՐԱԿՈՒԹԻՒՆ
ՀԱՐԱԻԱՅԻՆ ԱՄԵՐԻԿԱՀԱՅՈՑ

Պ. Ալբէս, 5 Յունիս, 1943 թ.

Ամենապատիւ

Տ. Գեորգ Ս. Արքեպիսկոպոս Զէօրէքճեան
Տեղակալ Ամենայն Հայոց Հայրապետութեան

Ս. Էջմիածին, Հայաստան.

Երեկ Նիւ Եորք, Առաջնորդ Գեր. Տ. Գարեգին Արքեպ. Յովսէփեանի անունին հեռագրով ուղարկեցինք 2000—երկու հազար—տոլար՝ Ձեր Ամենապատուութեան փութացնելու խնդրանքով:

Այդ գումարը հանգանակուած է ի նպաստ Հայաստանի պատերապմական աղէտեալներուն: Ձեր բարեհաճութեան կը թողունք, սակայն, գործածել վասն Ձեր յարմար դատած եղանակով եւ օրուան պահանջին ընդառաջելով:

Հանգանակութիւնը կը շարունակուի:

Կը ցաւինք որ մեր նամակները կը մնան անպատասխանի:

Եղբայրական սիրոյ եւ յարգանաց ողջունիւ

Մնամք աղօթակից

ԳԱՐԵԳԻՆ ԱՐՔԵՊ. ԽԱԶԱՏՐԵԱՆ
Կաթ. Պատուիրակ Հարաւ. Ամերիկահայոց

ՀԻՄՔ—Ֆ 409, Ց 1, Գ 3753, էջ 3:

ԿԱԹՈՂԻԿՈՍԱԿԱՆ ՊԱՏՈՒԻՐԱԿՈՒԹԻՒՆ
ՀԱՐԱՒԱՅԻՆ ԱՄԵՐԻԿԱՀԱՅՈՑ

5 Օգոստոս 1943, Պուէնոս Այրէս

Ամենապատիւ

Տ. Գէորգ Ս. Արքեպիսկոպոս Չէօրէքճեան

Տեղակալ Ամենայն Հայոց Հայրապետութեան

Ս. Էջմիածին, Հայաստան.

Ձեր Յուլիս 23 թ. հեռագիրը ստացած ենք ժամանակին, բայց ոչ ակնարկ-
ւած պատասխանները մեր նամակներուն:

Ամսոյս 2-ին յանուն Ամենապատուութեանդ եւ Հիւս. Ամերիկահայոց
Առաջնորդ՝ Գեր. Տ. Գարեգին Սրբապանի միջոցով ուղարկեցինք 1,499.50
(հազար չորսհարիւր իննսունինն եւ կէս) տոլար: Այս գումարին հարիւր տո-
լարը Լուսատրջի Լումայ է, մնացածը հանգանակուած է յանուն Հայաստանի
պատերազմական աղէտեալներուն:

Եղբայրական յարգանաց ողջունիւ

Մնամք աղօթակից

ԳԱՐԵԳԻՆ ԱՐՔԵՊ. ԽԱԶԱՏՐԵԱՆ

Կաթ. Պատուիրակ Հարաւ. Ամերիկահայոց

ՀԻՄՔ—Ֆ 409, Յ 1, Գ 3753, էջ 4:

ՆՈՐԻՆ ԲԱՐՁՐ ՍՐԲԱԶՆՈՒԹԵԱՆ

ԳԵՐԱՇՆՈՐՀ ԱՐՔԵՊԻՍԿՈՊՈՍԻ ՉԵՕՐԵՔՉԵԱՆ,

Յայտնում ենք հայ ժողովրդի ամենասրտագին գնահատանքը հայրենա-
կան պատերազմի ամբիւս և ռեք անձնուիրութիւնը հանդէպ Մայր Աթոռի, հաւ-
տատուն յուսով ազատութեան և արդարութեան: Հայոց ռազմանպաստ Միու-
թիւնը արդէն իսկ յատկացրեց 47,000 տոլար՝ Կարմիր Բանակի Բժշկական
օգնութեան համար: Այլ և ունինք գումարներ, յատկացուած Հայաստանի ժո-
ղովրդի օգնութեան համար: Ուստի խնդրում ենք հաղորդել թէ ինչ նիւթեր
կարող ենք ուղարկել:

ՅԱՐՈՒԹԻՒՆ ՂԱԶԱՐԵԱՆ

ՀԱՅ ՌԱԶՄԱՆՊԱՍՏ ՄԻՈՒԹԻՒՆ

1943 թ.

ՀԻՄՔ—Ֆ 409, Յ 1, Գ 3578, էջ 5:

ՀԱՅԿԱԿԱՆ ՍՍՐ ԳԵՐԱԳՈՒՅՆ ՍՈՎԵՏԻ ՆԱԽԱԳԱՀՈՒԹՅԱՆ ԳՈՐԾԵՐԻ
ԿԱՌԱՎԱՐՉՈՒԹՅՈՒՆ

16.06.1944 թ.

Տ Ե Ղ Ե Կ Ա Ն Ք


Ընդունված է Տեղակալ ամենայն հայոց Հայրապետության Գևորգ Արքեպիսկոպոս Զորեքչյանի կողմից Հայրենական պատերազմի օգտին Օրջոնիկիձեի հայ հավատացյալ Համայնքից հանգանակած (8000) ութը հազար ռուբլի դրամը:

ՀԱՅԿԱԿԱՆ ՍՍՐ ԳԵՐԱԳՈՒՅՆ ՍՈՎԵՏԻ
ՆԱԽԱԳԱՀՈՒԹՅԱՆ ԳՈՐԾԵՐԻ ԿԱՌԱՎԱՐԻՉ

(Բ. Պետրոսյան)

ՀԻՄՔ—Ֆ 409, Ց 1, Գ 727, Էջ 13:





ԿՈՉ

ՀԱՅ ՀԱՒԱՏԱՑԵԱԼ ԺՈՂՈՎՐԴԻՆ

Գերմանական ագրեսիայի դեմ մղուող հայրենական մեծ պատերազմի օրերին՝ ամբողջ սովետական ժողովուրդը, մարտական ափսոսով ներշնչուած, միասնօրէն համախմբուել է իր Կառավարութեան շուրջը՝ իր Հայրենիքը, իր պատուութիւնը եւ իր պատիւը պաշտպանելու համար:

Սովետական բոլոր ժողովուրդներն էլ տոգորուած են մի ցանկութեամբ՝ ամեն միջոցներով օգնել Կարմիր Բանակին ապահովելու համար հայրենական պատերազմի յաղթական վախճանը: Սովետական ժողովուրդների համերաշխութիւնն ու դէպի Հայրենիքն ու նորա փառապանծ Կարմիր Բանակը տաժած սէրն արտայայտուում է համաժողովրդական այն շարժման մէջ, որով իրենց հալալ աշխատանքի խնայողութիւնները տրամադրում են Պետութեան՝ Կարմիր Բանակի մարտական ոգին բարձրացնելու եւ նորա մարտական ոյժը պորացնելու համար:

Ճակատի եւ թիկունքի համերաշխ գործունէութեան, Բանակի Գերագոյն Հրամանատարութեան, նորա իմաստուն եւ խիստ մտածուած ծրագրի եւ Սովետական բոլոր ժողովուրդների անձնութեան ու անձնապոհութեան հետեանքով է, որ այսօր Կարմիր Բանակը հարուած հարուածի ետեւից հասցնում է գերմանական հրոսակային բանակին, ջախջախելով եւ հետպիտեւ վանելով մեր երկրից:

Հայ հաւատացեալ ժողովուրդը հայրենական մեծ պատերազմի հէնց առաջին օրերից՝ անձնութեամբ լծուել է մեծ պատերազմին, չխնայելով ոչ իր անձը, ոչ իր վառակներին եւ ոչ էլ իր դրամական միջոցները, որի համար եւ ըստ արժանւոյն գնահատուել է նա Սովետական Կառավարութեան կողմից:

Անշուշտ նաեւ այսօր նա յետ չի մնայ իր եղբայր ժողովուրդներից եւ իր առատ դրամական օգնութեամբ կու գայ աջակցելու ՏՄԿԿՅԻՆ ՀԱՐԱՍԻՆ:

ՆԵՐԻ ԵՒ ԻՆՔՆԱԹԻՌՆԵՐԻ արտադրությունը պորացնելու, թշնամուն վախճանական հարուած հասցնելու համար, որպէս զի ահռելի պատերազմը վերջանայ մեր յաղթութեամբ՝ ու մեր Հայրենիքը ապատուի, մեր պատիւը պաշտպանուի եւ՝ ապագայ տեղական խաղաղութեան ընթացքում՝ վերաշինենք մեր աւերը, վերականգնենք մեր կուլտուրական կորուստները, եւս առաւել բարելաւենք մեր տնտեսական դրոյթը եւ աշխարհի բոլոր ազգերի հետ համերաշխ ապրենք, վայելելով ապատութիւն, խաղաղութիւն և բարօր կեանք:

Հայ հաւատացեալ ժողովուրդը, որ միշտ հետեւել է Ս. Էջմիածին, կատարելապէս համոզուած ենք, որ նա այսօր էլ կը հետեւի նրան եւ նորա առատ նուիրատութեան օրինակով, որ արգասիք է հայ ժողովրդի կամքի ու բուն ցանկութեան, չի խնայի իր լուսն առատօրէն տալու, հայրենական պատերազմի յաղթական վախճանը ապահովելու համար:

Ս. Էջմիածինը այս նպատակով որոշել է հայ եկեղեցիներում կապմակերպել Յանձնաժողովներ թուահամարուած եւ կնքուած մատենաներով կամաւոր նուիրներ գանձելու համար, եւ կրկնապատկել է մումի արժէքն ու կնունքների կամաւոր տուրքը, կեսը յատկացնելով պատերազմի օգտին:

Օրինում եմ հայ ժողովուրդը, մաղթում եմ Բարձրեալին, որ պատերազմի դաշտի մեր զաւակների կեանքը խնայէ եւ պահպանէ, ձեր սիրտը մխիթարէ եւ մեր ձեռնարկը յաջողութեամբ պսակէ. ամէն:

ԱԶԳԸՆՏԻՐ ՏԵՂԱԿԱԼ ԱՄԵՆԱՅՆ ՀԱՅՈՑ ՀԱՅՐԱՊԵՏՈՒԹԵԱՆ
ՀԻՄՔ—Ֆ 409, Յ 1, Գ 281, էջ 1:

ԱՐՏԱՍԱՀՄԱՆՅԱՆ ԵՐԿՐՆԵՐԻ ԲՈԼՈՐ ՀԱՅԵՐԻՆ

Հարապատ եղբայրներ ու քույրեր.

Գերմանական ֆաշիզմը՝ մարդկության անարգ թշնամին, երկրորդ իմպերիալիստական պատերազմի հանցագործը, հրի և սրի մատնելով Եվրոպայի կուլտուրական ժողովուրդներին, ճորտացրեց նրանց և ենթարկեց իր արյունոտ ռեժիմին:

Հուլյանդիայի, Բելգիայի, Դանիայի, Չեխոսլովակիայի, Հարավսլավիայի, Ֆրանսիայի, Լեհաստանի, Ռումինիայի, Բուլղարիայի, Հունաստանի և ուրիշ երկրների ապատասեր ժողովուրդները վերածվում են իրավապուրկ ստրուկների, նրանց երկրները կործանվում են, նրանց կուլտուրան ոչնչանում է, ոտնակոխ է արվում այդ ժողովուրդների լավագույն զավակները:

Արյան և ցեխի մեջ թաթախված, սվաստիկայի ճիրաններում հյուծվում է ինքը գերմանական ժողովուրդը:

Նվաճված և օկուպացիայի ենթարկված երկրներում արյունախում Հիտլերը վերականգնել է կաննիբալիզմը, միջնադարյան խավարը և ինկվիզիցիան:

Ամբողջ աշխարհին, ողջ առաջադեմ մարդկությանը հայտնի դարձավ քաղաքակիրթ աշխարհի պատմության մեջ չլսված այն ուխտադրժությունը, որ հանդես բերին ֆաշիստական Գերմանիայի կառավարիչները՝ արյունկալկ Հիտլերը և նրա ոհմակը:

Ճիվաղ Հիտլերը կատարեց իր նոր, ամենանողկալի չարագործությունը՝ նա հարձակվեց Սովետական Միության վրա, երկուհարյուր միլիոնանոց ժողովրդի վրա, նրա հայրենիքի վրա: Սովետական Միությունը պատերազմ չէր

ույում, նա խստորեն պահպանում էր միջազգային պայմանագրերի հանդեպ ունեցած իր հավատարմությունը:

Սովետական բազմազգի պետության ժողովուրդները, որ ձեռք են բերել խաղաղության, ապատության և երջանկության իսկական հայրենիք, մի քառորդ դարի իրենց ապնիվ աշխատանքով իրենց երկիրը վերածեցին հարուստ, կուլտուրական, հզոր մի պետության, ուր բոլոր ազգերն ու ժողովուրդները հավասար են:

Ժողովուրդների այս մեծ ընտանիքում, ինչպես հեքիաթական փյունիկ, մոխրից և բոցերից վերածնվեց մեր ապատասեր հայ ժողովուրդը: Սովետական իշխանությունը փրկեց մեր ժողովուրդը կործանումից և ֆիզիկական բնաջնջումից: Մեր անձնագրի աշխատանքով, ռուս մեծագործ ժողովրդի օգնությամբ, Սովետական Հայաստանը վերածվեց մի ծաղկած երկրի: Մեր հայրենիքը ծածկվեց բազմաթիվ առաջնակարգ ֆաբրիկաների և գործարանների, էլեկտրոկայանների և ոռոգման ջրանցքների խիտ ցանցով: Չտեսնված վարձագման հասավ մեր գյուղատնտեսությունը, տասնյակ հազար հեկտարներով փարթավ այգիներ և պարտեզներ, բամբակի և ծխախոտի պլանտացիաներ, հարյուր հազարավոր հեկտարներով ոսկեշող արտեր մեր հայրենիքը դարձրին վարձագած, կուլտուրական գյուղատնտեսության երկիր—անապատները վերածվել են երփներանգ այգիների:

Իրականացավ մեր ժողովրդի դարավոր երազը, կատարվեցին նրա լավագույն գավակների՝ Աբովյանի, Նալբանդյանի, Թումանյանի և ուրիշների բաղձանքներն ապատ հայրենիքի մասին:

Վերածնվեց և աննկարագրելի վարձագման հասավ մեր հազարամյակների կուլտուրան—տասնյակներով բարձրագույն դպրոցներ և գիտական հիմնարկներ, հարյուրավոր թանգարաններ և աշխատանոցներ, հազարից ավելի միջնակարգ և տարրական դպրոցներ են բացված Հայաստանում սովետական իշխանության տարիներին: Սովետական Հայաստանի մայրաքաղաք Երևանը, երբեմնի պարսկական հողաշեն այդ Երևանը, որ դաշնակների տիրապետության օրով կիսով չափ կործանվել էր, հիմնովին նոր է կառուցված: Մատենադարանը՝ մեր դարավոր կուլտուրայի այդ գանձարանը, հարուստ ու բովանդակալից պատկերասրահը, Գիտությունների Ակադեմիայի ֆիլիալը, համալսարանը, կոնսերվատորիան, պետական թատրոնները, օպերան, թանգարանները, գրադարանները, հիվանդանոցները, հոյակապ շենքերը, ասֆալտապատ պողոտաները, սովերախիտ պարկերը, բազմաթիվ ճարտարապետական հուշարձանները մեր մայրաքաղաքը դարձրել են Սովետական Միության ամենագեղեցիկ ուտաններից մեկը:

Մարդկության և կուլտուրայի ոխերիմ թշնամին՝ սադիստ և խավարամոլ Հիտլերն իր արյունոտ թաթը մեկնել է դեպի սովետական ժողովուրդների ապատությունը: Նա ուզում է հափշտակել մեր հողերը, մեր քաղաքներն ու գյուղերը, նա ուզում է տիրանալ մեր հարստություններին, ոչնչացնել մեր հոյակապ կուլտուրան:

Բայց հիտլերյան կայծակնային հարվածի ծրագիրը Սովետական Միության նկատմամբ՝ տապալվեց պատերազմի առաջին իսկ շաբաթում: Կարմիր Բանակը ոչնչացրեց ֆաշիստական լավագույն դիվիզիաները և շարունակում է հետևողականորեն ջախջախել և արյունաքամ անել Հիտլերի ռազմական մեքենան: Միլիոնից ավելի գերմանական փնվորներ իրենց գերեզմանը գտան սովետական հողում:

Սովետական Միության եղբայրական ժողովուրդների հետ միասին արյունաքաղ ֆաշիզմի դեմ ահավոր ուժով բարձրացավ նաև հայ ժողովուրդը:

Մեր ժողովուրդն իր բազմադարյան պատմության ընթացքում առաջին անգամը չէ, որ դուրս է եկել օտարերկրյա ասպատակողների և հափշտակիչների դեմ, բայց նա երբևիցե չի եղել այնքան միաձույլ, ինչպես հիմա: Մեր ժողովրդի հոգում վերակենդանացել են Սասնա դյուցապունների հերոսական տրագիգիաները: Հայաստանի հապարավոր խիզախ զավակները Կարմիր Բանակի շարքերում հերոսաբար մարտնչում են հանուն սովետական հայրենիքի և ջախջախում հիտլերյան հորդաները: Մեր ժողովրդի ծոցից ելած անվեհեր մարտիկների՝ օդաչու Գապայանի, մայոր Ապրեսյանի, լեյտենանտ Մելքումյանի անունները նշված են սովետական կառավարության կողմից և փառաբանվում են ամբողջ Սովետական Միության մեջ: Այդ հերոսների սխրագործությունները մեզ հիշեցնում են հայ ժողովրդի անմահ զորավարներ, ժողովրդական հերոսներ՝ Վարդան Մամիկոնյանին, Գևորգ Մարզպետունուն, Դավիթ բեկին և մյուսներին, որոնք անձնուրացաբար մարտնչել են հանուն իրենց հայրենիքի, ազատության և պատվի:

Թող բոհեմյան եֆրեյտոր Հիտլերը և նրա ունակը ոռնան այն մասին, թե նրանք իրենց հետ ազատություն են բերում: Մենք լավ ենք ճանաչում նրանց «ազատությունը»:

Ազատությունն ըստ ֆաշիզմի—դա Հիտլերի արնածարավ ունակի ազատությունն է՝ աշխարհի քաղաքակիրթ ժողովուրդներին գերմանական կալվածատերերի հավիտենական ճորտերը դարձնելու, ազատություն ըստ ֆաշիզմի—դա ծաղր է ժողովուրդների հանդեպ, անվերջ պատերազմի և սովի սարսափներ են, դա մահն է մեր մանուկների:

Հայ ժողովուրդն իր դարավոր պատմության ընթացքում տեսել և ապրել է օտարերկրյա Կորդանների բազմաթիվ ասպատակություններ, նա գիտե, թե ինչ է նշանակում կոտորած, ջարդ, սով, բռնություն, նա շատ անգամ է փորձել դրանց սարսափները: Մեր հիշողության մեջ դեռ թարմ է հայ ժողովրդի՝ մեր եղբայրների և քույրերի զապանային կոտորածների պատկերը, կոտորածներ, որ կազմակերպեց և ներշնչեց Հիտլերի արյունոտ Նախահայր Վիլհելմ կայսերն առաջին իմպերիալիստական պատերազմի տարիներին: Մենք չենք մոռացել այն ստոր դավաճանական դերը, որ խաղացին գերմանական իմպերիալիզմի գործակալները—դաշնակ շեֆերը մեր ժողովրդի բնաջնջման գործում:

Հիմա էլ, ճակատագրական այս օրերին գտնվում են դաշնակցական պարագլուխներ, որոնք անամոթաբար լիզում են Հիտլերի արյունոտ կրոնկները և պատրաստ են ամեն կարգի դավաճանության:

Մեր ազատաբաղձ ժողովուրդը մեծագույն զրկանքների միջով, որ պատճառում էին նրան սանձարձակ հափշտակիչները, միլիոնավոր զոհերի գնով բարձր պահեց ազատության և ինքնուրույն գոյության դրոշմը: Այսօր նա սովետական ժողովուրդների մեծ ընտանիքում ապրում է ազատ և երջանիկ կյանքով: Մենք կառուցում ենք, ստեղծագործում և մեր լուման ենք մտցնում համաշխարհային կուլտուրայի գանձարանը:

Հարավատ եղբայրներ և քույրեր, Մենք լավ գիտենք, որ յուրաքանչյուր հայ երկրագնդի որ մասում էլ նա գտնվելիս լինի, սիրում է իր իսկական մայր հայրենիքը—ազատագրված Սովետական Հայաստանը: Ամեն մի հայ երազում և ձգտում է վերադառնալ իր հայրենի օջախը:

Վերջերս ուղարկված իր հեռագրում «Լրաբեր» թերթի խմբագիր Մարտենցն ասում է. «Ամերիկայի հայ առաջադիմական լիգայի օրգան «Լրաբեր»-ը վրդովմունքով նշավակում է ոչնչով չհրահրված այն հարձակումը, որ կատարեցին նացիստները Սովետական Միության վրա: Ամերիկյան բոլոր ժողովուրդների

և ամերիկահայերի համակրանքը սովետական ժողովուրդների և հերոսական Կարմիր Բանակի կողմն է: Ձեր գործն արդար է: Ամերիկահայերը նորից հավատացած են, որ մեր մայր հայրենիքը Սովետական Միության ընտանիքում հաղթանակով դուրս կգա: Ցանկանում ենք ձեզ նորանոր հաջողություններ ձեր պաշտպանական գործում»:

Մենք լավ գիտենք, որ Սովետական Միության կողմն է ամբողջ առաջավոր մարդկության համակրանքը: Սովետական Միության և Մեծ Բրիտանիայի միջև կնքված համաձայնագիրը՝ հիտլերյան Գերմանիայի դեմ համատեղ գործողություններ վարելու մասին, հանդիսանում է ամբողջ առաջավոր մարդկության ուժերի միավորման սկիզբը—ընդդեմ ֆաշիստական բարբարոսների:

Հայկական ժողովրդական առածն ասում է «Երբ օձի գլուխը ցավում է, նա պառկում է ճանապարհի վրա»: Եկել է ֆաշիզմի վերջին օրը, ֆաշիստական իժը պառկել է մեր ճանապարհի վրա: Նա մահացու կերպով կճգնվի սովետական բազմամիլիոն ժողովուրդների հաղթական ոտքերի տակ:

Թանկագին բարեկամներ, այս պահին, երբ մեր երկրի և ամբողջ մարդկության վրա կախվել է ահեղ վտանգը, մենք դիմում ենք համայն աշխարհի հայերին, մենք դիմում ենք բոլոր նրանց, ում համար թանկ է հապարակների կուլտուրական ժառանգությունը, ում համար սուրբ են ապատության և մարդասիրության գաղափարները, բոլոր նրանց, ովքեր սիրում են իրենց իսկական հայրենիքը, մենք դիմում ենք և կոչ անում, համախմբել բոլոր ուժերը՝ կանխելու համար համաշխարհային կուլտուրայի ոչնչացումը, որ բերում է իր հետ գապանացած ֆաշիզմը, մարդկության, գիտության և կուլտուրայի ամենաոխներին թշնամին:

Մենք դիմում ենք ձեզ և կոչ ենք անում—համախմբել ձեր բոլոր ուժերը՝ հանուն Սովետական Միության պաշտպանության, հանուն մարդկության խաղաղ ու վտանգավոր թշնամու—ֆաշիզմի ոչնչացման:

Մենք համոզված ենք, որ հաղթանակը մերը կլինի, որովհետև մենք պայքարում ենք արդար գործի համար, մենք անպայման կհաղթանակենք, որովհետև ֆաշիզմի դեմ կռվում է աշխարհի ամենաուժեղ և ամենազաղափարական բանակը՝ Կարմիր Բանակը, որն իր թիկունքում ունի երկու հարյուր միլիոնանոց սովետական ժողովուրդը, որի կողմն է ամբողջ առաջավոր մարդկության համակրանքը: Մենք կհաղթանակենք, որովհետև մեզ առաջնորդում է մեր դարաշրջանի մեծագույն պորավարը և ռազմագետը, մարդկության լավագույն բարեկամ, հայ ժողովրդի ապատարար Իոսիֆ Ստալինը:

ՄԱՐՏԻՐՈՍ ՍԱՐՅԱՆ—Ժողովրդական նկարիչ, Ստալինյան մրցանակի լաուրեատ: ԱՎԵՏԻՔ ԻՍԱՀԱԿՅԱՆ—Բանաստեղծ: ՎԱՂԱՐՇ ՎԱՂԱՐՇՅԱՆ—Ռեսպուբլիկայի ժողովրդական արտիստ, Ստալինյան մրցանակի լաուրեատ: ԻՈՍԻՖ ՕՐԲԵԼԻ—Գիտությունների ակադեմիայի հայկական ֆիլիալի նախագահ, գիտության վաստակավոր գործիչ: ՀԱՅԿԱՆՈՒՇ ԴԱՆԻԵԼՅԱՆ—ՍՍՌՄ ժողովրդական արտիստ, օպերայի երգչուհի: ՄԱՆՈՒԿ ԱԲԵՂՅԱՆ—Պրոֆեսոր-դոկտոր, գիտության վաստակավոր գործիչ: ԴԵՐԵՆԻԿ ԴԵՄԻՐՃՅԱՆ—Գրող-դրամատուրգ, արվեստի վաստակավոր գործիչ: ՀԱԿՈԲ ՄԱՆԱՆԴՅԱՆ—Գիտության վաստակավոր գործիչ, ակադեմիկ: ՍԻՄԱԿ ՍԱՀԱԿՅԱՆ—Վաստակավոր ուսուցիչ: ՆԱԻՐԻ ԶԱՐՅԱՆ—Բանաստեղծ: ԱՐՄԵՆ ՏԻԳՐԱՆՅԱՆ—Արվեստի վաստակավոր գործիչ, կոմպոզիտոր: ՌՈՒԲԵՆ ԳՅԱՆՁԵՅՅԱՆ—Գիտության վաստակավոր գործիչ, բժշկական ինստիտուտի պրոֆեսոր: ՀԱՐՈ ՍՏԵՓԱՆՅԱՆ—Արվեստի վաստակավոր գործիչ, կոմպոզիտոր: ՀՐԱԶՅԱ ԱՃԱՌՅԱՆ—պրոֆեսոր-դոկտոր, գիտության վաստակավոր գործիչ: ՆԱՏԱԼԻԱ

ՄԱՐՏԻՐՈՍՅԱՆ—ճարտարապետ-հիդրոտեխնիկ: ԱՐՄԵՆ ԳՈՒԼԱԿՅԱՆ—
 ՀՍՍՌ ժողովրդական արտիստ, Պետական օպերային թատրոնի գլխավոր ռե-
 ժիսյոր-դրամատուրգ: ԿՈՆՍՏԱՆՏԻՆ ՍԱՐԱԶՅԱՆ—Արվեստի վաստակավոր
 գործիչ, Պետական կոնսերվատորիայի դիրեկտոր, պրոֆեսոր: ԱՐՄԵՆ ՏԵՐ-
 ՏԵՐՅԱՆ—պետկամալսարանի պրոֆեսոր, գիտության վաստակավոր գործիչ:
 ԳԵՎՈՐԳ ՀՈՎՀԱՆՆԻՍՅԱՆ—Արվեստի վաստակավոր գործիչ, Երևանի կի-
 նոստոլոյիայի դիրեկտոր: ՍԱՄՎԵԼ ՍԱՖԱՐՅԱՆ—ՍՍՌՄ-ի ճարտարապետու-
 թյան Ակադեմիայի թղթակից անդամ և արվեստի վաստակավոր գործիչ: ՄԻ-
 ԲԱՅԵԼ ԹՈՒՄԱՆՅԱՆ—Գիտությունների վաստակավոր գործիչ, Գյուղինստի-
 տուտի պրոֆեսոր-դոկտոր: ԱՐԱ ՍԱՐԳՍՅԱՆ—Արվեստի վաստակավոր գոր-
 ծիչ: ՌՈՒԲԵՆ ՅՈԼՅԱՆ—Գիտության վաստակավոր գործիչ, բժշկական
 գիտությունների դոկտոր, Բժշկական ինստիտուտի պրոֆեսոր: ՎԱՀԱՆ
 ԱՐԾՐՈՒՆԻ: ԱՐՏԱՇԵՍ ՄԵԼԻՔ-ԱՂԱՄՅԱՆ—Գիտության վաստակավոր գոր-
 ծիչ, բժշկական գիտությունների դոկտոր, Բժշկական ինստիտուտի պրոֆեսոր:
 ՍԻՐԱՍ ՈՍԿԱՆՅԱՆ—Հայաստանի Սովետական գրողների միության քար-
 տուղար:

ԱՀԱԻՈՐ ՊԱՏԵՐԱԶՄԸ ԵՒ ԽՈՐՀՐԴԱՅԻՆ ՀԱՅԱՍՏԱՆԸ

Պատերազմն ինքնըստինքեան ահաւոր է եւ բացասական իւր էութեամբ:
 Որովհետեւ նա կապած է բռնութեան, յափշտակութեան, աւերման, սովի եւ
 հիւանդութիւնների հետ. հարիւր հազարաւոր, այժմ կարող ենք ասել միլիո-
 նաւոր, մարդկանց թանկագին կեանքերի ոչնչացման հետ: Ո՛վ պատերազմի
 մէջ չէ եղել, ո՛վ իւր աչքերով չէ տեսել տասնեակ եւ հարիւր հազարների ոչըն-
 չացումը մի օրայ մէջ կամ օրերի ընթացքում, պարտւած ժողովրդի տեղահա-
 նութիւնը բռնի, երեխաների, մատղաշ պատանիների եւ աղջիկների մահացու-
 թիւնը ճանձների նման, թափւած ճանապարհների եզրերին, դաշտերի վերայ,
 նրանց գալարումներն ու տառապանքները անողոք մահւան ճիրաններում,
 սովի, հիւանդութիւնների գործած արհաւիրքը, դժար թէ նա կարողանա իրա-
 կան գաղափար կապել պատերազմի էութեան, նրա բերած թշառութեան հե-
 տեանքների մասին լիապէս:

Մտածեցէ՛ք, հազարաւոր մարդիկ այսօր կենդանի են, ո՛վ գիտէ ի՞նչ
 մտքերով եւ երակներով կապւած իրենց մերձաւորների՝ ծնողների, կանանց,
 պաւակների հետ, իրենց մասնաւոր եւ հանրային արժէք ունեցող ծրագիրների
 եւ նպատակների հետ... Եւ մի քանի ժամերից կամ նոյնիսկ րոպէներից յետոյ
 այլեւս չկան: Իսկ տարիներ տեւող պատերազմից յետոյ, հարիւր հազարաւոր
 ծնողներ իրենց պաւակների կորուստն են ողբում, երիտասարդ կանայք իրենց
 ամուսինները, քոյրերն իրենց եղբայրները, հարիւր հազարաւոր մանուկներ էլ
 պրկւում «հայրիկ» կոչելու եւ նրանց գիրկը վազելու բաղդաւորութիւնից, տա-
 նեակ եւ հարիւր հազարաւոր ընտանիքներ տնից, տեղից, հարստութիւնից եւ
 ապրելու միջոցներից պտրկ, սովի, աղքատութեան, նիւթական եւ բարոյական
 նեղութեան եւ վտանգների ենթարկւած:

Պատերազմի հետեւանքով կանգ է առնում գիտութիւնը, քաղաքակրթու-
 թիւնը, խաղաղ եւ երջանիկ նիւթական եւ բարոյական կեանքը, եւ ամէն ինչ
 շնչում, ապրում պատերազմի մոլոխին զոհ գտնելու մտահոգութեամբ:

Այսօր, տարաբաղդաբար, մարդկությունը պատերազմի մեջ է. հզոր, քաղաքակիրթ եւ յառաջադիմության ներկայացուցիչ ամենամեծ ազգերը. Անգլիացիք, Գերմանացիք, Իտալացիք, Ֆրանսացիք, ի վերջո նաեւ Ռուսերը խորհրդային Միության միա ազգերի հետ, կռի մեջ են: Դեռ չգիտենք, վաղը ձափոնն ու Ամերիկան էլ պատերազմի մեջ չպիտի՝ մտնեն, բառի իրական եւ կատարեալ նշանակութեամբ համաշխարհային դարձնելու պայն: Իւրաքանչիւր ազգ իւր տեսակէտով արդարութիւնը համարում է իւր կողմը. Անգլիացիք ռավակարական սկզբունքների եւ Եվրոպայի նաճած եւ փոքր ազգերի անկախութեան անունով, Գերմանացիք իրենց զրկած հայրենիքի եւ փառքի վերականգնման, այժմ էլ որպէս թէ աշխարհը Բոլշեւիկմից ազատելու առաքելութեամբ, Իտալացիք իսկ Եթովպիայի կամ Ալբանիայի նաճումը համարում են արդար: Սուտից եւ կեղծիքից բաժին ունին ամենքն էլ, մեծ կամ փոքր չափով: Գիտենք, որ խնդիրը իւր խորքում այդպէս չէ, այլ առաւելութեամբ ունեցածը պահելու, շահի եւ նաճողական, շուկաներ եւ հում նիւթերի աղբիւրներ ձեռք բերելու մտքերն են պատերազմի սկզբնական շարժառիթները եւ առաւել եւս շարունակութիւնը: Ազգերը երկու խմբի բաժնաւ, վճռական որոշումներ են յայտնում, հակառակորդի կատարեալ ոչնչացմամբ միայն սուրը պատեանի մեջ դնել, եւ... հոսում է արիւնը, շարունակում ազգերի աւերը, ընդարձակում նորա ծաւալը համաշխարհային իմաստով:

Աշխարհի այս թռի ու բռնի մեջ մենք էլ իբրեւ ազգ անմասն չենք: Գերմանիոյ յարձակմամբ խաղաղ Ռուսաստանի վերայ պատերազմի ալիքները հասան եւ մեր երկրին, իբրեւ մէկը խորհրդային Միության անդամներից:

Ի՞նչ պիտի լինի մեր ժողովրդի վիճակը, չենք կարող մտահոգ չլինել այդ մասին: Այդ մտահոգութիւնը երկու կողմ ունի, Սփիւռքի եւ ապա բուն երկրի, աւելի ճիշտ խորհրդային Միության հայութեան նկատմամբ: Մենք քաղաքագէտ չենք եւ քաղաքականութեամբ չէ, որ այստեղ զբաղել կը կամենանք: Ի՞նչ արժեք ունի քաղաքականութեան տեսակէտով մեր մի բոլոր ժողովուրդը, ցըրւած տարբեր ազգերի եւ քաղաքականութեան հետեւող ազգերի մէջ: Եթէ քաղաքականութիւն պիտի ունենանք, քաղաքացիական պարտականութեանց՝ ազնիւ կատարման քաղաքականութիւնն է, խոհեմ ընթացքը՝ համապատասխան հիւրընկալած պետութեան քաղաքականութեան: Այս մեր Սփիւռքի Հայութեան համար:

Խնդիրն այլ է Գերմանիոյ եւ Ռուսաստանի մէջ ծագած պատերազմի նկատմամբ: Նախայարձակ կողմը նաճողական եւ շահադիտական նպատակներով, Գերմանիան էր, մի բացարձակ անարդարութիւն: Ապա խորհրդային Միության մի համեստ անդամն է նաեւ **խորհրդային Հայաստանը, մեր ազգային գոյութեան հիմունքն ու արմատը:** Գերմանիան պատերազմի մէջ լինելով խորհրդային Միության հետ, պատերազմի մէջ է եւ մեր թանկագին հայրենիքի հետ: Հասկանալի է, թէ մեր համակրութիւնը, քիչ է այդ ասել, մեր հոգին, սիրտը, ընդհանուր արդարութեան եւ ազգային շահերի տեսակէտով, ո՞ր կողմը պիտի լինի: Իբրեւ Քրիստոնէայ եւ մարդասէր դէմ ենք պատերազմին. բայց մի պատերազմ կայ, որ ոչ միայն ներքին, այլեւ սուրբ է, այդ հայրենիքի, ազգային ինքնապաշտպանութեան պատերազմն է:

Մեր երկիրը շարունակ քար ու քանդ է եղել օտար ազգերի արշաւանքների տակ. նախընթաց պատերազմի հետեւանքով էլ մեր ժողովրդի մի երրորդը ոչնչացավ, իսկ հայրենիքի երկու երրորդը հայազուրկ դարձաւ, մեր ստեղծագործութեան թանկագին մնացորդների կորստեան հետ: Մեզ բաժին է մանացած մեր երկրի մի մասը միայն, հայրենի, ինքնավար կառավարութեամբ, ուր Հայ ժողովուրդը, հզոր Ռուսաստանի հովանաւորութեամբ, սլաշտ-

պանաժ, խաղաղության եւ ապահովության մէջ, հետամուտ էր նիւթական բարօրութեան եւ քաղաքակրթական յառաջդիմութեան: Չենք ասում, թէ քրկնադատելի կողմեր չունէր ամենեւին, յատկապէս, եկեղեցական կամ կրօնական խնդիրների մէջ: Բայց Հայ համալսարանի, գիտութեանց ձեւարանի, կոնսերւատորիայի, մասնագիտական, միջին եւ ժողովրդական դպրոցների, գրեթէ, առասպելական ծաւալումը, թանգարանների եւ մատենադարանների, թատրոնների եւ կինոների, եւ այլ քաղաքակրթական հաստատութիւնների հետըզհետէ բարգաւաճումը, Հայ գրականութեան եւ լեզւի ոռոգումն ու տիրապետութիւնը կեանքի, պետական կառավարութեան մէջ, նաեւ նիւթականի զգալի կարգադրումը, բերել էին մեզ սրտի հանգիստ եւ հաւատ, թէ հետզհետէ, եկեղեցական կեանքի նկատմամբ էլ բարեփոխութիւններ կը լինին, կ'ամրանայ մեր ազգային գոյութեան հիմքը եւ պտղաբեր կը դառնա նիւթական եւ քաղաքակրթական տեսակէտներով մեր ապագան:

Միջանկեալ կերպով հարկ ենք համարում պարզել մի խնդիր եւս: Շատ է խօսում եւ գրում, անհասկացողների եւ հանգամանքներին անծանօթների համար հրապուրիչ, Հայաստանի անկախութեան եւ ազատութեան մասին: Հայաստանը ներկա դարում եւ փոխ-յարաբերութեան պայմաններում ոչ ազատ եւ ոչ անկախ կարող է լինել: Փոքրիկ ազգ ենք, երկիրը կտրած ծովերից, ջրըջապատւած ոչ բարեկամ տարրերով. նա շնչահեղձ կը լինի եւ մատնւած խեղճութեան եւ աղքատութեան հարեւանների ճնշման տակ, եթէ կապւած չլինի մի մեծ պետութեան հետ, որպիսին Ռուսաստանն է: Պատմական պայմաններն էլ մեր բաղդը կապել են Պետրոս Մեծին եւ Իսրայէլ Օրիի օրերից սկսած Ռուս մեծ ժողովրդի եւ պետութեան հետ, երբեմն մեր ակնկալութիւնների մէջ յուսախաբ, բայց ընդհանուր առմամբ, համեմատաբար, դրական արդիւնքներով: Եւ այս վերջին անգամ բաղդը կապել է մեզ առելի լաւ պայմաններում, ներքին ինքնավարութեամբ եւ բազմաթիւ տեսլներով բազմակողմանի յառաջդիմութեան եւ ապահովութեան համար:

Բայց ահա անսպասելի կերպով Գերմանիան իր ուժերն ուղղում է խաղաղութեան տենչով լցւած ժողովրդի վերայ: Հերոսական է Ռուս ժողովրդի ինքնապաշտպանութիւնը, բայց զօրեղ է, կազմակերպւած եւ թշնամին: Ի՞նչ դիրք պիտի բռնէ Հայաստանի եւ Սովետական երկիրների Հայութիւնը, աւելորդ է հարցնել: Նորա «լինել չլինելու» խնդիրն է այդ: Ռուսաստանի պարտութիւնը ոչ միայն իր պարտութիւնն է, այլև վտանգը իր գոյութեան իբրեւ պետական կազմակերպութիւն, բայց նաեւ իբրեւ իր պատմական եւ սրբազան հայրենիքի հետ կապւած ժողովուրդ: Նախընթաց պատերազմը ապացոյց բերաւ, թէ ներկա ժամանակում հնարաւոր է մի ժողովուրդ ոչնչացնել իր հայրենիքում եւ մնացորդներին ցրել երկրից դուրս, եթէ նոյնիսկ, որեւէ յանցանք չունենայ իր վրին փաթաթւած պատերազմի մէջ: Ի՞նչ գիտենք, թէ ժամանակը եւ պատերազմական առակցութիւնները (քոմպիւնէշըն) ի՞նչ անակնկալներ կը բերեն: Ամպերը կուտակւած են մեր գեղեցիկ եւ թանկագին հայրենիքի քսանամեա խաղաղութեամբ պայծառացած երկնքի վերայ, այդ ամպերը կարող են կարկտաբեր փոթորիկի փոխել եւ մեր մատղաշ, ինքնավար հասարակապետութիւնը գլխիվայր կործանել: Ահա ինչո՞ւ մտահոգւած ենք մեր ժողովրդի վիճակով եւ մտահոգւած ամենածանր կերպով:

Ուստի եւ մեր սրտի եւ հոգու բոլոր էութեամբ աղօթող ենք ոչ միայն մեր թանկագին հայրենիքի անսասանութեան եւ պահպանութեան, այլ եւ համայն աշխարհի խաղաղութեան եւ այս կործանարար պատերազմի արդար վերջաւորութեան համար:

Թո՛ղ Տերը բաւ համարէ մեր գլխին մինչեւ այժմ եկած փորձութիւնները:

ԳԱՐԵԳԻՆ ԱՐՔԵՊԻՍԿՈՊՈՍ ՅՈՎՍԷՓԵԱՆ

«Լրաբեր»—1941 թ., սեպտեմբեր 11, 1—2 էջ

ՀԵՌԱԳԻՐ ԱՄԵՐԻԿԱՅԻ «ՀԱՂԹՈՒԹՅԱՆ ԿՈՄԻՏԵՆ»

Անչափ գոհ եմ, որ իմ կոչը ուղղված Ամերիկայի հայրենասեր հայությանը օգնելու հայրենական պատերազմի հաղթական ելքի համար լայն արձագանք գտավ: Այդպես էլ հավատացած էի:

Շատ ուրախ եմ, որ ստեղծել եք «Հաղթության կոմիտե», որի բացման հանդես-միտինգին ուղղում եմ իմ խոսքը ու սրտագին ջնորհավորությունները:

Ահա չորրորդ ամիսն է, որ խորհուրդների մեծ Միությունը՝ գլուխ ունենալով ռուսական ավելի ժողովուրդին, հերոսական կռիվ է մղում գերմանական աշխարհավեր ֆաշիզմի դեմ: Միության ժողովուրդները իրենց բոլոր անձնավորությամբ ու նվիրվածությամբ պայքարում են ֆաշիստական ստրկացնող աշխարհակալության ու ռեակցիայի դեմ, ոչ միայն իրենց հայրենիքը, ազգային գոյությունը, իրենց կուլտուրան պաշտպանելու և փրկելու համար՝ այլ ամբողջ առաջավոր մարդկության ապագայի համար, ապառ ժողովուրդների գոյության համար, համամարդկային կուլտուրայի և հումանիստ իդեալների համար:

Եվ այս պատճառով՝ բովանդակ առաջավոր, քաղաքակիրթ մարդկությունը պարտավոր է օգնել ամեն նյութական և բարոյական միջոցներով Միության դյուցազնական պայքարի հաղթանակին, որովհետև այդ նաև իր պայքարն է, և նրա հաղթանակը՝ իր հաղթանակը:

Նորհրդային Հայաստանը՝ իրավահավասար անդամը մեծ Միության, իր ամբողջ էությամբ և անձնվիրությամբ կռվում է եղբայրական ժողովուրդների ջարքում, խորապես գիտակցելով, որ ֆաշիզմի ջախջախման և մեծ Միության հաղթանակի մեջ է նաև իր նորապատ հայրենիքի հավերժությունը, իր կուլտուրայի վարճացումը, իր տնտեսության բարգավաճումը և իր իդեալների պսակումը:

Բովանդակ հայ երիտասարդությունը, մեր քաղաքի մարտիկները Կարմիր պանծալի Բանակի մեջ աննման հերոսություններ են գործում. ամեն օր ավելանում է սքանչելի հերոսների քանակը, որոնք մեր ժողովրդի պատմությունը իմաստավորում են և անմահացնում հանուն վեհ գաղափարների մղած պայքարով և հաղթանակով:

Հայ ժողովուրդը՝ թիկունքում, գյուղերում և քաղաքներում և աշխատանքի այլևայլ վայրերում պոհաբերում են իրենց ունեցածից ավելին, արտադրում են չխնայելով իրենց ուժերը միայն և միայն օգնելու համար մեր սրբազան պատերազմի հաղթանակին:

Արտասահմանի հայությունը՝ օրինակ առնելով և խրախուսվելով իրենց նվիրական հայրենիքի եղբայրներից ու քույրերից, ավելի պետք է ծավալեն ու խորացնեն իրենց ազգօգուտ աշխատանքը և նվիրաբերումները:

Հաղթության կոմիտեն պիտի ծավալե լայն պրոպագանդա կապակերպելով հաղթության կոմիտեներ հայության բոլոր խավերում մեր սրբազան պայքարի էության և նպատակների բացատրման համար, այլև իրենց շուրջը հա-

մախմբելով ու ղեկավարելու այս շարժումը անհրաժեշտ է անմիջական օգնություն ցուցաբերել մեր մարտիկներին ղեկորայքով, տաք զգեստներով, խտացած սննդամթերքներով և այլն, և այլն:

Չափազանց կարևոր եմ համարում, որ իմ այս մտածումն ու փափագը արժարժեք Ամերիկայի ոչ-հայ մասնույում—ֆաշիզմի կողմից շղթայազերծված, քաղաքակրթությունները ոչնչացնող այս ահեղ պատերազմը իր ուսերի վրա է վերցնել բազմազգի Սովետական Միությունը, սակայն մեր դաշնակից հզոր պետությունները՝ Անգլիան և Միացյալ Նահանգները պետք է և պարտավոր են հանդես բերել նյութական և ռազմական միջոցների օգնության մաքսիմումը թե իրենց և թե համաշխարհային դեմոկրատիայի փրկության համար:

Սրտիս բոլոր ջերմությամբ օրհնում եմ «Հաղթության կոմիտեին», նրա նախագահ Չանկանյանին, քարտուղար Մարտիկյանին, բոլոր մասնակցողներին, իմ հայ եղբայրներին ու քույրերին, փափագում եմ Ձեր սրբազան գործին հաջողություն, ընդարձակում, և ներշնչում եմ բոլորիդ իմ պայքարող ժողովրդի և իմ անսահման հավատը Հայրենական պատերազմի վերջնական հաղթանակի նկատմամբ:

ՏԵՂԱԿԱԼ ԱՄԵՆԱՅՆ ՀԱՅՈՑ ՀԱՅՐԱՊԵՏՈՒԹՅԱՆ
ԳԵՎՈՐԳ ԱՐՔԵՊԻՍԿՈՊՈՍ ՉՈՐԵՔՉՅԱՆ

1 հոկտեմբերի, 1941

Ս. Էջմիածին.

Մամուլի արխիվ, Ֆ 85, Յ 2, Գ 151, թ. 1—6:

ԿՈՉ ԳԱԼԻՖՈՐՆԻՈՑ ՀԱՅՈՒԹԵԱՆ

Սիրելի Հայրենակիցներ,

Էջմիածնի Ամենայն Հայոց Կաթողիկոսական Տեղակալ Տեր Տ. Գեորգ Արքեպս. Զեօրեքճեան Ամերիկահայության ուղղած էր հայրենասիրական կոչ մը, որպես զի Հայ ժողովուրդի կամաւոր նուիրատուութեամբ կազմուի Սասունցի Դաւիթ հրասայի Չորասիւն մը Կարմիր Բանակի կողքին: Ճօւէֆ Ստալին հաւանած եւ իր երախտագիտութիւնը յայտնած է այս շարժումին համար: Այժմ ուրախ ենք յայտարարելու որ Միացեալ Նահանգաց մէջ սկսած է արդէն համազգային հանգանակութիւն մը:

Գալիֆորնիոյ Հայոց Առաջնորդարանն ալ՝ անսալով Էջմիածնի Կաթողիկոսարանի հրահանգներուն՝ ձեռնարկած է հանգանակութեան՝ Գալիֆորնիոյ Վիճակին մէջ, գործակցութեամբ հայ կազմակերպութիւններու:

Եւ ահա այս կոչով կը դիմենք Գալիֆորնիոյ Հայ ժողովրդին, որպէս զի առատաձեռնութեամբ մասնակցի այս հայրենասիրական եւ մարդասիրական շարժումին:

Համաշխարհային պատերազմի մէջ ենք այժմ եւ վայրկեանները յդի են անակնկալներով: Կ'ապրինք բացառիկ պայմաններու տակ: Պայմաններ՝ որ մեզմէ կը սպասեն բացառիկ զոհողութիւններ:

Մենք հոս Ամերիկայեւրս, որպէս Ամերիկեան քաղաքացիներ, սիրով յանձնենք ենք մեր պաակաները ԸՆՔԸԼ ՄԷՄԻՆ: Անոնք հերոսաբար կը կռուին յմէն ճակատի վրայ եւ յաճախ իրենց կեանքի գնով կը բարձրացնեն մեր ԱՍ-

ՏԵՂԱԶԱՐԴ ԴՐՈՇԱԿԻ պատիւը, կը պաշտպանեն մեր խայրենիքը եւ անոր աննման ապատութիւնը: Հպարտ ենք մենք մեր հերոս զաւակներով:

Իսկ բանակին ետեւ, թիկունքին մէջ դարձեալ մենք Հայերս, որպէս հարպատ քաղաքացիները այս մեծ երկրին, նուիրուած ենք եւ պետք է նուիրենք մեր ինչքը՝ մեր աշխատանքը՝ պետութեան, մեր արիւնը՝ Կարմիր Խաչին, եւ ի հարկին մեր կեանքը՝ մեր փառապանծ բանակի աննուաճ զօրութեան եւ անոր փառապանկ յաղթանակին համար: Այս բոլորը կ'ընենք եւ պետք է ընենք սիրով եւ յօժարութեամբ, առանց այլեայլի:

Այս կարգին ունինք նաեւ ուրիշ նուիրական պարտականութիւն մը հանդէպ մեր պատմական հայրենիքին, ՀԱՅԱՍՏԱՆԻՆ, որ պետք է կատարենք ընդհանուր եւ անբաժան կերպով, պռանց սեռի եւ դասակարգի, առանց կուսակցական եւ յարանուանական խտրութեան: Մենք կուսակցական հայ, յարանուանական հայ եւ դասակարգային հայ ըլլալէ առաջ զաւակներ ենք Հայկի, Արամի, Տիգրանի, Վարդանի, Վահանի եւ Ղեւոնդ Երեցներու, բարձր եւ հպարտ ճակատով, նման Արագածի եւ Արարատի անբիծ եւ ալեհեր գազաթներուն: Քալենք միասիրտ եւ միակամ, միշտ մեր աչքերը յառած Արագածի Անշէջ Կանթեղին եւ Մասիսի վեհափառ կատարին:

Հայ ժողովուրդ, հին, շատ հին ազգ ենք մենք: Հին՝ բայց ոչ երբեք հինգած, մշտալոյրդ եւ մշտանորոգ Արաքսի եւ Եփրատի ալիքներուն նման: Մեր հայրերու ԵՐԵՔ ՀԱԶԱՐ տարիներու պատմութիւնը եղած է պատմութիւնը Մարդկային Իրաւանց պաշտպանութեան եւ պատմութիւնը յարաճուն ազգային եւ ՀԱՄԱՄԱՐԴԿԱՅԻՆ մշակոյթի եւ քաղաքակրթութեան: Մեր հայրերու պայքարը քրիստոնէական եւ անկէ առաջ եղած է պայքար՝ ՀԱՆԱՏՔԻ, ՅՈՅՍԻ եւ ԼՈՅՍԻ:

Հին հեթանոս Հայոց ՎԻՇԱՊԱՔԱՂ ՎԱՀԱԳՆԸ եւ ՈՍԿԵԾԻՆ ԱՆԱՀԻՏԸ մարմնացումն են Զօրութեան եւ Զգաստութեան: Վահագնը Լուսոյ Աստուածն այն՝ «որ հուր հեր ունէր, ապա թէ բոց ունէր մօրուս, եւ աչկունքն էին արեգակունք»: Աստուածուհին Անահիտ՝ «Մայր ամենայն զգաստութեանց, կենսատու եւ խնամակալ զօրութեան Աշխարհի Հայոց»:

Հապա անոր ՍԱՍՈՒՆՅԻ ԴԱԻԻԹԸ:

Հայ ցեղի կենսունակութեան, քաջութեան, եղբայրսիրութեան, աննուաճ կամքին եւ յարաճուն հաւատքին մաքրամաքուր խորհրդանշանն է այն: Ծնունդ Տարնոյ Աշխարհին, սիգապանծ ՍԱՄՆԱՅ լեռներուն, Վանայ ծովու ալիքներէն յղացած, Սեանայ կապոյտին մէջ խանձարուրուած, ՀԱՅ ՔԱԶԵՐՈՒ գերեզմաններուն մէջ անթեղուած եւ ՀԱՅ ՀՈԳԻՆԵՐՈՒ մէջ անմահացած, ՅՈՅՍԸՆ ու ՀԱՆԱՏՔՆ Է ԱՅՆ ՀԱՅ ԺՈՂՈՎՈՒՐԴԵԱՆ: Փառք Հայ ցեղի եւ Հայ ցաւի ծնունդ ՍԱՍՈՒՆՅԻ ԴԱԻԻԹԻՆ, իր ԹՈՒՐԿԵԾԱԿԻՆ, ՀՐԱՇՈՒՆԶ ԶԱԼԱԼՈՒՆ:

Նայինք այժմ հիացումով, անկեղծ սիրով եւ խոր հաւատքով, այսօր Խորհրդային Հայաստանի բոցածին Վահագներուն, Կարմիր Վահագներուն, նորահրաշ Սասունցի Դաւիթներուն: Ծնունդ Կարմիր Բանակի, Անխորտակ Միերներ եւ Տորք-Անգեղներ Սովետ Աշխարհին:

Այո, անոնք փառքն ու պսակն են մեր ցեղին: Վերածնեալ հայրենիքի, Խորհ. Հայաստանի անմահ ծնունդը, Նոր Արծիւներ, Վիշապաքաղ եւ Բալեներ բոցաթեւ, խառնուած Կարմիր Բանակի եւ Միացեալ Ազգաց փառապանծ լեզենին՝ ահ ու մահ կուտան անգութ թշնամիին, նոր հրէշածին Մարայ-Մելիքներու: Անոնք մեր նոր Միերներն ու Սասնայ-Ծռերն են, ախոյեան ազգերու ապատութեան, որ վաղն իսկ պիտի պայծառացնեն մեր ճակատները իրենց Արեւածին Յաղթանակով:

Իսկ ի՞նչ կ'ուզեն Հայ Սասմայ Ծոերը մեզմե, Հայ զաղութեն:

Լսեցեք, Մայր Աթոռի այեպարդ պապիկին ձայնն է այն: Հրաւեր սիրոյ եւ եղբայրութեան: Մայր Աթոռի ծերունապարդ հայրիկը, իբրեւ նոր Պարթեւ մը կամ Շնորհալի՝ ՄԻՈՒԹԵԱՆ կոչ կ'ուղղէ բաժան-բաժան, ճղակտոր սփիւռքին, իր ցաւատանջ զաւակներուն:

Լսէ Հայ ժողովուրդ, լսէ ձայն մը կուգայ ժեռուէն, բայց մօտ է ան քու սըր-տիդ, քու հոգիիդ: Զայն մը, հերոս զաւակներուդ, անմուրազ գերեզմաններէն, ձայն մը ԱԼԵՓԱՌ ՀԱՅՈՑ ՀԱՅՐԻԿԻ ՄԱՅՐ ԱԹՈՒՆԷՆ:

Լսէ: Հայոց Հայրիկը մերկացեր է իր կրծքի գոհարապարդ խաչէն եւ անով նարօտ է կապեր ՍԱՍՈՒՆՅԻ ԴԱԻԻԹԻ եւ ԽԱՆԴՈՒԹ ԽԱԹՈՒՆԻ, նոր հարս ու փեսին նորապսակ ճակատներուն:

Հայոց Հայրիկը թամբեր է Թուրք-ԴԱԻԻԹԻ հրաջունչ ԶԱԼԱԼԻՆ, ՍՏԱԼԻՆ ՀԱՄԱԲՈՒՐԵՐ Է ԱՆՈՐ ՃԱԿԱՏԸ:

Տանք, այո տանք, գէթ ռուսք մը Դաիթի ՀՐԱՍԱՅԼԻՆ, շեղք մը ԹՈՒՐԿԵԾԱԿԻՆ, պայտ մը՝ անոր ՀՐԱԹԻՌ ԶԱԼԱԼՈՒՆ: Եւ կամ ՎԻՐԱԿԱՊ ՄԸ ՍԻՐԱԲՈՐԲ՝ թրջուած եղբօր եւ քրոջ արցունքով:

Լսէ, ինչ կ'ըսէ հրաւերը Հայրիկին.—«ՄԻԱՅԻՐ, ՕԳՆԷ ՍԱՍՄԱՅ ԾՈՒԵՐՈՒՆ...»: Օ՛ն ի գործ:

ՍԱՍՈՒՆՅԻ ԴԱԻԻԹ ՀՐԱՍԱՅԼԻ ԶՈՐԱՍԻՆԻ ԳԱԼԻՖՈՐՆԻՈՑ ԳՈՐԾԱԴԻՐ ՄԱՐՄԻՆ

Նախագահ

ՄԱՄԱՐԷ ԵՊՍ. ԳԱԼՖԱՅԵԱՆ

Առաջնորդ Հայոց Գալիֆորնիոյ

Ատենադպիր

ՄԱՐԹԻՆ ՖՐԷՆԲԵԱՆ

Ատենապետ

Ա. Գ. ԵԱԶԸՃԵԱՆ

ՖԲԷՋՆՈ, Մայիս 4, 1943

ՀԻՄՔ—Ֆ 409, Յ 1, Գ 3578, Էջ 5, 6, 7

«ԿՈՎԿԱՍԻ ՊԱՇՏՊԱՆՈՒԹՅԱՆ ՀԱՄԱՐ» ՄԵԴԱԼԻ ՀԱՆՁՆՈՒՄԸ ԱՄԵՆԱՅՆ ՀԱՅՈՑ ՀԱՅՐԱՊԵՏՈՒԹՅԱՆ ԱԶԳԸՆՏԻՐ ՏԵՂԱԿԱԼ ԱՄԵՆ. ՊԱՏԻՎ Տ. ԳԵՎՈՐԳ ԱՐՔԵՊԻՍԿՈՊՈՍԻՆ

Օրերս Հայկական ՍՍՌ Գերագոյն Սովետում Գերագոյն Սովետի նախագահության նախագահ ընկ. Մ. Պապյանը ՍՍՌ Միության Գերագոյն Սովետի նախագահության անունից հանձնեց «Կովկասի պաշտպանության հաւաք» մեղալ Ամենայն Հայոց կաթողիկոսի տեղապահ արքեպիսկոպոս Գևորգ Չորեքյանին, որը պարգևատրվել է «Սասունցի Դավիթ» տանկային շարասյուն կառուցելու և երկրի պաշտպանության ֆոնդի համար միջոցների հանգանակություն կապմակերպելու համար:

Ստանալով մեղալը, Ամենայն Հայոց կաթողիկոսի տեղապահ արքեպիսկոպոս Գևորգ Չորեքյանը դիմեց ընկ. Պապյանին հետևյալ խոսքերով.

«Հայ հոգևորականը պիտի հավատարիմ լինի իր Հայրենիքին, իր ժողովրդին, իր պետությանը: Այս ուղիով ես գնացել եմ սկզբից և պիտի գնամ

ցմահ: Սովետական պետությունը գնահատելով իմ ձիջտ ուղին, արժանացրեց պարգևատրության: Ինձ համար թանկ է այս բարձր պարգևը:


Հայրենական պատերազմի ամբողջ ընթացքում Հայ Եկեղեցին, հայ հոգևորականությունը և իմ հավատացյալ հոտը ոչինչ չեն խնայել ընդհանուր հաղթանակի համար: Հավատացած եղեք, որ այսուհետև ևս նրանք ոչինչ չեն խնայի երկրի վերաջինության ասպարիզում:

Ամբողջ սրտով ցանկանում եմ մեր պետությանը ավելի մեծ նվաճումներ և հաջողություններ:

Մեղալը հանձնելու ժամանակ ներկա էին Հայկական ՍՍՌ Գերագույն Սովետի նախագահության քարտուղար ընկ. Հ. Գալստյանը և Հայկական ՍՍՌ Ժողկոմսովետին կից Հայ Եկեղեցու գործերի խորհրդի նախագահ ընկ. Ս. Հովհաննիսյանը:

(«Սովետ. Հայաստան», 5 հունիսի,
1945 թ. № 1127365)

ՀԻՄՔ—Ֆ 85, Ց 2, Գ 172, է 4:



**ՀԱՐՑԱԶՐՈՒՅՑ ՀԱՅ ՄՏԱՎՈՐԱԿԱՆՈՒԹՅԱՆ
ՆԵՐԿԱՅԱՑՈՒՑԻՑԻՉՆԵՐԻ ՀԵՏ ՄԵԾ ՀԱՂԹԱՆԱԿԻ
40-ԱՄՅԱԿԻ ԱՌԻԹՈՎ**

Մեծ Հաղթանակի տոնակատարության այս օրերին հայ ժողովուրդը նույնպես սովետական և խաղաղասեր մյուս ժողովուրդների հետ տոնախմբում է երկրորդ համաշխարհային պատերազմում սովետական զորքերի տարած փառապանծ Հաղթանակի 40-ամյակը: Հայ ժողովուրդն իր բազմահազար հերոս զավակների արյամբ իրավունք նվաճեց իր պատմությունը վարդաբել հաղթանակի փառապատկով: Այդ հերոսներից շատերը տուն դարձան և իրենց «սուրը փառքով դրեցին պատյան»: Նրանք իրենց ամենօրյա տքնաջան աշխատանքով ոչ միայն բուժեցին պատերազմի վերքերն ու վերացրին արհավիրքի հետքերը, այլև հարաճուն եռանդով կերտում են նորոգ ու հզոր հայրենիք: Թիկունքում թե ռազմի դաշտում հայ մարդն ապրեց պատերազմի արհավիրքը և թիկունքում թե ռազմադաշտում՝ իր լուսան ներդրեց Հաղթանակի գործին:

Համաժողովրդական տոնի այս օրերին խմբագրությունը հարցարանով դիմեց հայ մշակույթի մի քանի գործիչների՝ արձագանքելու հայ ժողովրդի այդօրյա մտորումներին ու մտահոգություններին: Մեր հարցազրույցին մասնակցում են.

Ա. Վարդգես Համապասպյան—Սփյուռքահայության հետ մշակութային կապի կոմիտեի նախագահ, պատմական գիտությունների թեկնածու, բազմամյա մանկավարժ: Երբ պատերազմն սկսվեց, նա երեսուն տարեկան էր, և մնաց թիկունքում՝ իբրև լուսավորության և բարձրագույն կրթության ճակատի աշխատող:

Բ. Աշոտ Աբրահամյան—ՀՍՍՀ ԳԱ թղթակից անդամ, ՀՍՍՀ գիտության վաստակավոր գործիչ, հայտնի բանասեր և բազմամյա մանկավարժ: Երբ պատերազմն սկսվեց, նա 23 տարեկան էր: Ռազմաճակատ չուղարկվեց, որովհետև պետք էր կենդանի պահել կյանքի երակը նաև թիկունքում, դարոցը պետք էր պահել, իսկ Հրապարակի շրջանը հայոց լեզվի և գրականության ուսուցչի կարիք շատ ուներ: Հաճախ մեկ ուսուցիչ ստիպված էր կատարել մի քանի ուսուցչի աշխատանք: Նրա ստորագրությունը կա հայ ժողովրդի կողմից ռազմաճակատի հայ մարտիկներին ուղղված նամակի տակ:

Գ. Հովհաննես Մուրադյան—Բանասիրական գիտությունների դոկտոր, պրոֆեսոր, ՀՍՍՀ ԳԱ Հ. Աճառյանի անվան լեզվի ինստիտուտի բարբառագիտության բաժնի վարիչ: Երբ պատերազմն սկսվեց, նա 21

տարեկան էր: Նա պատերազմ չմեկնեց, այլ պատերազմը դիմավորեց լաշնարձակ երկրի արևմտյան սահմանների վրա իբրև Սովետական բանակի զինվոր, որ կոչվել էր իր սովորական զինվորական ծառայության՝ 1939 թվականին: Պատերազմին մասնակցել է սկզբից մինչև հաղթական ավարտը՝ Չեխոսլովակյան հողում:

ՀԱՐՑ.—Դուք ահեղ թշնամու դեմ պայքարում էիք իբրև Սովետական բանակի զինվոր, բայց հիշո՞ւմ էիք նաև, որ հայ եք, և այդ պատերազմով վճռվում էր նաև ձեր փոքրիկ հայրենիքի՝ Սովետական Հայաստանի բախտը:

Վ. Հ.—Պատերազմի առաջին օրից մինչև վերջին օրը մեր գիտակցության մեջ իշխում էր այն համոզումը, որ համաշխարհային երկրորդ պատերազմում վճռվում է նաև մեր փոքրիկ Հայաստանի բախտը, և մեր ապագայության, անկախության հարցը կապված է Սովետական Միության հաղթանակի և հիտլերյան ֆաշիզմի ջախջախման ու հետադիմական ուժերի պարտության հետ:

Ա. Ա.—Սովետական բոլոր քաղաքացիները առաջին հերթին շահագրգռված էին երկրի ընդհանուր բախտով և աշխատում ու կռվում էին պարտքի բարձր գիտակցությամբ: Հայ ժողովուրդը քաջ գիտեր, որ հաղթանակով որոշվելու էր և իր ճակատագիրը՝ մեր երկրի մյուս ժողովուրդների հետ: Այդ գիտակցությամբ էլ ռազմաճակատներում բազմաթիվ հայ մարտիկներ հերոսացան իրենց սխրագործություններով:

Հ. Մ.—Պատերազմը դժվար էր: Ոչ ոք չի կարող պարծենալ, թե ինքը ծնվել է որպես զինվոր: Ջինվոր դառնում են աստիճանաբար՝ մարտերի բոցերում թրծվելով, վարժվելով պատերազմի դաժանություններին, կյանքի անսովոր պայմաններին, որ լի է անակնկալներով ու վրդկանքներով, ցավերով ու մահերով: Մեր սիրտն ատելությամբ լցվեց դեպի անարգ թշնամին, որը մեզ պարտադրել էր պատերազմը: Պատերազմում ես կռվում էի մեր երկրի տարբեր ազգությունների ներկայացուցիչների հետ՝ կողք-կողքի: Բնական է, որ նրանց միջավայրում ես չէի կարող մառնալ իմ ազգությունը, իմ հայ լինելը: Դեռ ավելին, ես առիթներ եմ ունեցել հպարտանալու իմ ազգությամբ, որովհետև մեր ժողովրդի զավակները ամենուրեք հանդես են բերել անսահման նվիրվածություն հայրենիքին: Ինչքան հաճելի էր, երբ անծանոթ կամ նոր միջավայրում մեզ՝ հայերիս վերաբերվում էին սիրով ու հարգանքով. դա հարգանք էր ու սեր՝ մարտերում հերոսացած հայ զինակիցների նկատմամբ:

ՀԱՐՑ.—Առաջին համաշխարհային պատերազմը Թուրքական կառավարությանը հնարավորություն տվեց մարդկության առաջին ցեղասպանությունն իրականացնելով՝ վճռել Արևմտահայաստանի հարցը: Հայտնի է, որ Սովետական փառապանծ բանակի պարտության դեպքում նույն վտանգն էր սպառնում նաև Արևելյան Հայաստանին, որովհետև կլրկին Թուրքիան զինակից էր ֆաշիստական Գերմանիային: Այս մասին հիշողություններ ունե՞ք արդյոք պատերազմի օրերից: Ինչպե՞ս եք գնահատում այդ փաստն այսօր՝ ետդարձ հայացքով:

Վ. Հ.—Պատերազմի բոլոր տարիներին թիկունքում աշխատողները լավ գիտեին, որ Թուրքիան՝ լինելով հիտլերյան Գերմանիայի դաշնակիցը, կաշխատի օգտագործել բոլոր հնարավոր միջոցները, որպեսզի Սովետական Հայաստանը նույնպես ամայացնի, ինչպես դա արեց Արաջին համաշխարհային պատերազմի տարիներին Արևմտահայ-

յաստանում՝ ցեղասպանությամբ: Մեկ քաջ հայտնի էր, որ Թուրքիան ամեն ռուպե սպասում էր հարմար առիթի, առաջին հերթին Ստալինգրադի անկմանը: Եվ երբ թշնամին Կովկասյան լեռնաշղթայում էր, մենք լուրջ պատրաստություններ էինք տեսնում դիմադրելու ոչ միայն ֆաշիստական հորդաներին, այլև Թուրքիային: Հայաստանի բոլոր շրջաններում և մասնավորապես Երևանի մատույցներում մեծ պաշտպանողական-կառուցողական աշխատանքներ կատարվեցին, աշխարհագրային միավորումներ ստեղծվեցին, հակատանկային խրամատներ փորվեցին, և ամեն մի խրամատ փորող հայացքն ուղղում էր Արարատին և Վզում էր, որ վտանգը գալու էր Թուրքիայից: Ժողովուրդը պատրաստ էր նոր Սարդարապատ ստեղծելու Թուրքիայի դեմ:

Ա. Ա.—Այո, առաջին աշխարհամարտի ժամանակ թուրքական կառավարող շրջանները մեր ժողովրդի հանդեպ իրագործեցին պատմության մեջ անսխալագույն ցեղասպանությունը: Բայց պատերազմը հարմար քող էր ֆաշիստների թուրք նախահայրերի նախագծած հրեշավոր ծրագրի քողարկման համար: Այդ վայրենի սպանող նախատեսված էր պատերազմից դեռ շատ առաջ: 70 տարի է անցել, բայց ժողովրդի սրտում դեռ թարմ է անմեղ զոհերի ահավոր կսկիծը: Դա ենթակա չէ մոռացման:

Երկրորդ աշխարհամարտի ժամանակ էլ, անշուշտ, արյունակլ-կակ մարդասպանների հետնորդները կուպեն կրկին գործի դնել յաթաղանը, ջնջել վերածնված հայ ժողովրդին: Բայց սովետական ժողովուրդների փառապանծ հաղթանակը վիթխարի զրահ դարձավ և մեր ժողովրդի համար:

Հ. Մ.—Այսօր արդեն ոչ մի կասկած չի կարող լինել, որ գերմանական ֆաշիզմի դեմ տարած հաղթանակը կանխեց 1915 թվականի ցեղասպանության՝ հնարավոր կրկնությունը Արևելյան Հայաստանում: Դեռ պատերազմի ժամանակից հայտնի էր, որ Թուրքիան որպես Գերմանիայի դաշնակից, հարմար առիթի էր սպասում ներխուժելու Անդրկովկաս: Այդ ներխուժումը ճակատագրական պիտի լիներ հայ ժողովրդի համար, որը Առաջին համաշխարհային պատերազմի տարիներին ենթարկվեց մարդկության պատմության մեջ առաջին ցեղասպանությանը: Պատերազմի սկզբնական շրջանում, երբ ռազմա-ճակատը դեռևս հեռու էր մեր փոքրիկ հայրենիքից, թուրքական ներխուժման վտանգը գրեթե չէր գիտակցվում: Այդ վտանգի ահավոր հետևանքների գիտակցումը իր ողջ էությամբ հառնեց, երբ գերմանական զորքերը 1942 թ. աշնանը հասան Ստալինգրադին, Հյուսիսային Կովկասում՝ Գրոզնի քաղաքին, երբ Սև ծովի ափերով սողում էին դեպի Անդրկովկաս: Ստալինգրադի անկումը ապահանջան պիտի լիներ թուրքական ներխուժման համար: Ես կարծում եմ, որ ինչպես Ստալինգրադում, այնպես էլ Հյուսիսային Կովկասի և այլ ռազմաճակատներում մարտնչող հայ զինվորականները հենց այդ գիտակցությամբ էլ կռվում էին ֆաշիստական ուժակների դեմ, համոզված լինելով, որ նենգ ու կատաղի թշնամու դեմ տարած հաղթանակով փրկում են նաև իրենց Հայաստանը:

ՀԱՐՅ.—Ինչպե՞ս ընդունեցիք սփյուռքահայության միջոցներով և Ս. Էջմիածնի նախաձեռնությամբ «Սասունցի Դավիթ» տանկային շարապան ստեղծման լուրը:

Վ. Հ.—Թիկունքի աշխատավորները, նաև անձամբ ես, մեծ ոգևորություն ապրեցինք, երբ կարդացինք Ամենայն Հայոց կաթողիկոսական տեղապահ Գևորգ արքեպիսկոպոս Չորեքչյանի ուղերձը՝ ուղղված սփյուռքահայությանը՝ «Սասունցի Դավիթ» տանկային շարայուն ստեղծելուն:

Այդ ուղերձի միջոցով մենք ծանոթացանք այն մեծ աշխատանքներին, որ կատարվում էին արտասահմանի հայության ջրջանում հիտլերյան ֆաշիզմի կործանման գործում: Մենք ազգային մեծ հպարտությամբ էինք խոսում մեր եղբայրների և քույրերի մասին, որոնք Անգլիայի, Ֆրանսիայի, Հունաստանի, Բուլղարիայի և այլ երկրների ժողովուրդների շարքերում կռվում էին ֆաշիզմի ժանտախտի դեմ: Այդ ուղերձը հիմք դարձավ, որ սփյուռքահայությունը օգնություն կազմակերպի Սովետական բանակին՝ հաղթանակը արագացնելու համար: Մենք ուրախ էինք, որ սփյուռքահայությունը ամբողջ աշխարհի առաջադեմ մարդկության և Սովետական Միության հետ պայքարում էր ֆաշիզմի դեմ՝ հանուն ժողովուրդների մշտական խաղաղության:

Ա. Ա.—«Սասունցի Դավիթ» տանկային շարայուն ստեղծման լուրը ընդունեցինք ուրախությամբ և պարծանքով: Ուրախանում և պարծենում էինք, որ սովետական ժողովուրդների ճակատագրական դժվարին պահին սփյուռքի մեր եղբայրները մեզ հետ են, խորապես ատում են ֆաշիստ մարդակերներին և շահագրգռված են նրանց պարտությամբ: Նրանք քաջ գիտեին, որ այդ աշխարհամարտում վճռվում է նաև իրենց Մայր Հայրենիքի՝ Սովետական Հայաստանի լինել-չլինելու հարցը: Ուստի և հաղթանակի համար մղվող ահեղ պայքարում մոծում էին նաև իրենց լուման:

Հ. Մ.—Գերմանական ֆաշիզմի ջախջախման ու Հայրենական մեծ պատերազմում տարած հաղթանակի համար մեր ժողովուրդը տվեց ոչ միայն իր զավակների թանկ արյունը: Ամբողջ հայ ժողովուրդը՝ Հայրենիքում և Սփյուռքում, ոտքի կանգնեց սրբազան պատերազմի: Հարավատներից ստացված նամակներից իմացվում էր, որ չնայած պատերազմական ծանր պայմաններին, մեր ժողովուրդն իր անդուլ աշխատանքով, նյութական գոհողություններով ամեն կերպ աջակցում էր բանակին՝ թշնամու դեմ հաղթանակի հասնելու համար: Այս հայրենասիրական շարժումը ծավալվել էր ոչ միայն Մայր Հայրենիքում, այլև Սփյուռքում՝ բոլոր այն գաղթօջախներում, ուր հայեր էին ապրում: Հայտնի է, որ Ս. Էջմիածնի նախաձեռնությամբ սփյուռքահայության միջոցներով ստեղծվեց «Սասունցի Դավիթ» տանկային շարայունը, որով մեր սփյուռքահայ քույրերն ու եղբայրները անմիջական մասնակցություն ունեցան ֆաշիզմի դեմ տարած հաղթանակի գործում: Նման նախաձեռնությունն ու նրա իրականացումը աննախադեպ էր ամբողջ պատերազմի ընթացքում: Կասկած չի կարող լինել, որ «Սասունցի Դավիթ» տանկային շարայուն ստեղծման լուրն ու փաստը ազգային հպարտությամբ էր լցնում մեր ռազմիկների սրտերը և նրանց մղում նոր սխրանքների:

ՀԱՐՑ—Խաղաղությունը ժամանակակից մարդկության մեծագույն հրամայականն է: Ինչքանով է դա անհրաժեշտ մանավանդ մեր ժողովրդին (Ապրիլին ոգեկոչեցինք Մեծ եղեռնի զոհերի արդար հիշատակի 70-ամյակը):

Վ. Հ.—Հայ ժողովուրդը համաշխարհային երկրորդ պատերազմի տարիներին


մեկ անգամ ևս համոզվեց, թե որքան թանկ է մարդկության համար և մասնավորապես հայ ժողովրդի համար խաղաղությունը, որովհետև միայն խաղաղության, ստեղծարար աշխատանքի շնորհիվ հայ ժողովուրդը կարողացավ տիտանական քայլերով առաջընթաց ապրել, բարգավաճել ու ճանաչում բերել իր ստեղծագործ աշխատանքին: Խաղաղության միջոցով միայն կարողացավ ստեղծել Հայրենիքի և Սփյուռքի միասնությունը, սփյուռքահայության գոյատևումը և նրա համախմբումը Մայր Հայրենիքի՝ Սովետական Հայաստանի շուրջ:

Ա. Ա.—Հայրենական պատերազմի հաղթանակը մեր երկրի ժողովուրդներին բերեց խաղաղություն՝ իր բոլոր ցանկալի հետևանքներով: Երկիրը լարված ստեղծագործական աշխատանքով կարճ ժամանակում բուժեց իր վերքերը և ապա անցավ մեծ առաջընթացի: Առասպելական ծավալում ստացավ շինարարությունը, հզոր թափով վարգացան տնտեսությունը, գիտությունը, մշակույթը:

Սովետական բազմապզ ժողովուրդների մեծ ընտանիքում խաղաղ պայմաններում վիթխարի առաջընթաց ունեցավ նաև հայ ժողովուրդը: Ոչ ոք չի կարող ժխտել, որ հայ մարդը երբեք չի ունեցել այնպիսի բարեկեցիկ կյանք, ինչպիսին նա ունի այժմ: Խաղաղությունը մեծ գործոն է: Նրանից է կախված մարդու ապահովությունը: Եվ ահա թե ինչու մեր ժողովուրդն այնքան թանկ է գնահատում դա և ընթանում է հանուն խաղաղության պահպանման մարտընչողների առաջավոր շարքերում:

Հ. Մ.—Այսօր նշում ենք Ֆաշիզմի դեմ տարած հաղթանակի փառապանծ 40-ամյակը, որը ձեռք բերվեց սովետական ժողովրդի հերոսական պայքարով, բայց և նրա ակտիվ տառապանքների ու 20 միլիոն պոհերի գնով: Այս քառասուն տարիների ընթացքում աշխարհն անձանաչելիորեն փոխվել է: Շենացել ու բարգավաճել է մեր երկիրը: Խաղաղ-ստեղծագործ այս տարիների ընթացքում անձանաչելիորեն փոխվել է նաև մեր սիրելի Հայաստանը, նրա գյուղերն ու քաղաքները:

Բայց աշխարհն այսօր կրկին անհանգիստ է: Մարդկության գլխին կախված է պատերազմի վտանգը, այս անգամ՝ հյուլեական պատերազմի վտանգը, որի բռնկման դեպքում վերջ կդրվի կյանքին երկիր մոլորակի վրա: Նրանք, ովքեր տեսել ու իրենց կաշվի վրա կգացել են անցյալ պատերազմը, շատ լավ պատկերացնում են, թե ինչ կբերի նա ժողովուրդներին՝ իր այսօրվա ռազմական մեքենաներով և զենքի մահաշունչ տեսակներով: Ահա թե ինչու այսօր համայն մարդկության մեծագույն նպատակը խաղաղության պահպանումն է: Միայն ու միայն խաղաղության պահպանմամբ և խաղաղ պայմաններում է հնարավոր հասնել առաջադիմության, ժողովուրդների ստեղծագործ ուժերի ծաղկման և նրանց նյութական, հոգևոր և մտավոր պահանջմունքների բավարարման: Այն առավել պետք է մեզ՝ մեր աշխատասեր ու ստեղծագործ ժողովրդին, որը 1915 թ. ցեղասպանության ճիրաններից փրկված, ապրում է իր վերածնունդը:



ԱՐՁԱԳԱՆՔՆԵՐ ՊԱՏԵՐԱԶՄԻ ՕՐԵՐԻՑ

ՀՈՎՀԱՆՆԵՍ ՇԻՐԱԶ


ԷՔՍՊՐՈՄՏ

Մենք խաղաղ էինք մեր լեռների պես,
Դուք՝ հողմերի պես խուժեցիք վայրագ,

Մենք ձեր դեմ ելանք մեր լեռների պես,
Դուք՝ հողմերի պես ոռնացիք վայրագ,

Բայց մենք հավերժ ենք մեր լեռների պես,
Դուք՝ հողմերի պես կկորչեք վայրագ:

1941 թ.



ԳԵՎՈՐԳ ԷՄԻՆ

Խ Ա 2 Ը

Գյուղակի ծայրին, տխուր, առանձին,
Հին ջիրմատունը ննջո՞ւմ է լռին.—

Այս ճամփո՛վ մորը բերին թաղեցին,
Նո՛ւյն ճամփով որդուն տանում են կռիվ...

Մամռոտած մի խաչ նայում է ճամփին,
Եվ կարծես լալի՞ս՝ անձրևով թացված.

Կարծես մա՛յրն է իր միակ գավակին
Ե՛տ կանչում՝ ոսկրոտ ձեռքերը պարկած:

1942

Նադեժդերգ



Մեծ թվով հայ մտավորականներ մասնակցեցին Հայրենակալն պատերազմին և իրենց ոգորումներով, երբեմն նույնիսկ արյամբ պսակեցին իրենց ժողովրդի մարտական փառքը: Այդ մտավորականներից էր նաև

բանաստեղծ և բազմավաստակ հայագետ դոկտ. պրոֆ. Ասատուր Մնացականյանը: Այս երկու բանաստեղծությունները գերության տխուր օրերի արձագանքներ են՝ բանաստեղծի պայծառ հիշատակը պանծացնող:

ԱՍԱՏՈՒՐ ՄՆԱՑԱԿԱՆՅԱՆ

Հ Ր Ա Ժ Ե Ծ Տ

Մնաք բարով, Հայաստան, Իսահակյան ու Մասիս,
Զանգու, ջինջ ու կարկաչուն, վեհ Արագած ու Սևան,
Մնաք բարով՝ Արարատ, կանաչ ափեր Արաքսի,
Եվ դու, անո՛ւշ, իմ անո՛ւշ, անո՛ւշ Երևան:

Երևանյան տոթ ու զով, երևանյան արեգակ,
Մրգեր, մրգեր մեղրածոր, երեկոներ ու լուսին,
Ես քշվում եմ դեպ հեռուն՝ ձեր կարոտն իմ կրծքի տակ,
Երազելով անընդհատ, ամեն թույն ձեր մասին:

Օ՛ր, այդ կարոտն անսահման և հարաճուն, և հպոր,
Անշուշտ ինձ ետ կբերի դեպ ձեր գիրկը դյուրական,
Եվ ձեր բույրը շնչելով, պուրակներում ամեն օր,
Կթարմանամ որպես տունկ՝ թույլ ու տկար, հյուրաքամ:

Եվ վարսերն իմ, որ այն ժամ ճերմակ կլինեն,
Կսևանան վերստին, կառնեն սաթի գույն,
Կմանկանամ ես նորից, «բոստան» խաղ կանեմ
Փոշիներում փողոցի կամ զառ մեր այգում...

Մնաք բարով Հայաստան, Իսահակյան ու Մասիս,
Զանգու՝ ջինջ ու կարկաչուն, վեհ Արագած ու Սևան,
Իմ հայրենի Ոսկեվազ, զմրուխտ ափեր Քասախի,
Եվ դու անո՛ւշ, իմ անո՛ւշ, անո՛ւշ Երևան:

25.06.42

Բեսարաբիա (գնացքում)

ՑԱՆԿՈՒԹՅՈՒՆ

Եթե կաս արդեն, դո՛ւ, ռումբ թշնամու
Եվ պիտի ընկնես իմ հայրենիքում,
Թող քեզ ուղեկցի ընթացքը քամու,
Բերի նետելու իմ վշտոտ հոգում:

Որ՝ չընկնես այնտեղ, ուր ապրում են արդ
Հարապատներս՝ որբացածի պես,
Ուր ննջում է իմ մանկիկը հանդարտ,
Ուր թողել եմ իմ խնդությունը ես:


Ի՛մ սրտում պայթիր, որպեսզի հանկարծ,
Չպայթես քիվին՝ ձեռագըրատան.
Եվ ո՛չ մի, ո՛չ մի, ո՛չ մի դաժան կայծ,
Չհուլի անդորրն այդ վեհ սրբության:


Բեր ինձ ավերման քո բոցերը վառ,
Թող բզիկ-բզիկ մտնեմ մահու երթ,
Միայն թե ապրեն մեր նախնյաց պայծառ
Հիշատակները մագաղաթաթերթ.

Միայն թե ապրի մանկիկս անվտանգ,
Ու չմարի ծովսն իմ հայրենի տան...

20.03.43

Գալաֆատ





ՍԻԼՎԱ ԿԱՊՈՒՏԻԿՅԱՆ

ԵՐԵՎԱՆԻ ԼՈՒՅՍԵՐԸ*

Երեկո է. շրջում եմ ես
Երևանի փողոցներում,
Երևանում՝ կյանք ու հանդես,
Նորի՛ց լույսեր, նորի՛ց գարուն.
Ու հորդում են կարոտ ու խիղճ
Դառն օրերի մթնում՝ սանձած.
— Ողջո՛ւյն, լույսեր մեր անձկալի,
Հարապատենե՛ր վերադարձած...

Ձեր շողերով հապարաչյա
Ողողվել են սրտերն ասես.
Բայց իմ սիրտը մթնեց մի պահ,
Տխրեց, մի մութ փողոցի պես.
Հեռու ու լուռ մի հիշատակ
Չարթնեց՝ ծանոթ ձեր շողերից.
Իմ դեմ ելավ պատկեր մի թանկ,
Որ էլ չկա, որ կորցրինք...

... Մի տղայի գիտեի ես,
Թուխ ու վարթ մի տղայի.
Հոգում՝ հապար երազ ու երգ,
Կրծքում ավուներ ջահելի.
Իր ձեռքով էր վառել նա ձեզ,
Փշրել ժայռե կամքը լեռան,
Բանտել ջրի խռովքը վես
Ու ձեզ բերել էր Երևան:

Ու սիրում էր ձեզ սրտագին
Մի սիրահար պատանու պես.


Ու երբ մի օր ոտխը բիրտ,
Որպես գիշեր, պարուրեց մեզ,
Երբ մարեցիք, ու մութ իջավ
Երևանի փողոցներում,
Նա ձեզ համար կռի՛ւլ գնաց.
Նա ձեզ համար մեռա՛վ կռվում:

Մեռավ՝ սիրած Երևանի
Ու ձեր կարոտն իր սրտի մեջ.
Իր բավկո՛ւլ էր ձեզ կյանք տվել,
Իր արյունո՛ւլ պահեց անջեջ.
Եվ դո՛ւք, լույսե՛ր երախտագետ,
Որ վառվում եք հիմա էլի,
Ձեր շողերով անմար պահեք
Հուշը՝ ջահել այն տղայի:

Եվ դու անցո՛րդ, անցնե՛ս երբ այս
Լուսառդող փողոցներով,
Բարի խոսքո՛ւլ հիշիր նրան,
Այն տղայի՛ն հիշիր սիրով,
Որ իր այրվող սիրտն է դրել
Ասես՝ պայծառ այս լույսերում,
Որ լույսերը հավե՛րժ վառվեն
Երևանի փողոցներում..

1944 թ.

* Գրված լուսաքողարկման վերացման առիթով:



ԱՎԵՏԻՔ ԻՍԱՀԱԿՅԱՆ

ՄԵԾ ՀԱՂԹԱՆԱԿԻ ՕՐԸ

Մեր սուրը փառքով դրեցինք պատյան,—
Մեծ հաղթանակի օրն է ցնծալից.
Պարտվեց մահաշունչ ոսոխը դաժան,
Երգեր են հորդում զվարթ սրտերից:

Հոծ փողոցներում աղմուկ ու շառաֆ,
Հոսում են մարդիկ ծափով, ծիծաղով,
Մի մարդ սեղան է բացել տան առաջ,
Լցրել թասերը ոսկեփայլ գինով:

Եվ անցորդներին կանչում է, խնդրում,—
Եղբայրներ, որդուս կենացը խմե՛նք.
Հերոս է որդիս, հաղթեց թշնամուն,
Ձեր որդիների կենացն էլ խմենք:

Խմում են խինդով, ցնծում երջանիկ,
Եվ զարկում նորից զավաթներն իրար:
Նրանց մեջ մի հայր ասում է մեղմիկ.—
Է՛ս էլ իմ որդուս հանգստյան համար:

Գլխարկներն իսկույն հանում են նրանք,
Խոր ակնածանքով լռում են մի պահ.
Խմում են անձայն զոհվածի համար
Եվ հեղում գինին սուրբ հացի վրա:

1945 թ., 9-ը մայիսի



Է. ՂԱԶԱՐՅԱՆ

ՄԵՆՔ ՀԱՂԹԱՆԱԿԵԼ ԵՆՔ ՀԱՆՈՒՆ ԽԱՂԱՂՈՒԹՅԱՆ

Սկսած քրիստոնեության ծագման և վերածնության դարերից, համայն մարդկության լուսավոր գազաթները իրենց վարդապետությունների հիմքում միշտ դրել են մարդասիրությունը, բարին, գեղեցկությունը, խաղաղությունը: «Աստուծո արքայությունը ուտելիք և ըմպելիք չէ, այլ արդարություն և խաղաղություն և խնդություն Սուրբ Հոգով», ասված է Նոր Կտակարանում:

Խաղաղ ու ստեղծարար աշխատանքը մարդկային երջանկության անկյունաքարն է: Խաղաղ ապրելու և երկնելու, արարելու համար մարդը պիտի սեփական անկյուն, հանգըրվան ունենա: Այդ հանգըրվանը Մայր հողն է, Հայրենիքը, որտեղ ծնվել է և ծել է մարդ արարածը: Ի՞նչ է Հայրենիքը: Այդ հարցին հանձարեղ Լև Տոլստոյն այսպիսի պատասխան է տվել, «Հայրենիքը դա ամբողջ ժողովուրդն է, որը տվյալ տարածքում իրականացնում է իր պատմական առաջընթացը: Դա ժողովրդի անցյալն է, նրա լեզուն, նրա բնավորությունը, դա պատմության մեջ նրա կողմից կատարվող հեղափոխությունների, նրա պատմական թոհների, հանգույցների նպատակն է»:

Առանց Հայրենիքի մարդը, ինչպես ձուկը՝ առանց ջրի: Նախախնամությամբ սահմանված է և հանձարների կողմից բազում անգամ հաստատված, որ միայն լույսն ու գիտությունը, միայն բարի, խաղաղ հարաբերությունները տարբեր ժողովուրդների և ազգերի միջև իրական հնարավորություններ են

ստեղծում նրանց բարգավաճման և վերապաց առաջընթացի համար: Ու չնայած այդ բոլորին, այնուամենայնիվ չարությունը, եսը, շահամոլությունը, փառասիրությունը, ստորությունը զուգակցում են մարդկային կյանքի ընթացքին, որոնց պոռթկման բարձրագույն դրսևորումը, պինված ընդհարումներն են, պատերազմները: Պատերազմել են նախնադարյան տոհմերն իրար դեմ, ստրուկները ստրուկների դեմ, գյուղացիները ֆեոդալների դեմ և ֆեոդալական պետությունները միմյանց դեմ: Նոր քանակ և նոր որակ ստացան պատերազմները նոր ժամանակաշրջանում: Պատերազմներին միշտ ուղեկցել են մարդկային անհամար զոհեր և նյութական արժեքների վիթխարի կորուստներ: Բնորոշ է, որ սկսած 17-րդ դարից՝ պատերազմներում զոհերի թիվը հարաճուն կերպով ավելացել է: 1600—1699 թթ. տեղի ունեցած պատերազմներում զոհվածների թիվը կազմել է 3,3 միլիոն մարդ, 1700—1800 թթ. 5,3 միլիոն, 1810—1815 թթ. (Նապոլեոնյան պատերազմներ),—3,6 միլիոն, 1815—1914 թթ. 2,2 միլ., 1914—1918 թթ. 10 միլիոն, 1919—1938 թթ. 1,3 միլ. և 1939—1945 թթ. 50 միլիոն: Այսպիսով ոչ ստույգ տվյալներով 1700—1945 թթ. տեղի ունեցած պատերազմներում միայն մարտի դաշտում զոհվածների թիվը կազմում է մոտ 72,5 միլիոն մարդ:

Բնորոշ է նաև այն, որ որպես օրենք ատերազմների ժամանակ կողմերը ձգտում են, որքան հնարավոր է պատերազմի մեջ ավել-

լի համայնապարփակ ներգրավել մարդկային մտքի, տքնության և բանականության արդյունք հանդիսացող գիտության բոլոր նվաճումները: Հաճագործող և ուրիշ ժողովուրդներին նվաճելու, ճնշելու տենդով մոլեգնած իշխողները հաճախակի են դիմում պենքի ուժի՝ ուրիշներին ճնշելու և տիրելու համար. նման դեպքերում անպայմանորեն վտանգի ենթարկված ժողովուրդները ոտքի են կանգնում՝ պաշտպանելու իրենց հողը,

լուս, Հոլանդիայում, Հարավ Արաբիայում և այլուր:

Սովետական Միությունը կանգնեց մեծ փորձության առաջ: Վտանգը ուժեղ էր, լի ամենապարհուրեղի հետևանքներով: Թշնամին ուներ գերազանցություն իր կապմակերպվածությամբ և տեխնիկական հագեցվածությամբ:

Սովետական կառավարությունը թե կենտրոնում և թե տեղերում իր երկրի մարդկային



«Սասունցի Դավիթ» տանկային շարասյունը մարտի մեկնելիս

իրենց տունը և հարապատների կյանքն ու պատիվը:

Հայ ժողովրդին բնավ խորթ չեն նման արդարացի պատերազմներն իր բազում թշնամիների դեմ:

1941 թ. երկարատև ու բազմակողմանիորեն պատրաստվելուց հետո ֆաշիստական Գերմանիան և իր դաշնակիցները անակնկալ հարձակում նախաձեռնեցին Սովետական Միության դեմ՝ նպատակ ունենալով տիրել մեր երկրին, ջլատել նրա կապը, բնաջնջել և ստրկացնել բնակչությանը: Նրանք արդեն որոշել էին այն վարչական բաժանումները, որոնք պետք է իրականացնեին պենքի ուժով և գաղութացնեին: Մինչ այդ Հիտլերն իր դաժան միջնադարյան բռնապետությունն էր հաստատել Զեխտպովակիայում, Լեհաստանում, Ֆրանսիայում, Նորվեգիայում, Բելգիա-

ու Նյուֆանդիայի բոլոր հնարավորությունները ի գործ դրեց հանուն երկրի պաշտպանության:

Ամենից առաջ բոլոր քաղաքացիներին հարկավոր էր ներշնչել այն միտքը, որ նրանք արագորեն պետք է վերափոխեն իրենց հայացքները, մտածելակերպը, ապրելակերպը, հրաժարվեն խաղաղ տարիներին հատուկ մտայնություններից և իրենց ողջ գործելակերպում ելնեն պատերազմական իրողարձությունից, Հայրենիքի պաշտպանության շահերից:

Ամբողջ Սովետական ժողովուրդը Հայրենական մեծ պատերազմ հայտարարեց ֆաշիստական Գերմանիային: Սրբազան պատերազմ էր դա, քանզի մեր ժողովուրդն այդ պոհողություններն անում էր հանուն իր սուրբ օջախի՝ իր կնոջ, իր երեխաների, իր

ծնողների ու հարապատերերի կյանքն ու պատիվը պաշտպանելու համար:

Եվ այսպես, 1941 թվականի հունիսի 22-ից մինչև 1945 թ. մայիսի 9-ը, մոտ 1417 օր, գիշեր ու ցերեկ, ցամաքում, ծովում, ծովի տակ, օդում երբեք չդադարեց հրացաններից, ավտոմատ վենքերից, հրանոթներից, տանկերից, օդանավներից արձակվող գնդակների, արկերի, ռումբերի հեղեղը: Քանի-քանի գյուղեր, քաղաքներ, դպրոցներ, վեհաշուք թանգարան-

ներով, որոնք կապված են պատերազմի սկզբնական շրջանի մեր անհաջողությունների ու նահանջների հետ: Ծանր, դժնդակ մի շրջան էր այդ, երբ երկրի Եվրոպական շրջանները, Մերձբալթյան երկրամասերը, Ուկրաինան, Բելոռուսիան, Հյուսիսային Կովկասը, Ռուսական մի շարք մարզեր, ընդհուպ մինչև Վոլգայի ափերն ու Կովկասյան լեռները, մնացին ֆաշիստական հորդանների կրունկի տակ: Բայց Հայրենական մեծ պա-



Սովետական զինվորները «Սասունցի Դավիթ» տանկային շարասյան առաջ

ներ (այդ թվում Լենինգրադի պատմական ոսկեպոծ պալատներ) հիվանդանոցներ, կամուրջներ, ճարտարապետական հապվագյուտ կառույցներ, անսման գրադարաններ խողմացրիվ արվեցին, քանի-քանի միլիոն տղամարդիկ դեռևս ծաղկուն տարիքում հրաժեշտ տվեցին կյանքին, քանի-քանի միլիոն մայրեր ցայսօր արցունք են թափում կորցրած զավակների համար, որոնց մի մասը անգամ չգիտի նրանց ջիրիմների տեղը:

Ամբողջ երկրորդ համաշխարհային պատերազմում բոլոր երկրների տված զոհերի թիվը հասնում է 50 միլիոնի, իսկ Սովետական Միությունը՝ 20 միլիոն: Այս թվերը շատ բան են ասում:

Հայրենական մեծ պատերազմի պատմությունը շատ բազմակողմանի է ու բարդ: Այն լի է ողբերգական, ծայրահեղ դժվարին պա-

տերազմի պատմությունը լի է նաև մեծ հաղթանակների հետ կապված բերկրալից պահերով, երբ Սովետական զինված ուժերը հուժկու հարվածներ հասցնելով թշնամուն, դուրս էին բջում նրան, ոչ միայն մեր Հայրենի երկրի սահմաններից, այլ նաև Եվրոպական շատ երկրներից: Այդ պատերազմի պատմությունը լի է համաշխարհային պատմական մեծ նշանակություն ունեցող փառահեղ դրվագներով: Ընդունված է, որ պատմության մեջ տեղի ունեցած պատերազմների պատմությունը հիշելու ժամանակ այն կապվում է վճռական նշանակություն ունեցող որևէ ճակատամարտի հետ: Հայրենական մեծ պատերազմում մենք սովորաբար հիշատակում ենք, որ թշնամու առաջին լուրջ պարտությունը հասցրել են Մոսկվայի մատույցներում 1941 թ. դեկտեմբերին և 1942 թ.

հունվարին: Անշուշտ մինչև այդ մեծ ճակատամարտը, արյունահեղ գործողություններ էին ծավալվել Լենինգրադի, Բրեստի, Կիևի, Օդեսայի, Սմոլենսկի պաշտպանության համար, բայց Մոսկվայի տակ գերմանացիների պարտությունն այնքան շոշափելի էր, որ մեկ ընդմիջտ հոդս ցնդեց Գերմանական զենքի անհաղթելիության առասպելը: Մոսկվայի մատույցներում մղված մեծ ճակատամարտին հաջորդեցին հռչակավոր Ստալինգրադյան (1942 թ. աշնանը—1943 թ. սկզբներին), Օրլո-Կուրսկի (1943 թ. ամռանը), Հյուսիսային Կովկասի, Ուկրաինայի, Բելոռուսիայի, Ղրիմի ապստաղումը (1943—1944 թթ.), պատերազմական գործողությունների փոխադրումը մեր սահմաններից դուրս (1944—1945 թթ.): Հայրենիքը ապստաղելուց հետո, Սովետական Միության զորքերը անհապաղ ձեռնամուխ եղան իրենց ապստաղական առաքելության իրականացմանը: Սովետական Միության հաղթական ու քաջարի բանակները մարտերով հասան Եվրոպական բազմաթիվ երկրների մայրաքաղաքները՝ Ելսինգֆորս, Բարձապա, Բուխարեստ, Սոֆիա, Բեյգրադ, Բեռլին, Վիեննա, Պրագա, Բրատիսլավա և վերջապես հաղթանակի դրոշմ ծածանեցին Բեռլինում, Ռայխստագի շենքի վրա:

Աշխարհում շատերն էին հակված կարծելու, որ Հիտլերին կհաջողվի հաղթել Սովետական Միությանը, և այն, ինչ տեղի ունեցավ, շատերը հրաշք համարեցին: Հրաշքն իրոք հրաշք էր, եթե մի պահ ռազմաճակատի գծին նայենք, 1942 թ. նոյեմբերին, երբ թշնամին Վոլգայի ափերին էր ու Մոսկովում, և նայենք նույն քարտեզին, 1945 թ. ապրիլին, երբ Կարմիր բանակը մարտեր էր մղում Բեռլինի փողոցներում: Բայց այստեղ հրաշք չկար:

Նախախնամությամբ որոշված էր, որ չարը, հետադեմը, բիրտը, բռնապետությունը, ուրիշներին տառապանքներ պատճառողները դատապարտված են կործանման: Ապրումն ունի իր հակադրումը: Ֆաշիզմի հավակնությունները՝ կեղեքել մեր երկրի ժողովուրդներին, ոտքի հանեց ողջ սովետական մարդկանց, մասսայական հերոսություն ձևակառուել և թիկունքում, անձնապոհություն, անհողողող կամք, վառ հայրենասիրություն, ահա ինչը հրաշքի վերածեց մեր արդար գործը: Միանգամից հորիզոնի վրա հայտնվեցին տաղանդավոր պորավարների մի ողջ սերունդ, Ժուկով, Վասիլևսկի, Կոնև, Բաղրամյան, Իսկով, Բաբաջանյան, Ռոկոսսովսկի, Տոլբուխին, Մալինովսկի և շատ ուրիշներ, որոնք իրենց խելքով, կամքով, հմտություններով կառավարում էին տասնյակ միլիոններից կազմված մեր զորքերի գործողությունները:

Բայց մենք հակված ենք հաղթանակն ապահովող նախապայմանների շարքում առաջնակարգ նշանակություն տալ մեր երկրում ապրող բոլոր ժողովուրդների միասնությանը, եղբայրությանը, բարեկամությանը, որոնց հիմնական ուժն անշուշտ ռուս մեծ ու հերոսական ազգն էր:

Սովետական ժողովուրդների մեծ ընտանիքում պատերազմի տարիներին մի առանձին ուժգնությամբ փայլեց հայ ժողովրդի հոգեկան և ֆիզիկական կարողությունը, նրա տաղանդը, հնարագիտությունը և սուրբ պարտքի պացումը Հայրենիքի հանդեպ:

Ու երբ այդպես ենք ասում, մենք սոսկ հայտնաբերություն չենք անում, այլ հիմնվում ենք անառարկելի փաստերի ու իրական գործերի վրա:

Սովետական Հայաստանում և Սովետական Միության մյուս հանրապետություններում ու քաղաքներում ապրող զենքի ընդունակ բոլոր հայերը ի վեն ելան: Եթե դրանց բոլորին ի մի համախմբեն, ապա դա մի մեծ բանակ կլիներ, որն իր քանակով կգերազանցեր Նապոլեոն Բոնապարտի 1812 թ. այն բանակին, որով նա անցել է Նեման գետը, Ռուսաստանի վրա հարձակվելու համար: Հատկանշական է, որ հայերը Սովետական զինված ուժերի համակարգում իրենց դրսևորում էին ռազմական այնքան բարդ կյանքի բոլոր ոլորտներում: Մեր ուսումնասիրությունը ցույց տվեց, որ երկրի պաշտպանության հետ կապված բոլոր օղակներում հայ մարդն իր պատվավոր տեղն է գրավել: Շարքային, քաջ հետևակային, հեծյալ, տանկի վրա, հրետանավոր, կապավոր, ռադիոկապավոր, օդաչու, ծովային, պինվորական ճարտարապետ, պինվորական բժիշկ, զենքի բոլոր տեսակի վարպետներ, քաջ պարտիզաններ և այլն և այլն: Սակայն գլխավորը թերևս այդ չէր: Գլխավորն այն էր, որ ջնդրիկ իրենց գրագիտության և անձնական քաջության, ջնդրիկ, ինչպես ընդունված է ասել, կազմակերպչական կարողությունների, հապարավոր հայ պինվորականներ Սովետական զինված ուժերում նշանակվեցին ստորաբաժանումների, պորամասերի, պորամիավորումների հրամանատարներ և այլ ղեկավար աշխատողներ: Կան մի քանի տասնյակ հայ գնդապետներ և գեներալներ, որոնք ղեկավարել են հարյուր հազարավոր մարտիկների և նրանց մարտի տարեր: Հայ պինվորականները դրսևորել են իրենց նաև բարձրագույն օղակներում, և դրանց շարքում առաջին հերթին պետք է հիշատակել ծովակալ, աշխարհահռչակ գիտնական Հովհաննես Իսակովին, մարշալ Հովհաննես Բաղրամյանին, պրահատանկային զորքերի գլխավոր մարշալ Հ. Բաբաջանյա-

նին, օղային լորթերի մարջալ խանութայան-
ցին, ականավոր հրետանավոր Պարսեղյա-
նին, Վեքիյանին: Հռչակավոր ֆիլիոլոգ, ա-
կադեմիկոս Լևոն Օրբելին հազել էր բժշկա-
կան ծառայության գեներալ-գնդապետի հա-
մապցեստ և հոգում իր վիրավոր պինվորների
բուժման գործի կազմակերպումը: Տաղան-
դավոր ինժեներ Յոյանը ղեկավարում էր ա-
մենաժամանակակից և ամենահզոր Հրետա-
նային գործարանի աշխատանքները: Հոյա-
կապ կոնստրուկտոր Արտեմ Միկոյանը նոր-
նոր օդանավեր էր ստեղծում բանակի հա-
մար: Անաստաս Միկոյանը գտնվում էր պե-
տության և բանակի ղեկավարման ամենա-
վերին օղակում. նա պետական պաշտպա-
նության կոմիտեի անդամ էր և ղեկավարում
էր ամբողջ բանակի մատակարարման գոր-
ծը: Հովհաննես Թևոյանը՝ մի արտակարգ
ընդունակ մասնագետ, ղեկավարում էր երկ-
րի սև մետաղամշակման նախապատրաստու-
թյունը և այլ կարևոր բնագավառներ:

Մենք միայն մի փոքր մասն ենք թվար-
կում, ցույց տալու և հպարտանալու, որ հա-
յերը պատերազմի սոսկ մասնակիցներ չեն
եղել, այլ ակտիվ, ստեղծագործող, գյուտա-
րար, նաև ղեկավար մասնակիցներ:

Սակայն մենք դեռ չենք հիշում ամենաբնո-
րոշող և կարևորագույն գործոններից, ուշա-
դրության խիստ արժանի երևույթներից մե-
կը, որով բնորոշվում է հայ ժողովրդի՝ հաղ-
թանակում ունեցած ներդրումը:

Հայ մտավորականները լավ գիտեն, որ
1826—1828 թթ. ռուս-պարսկական պատե-
րազմի ժամանակ հերոս հոգևորական Ներ-
սես Աշտարակեցուն հաջողվել էր մեծ դժվա-
րությամբ մի քանի մարտական ջոկատներ
ստեղծել հայ կամավորներից, որոնք գեներա-
լալ Պասկևիչի բանակում քաջաբար կռվել
են պարսիկների դեմ, մասնակցել Երևանի
բերդի գրավմանը: Նրանցից ոմանք արժա-
նացել են մարտական պարգևների: Այդ կա-
մավորները մի տեսակ մարմնավորում էին
հայ և ռուս ժողովուրդների մարտական հա-
մագործակցությունը: 1877—1878 թթ. ռուս-
տաճկական պատերազմին, հայորդի տա-
ղանդավոր պորավար Լոռիս-Մելիքովի բա-
նակում ևս կային հայ կամավորներ, որոնք
ռուս քաջարի պինվորների հետ կողք-կողքի
մարտնչում էին թուրքական հրոսակախըմ-
բերի դեմ: 1914—1917 թթ. ռուսական Կով-
կասյան բանակի մարտակարգերում քաջա-
բար կռվում էին հայկական կամավորական
պորամասերը, որոնցից մեկի գլուխ կանգնած
էր ազգային հերոս Անդրանիկը:

1918—1920 թթ. թուրքերի արշավանքնե-
րին հակահարված տալու համար ստեղծվել
էին Հայկական դիվիզիաներ (2-ը), ապա
հայկական կորպուս, գեներալ Նապարեկյա-

նի հրամանատարությամբ: Հայտնի են այդ
կորպուսի մաքառումները Երվնկայից մինչև
Ալեքսանդրապոլ թուրքերի դեմ մղած կռիվ-
ներում: Առանձնապես հպարտությամբ են
հիշվում Հայկական պորամասերի քաջագոր-
ծությունները Սարգարապատի, Բաշ Ապա-
րանի և Ղարաքիլիսայի ձակառամարտերում,
որտեղ աչքի ընկան պորավարներ Անդրանի-
կի և Փիրումյանի գնդերը: Այս փաստերը
ցույց են տալիս, որ հայ ժողովուրդն ընդու-
նակ է և ի վիճակի ինքնուրույն պորամա-
վորումներ ստեղծելու:

Հայ ժողովրդի այդ մարտական ավանդու-
թյունները մի առանձին փայլով դրսևորվե-
ցին Հայրենական մեծ պատերազմի տարի-
ներին: Մեր պատմության մեջ առաջին ան-
գամ միանգամից Սովետական Հայաստանի
տարածքի վրա կազմակերպվեցին հինգ
հայկական դիվիզիաներ, որոնցից յուրա-
քանչյուրի անձնակազմը հասնում էր մոտ
15000 մարդու: Դա մեծ պատիվ է, որ հայ
ժողովուրդը իր պավակներից կազմեց 5 դի-
վիզիա (ամեն մի դիվիզիայում չորս գունդ և
7 առանձին պորամասեր), որտեղ ամբողջ
սպայակազմը հայեր էին (միայն հայկական դի-
վիզիաներում մոտ 7000 հայ սպաներ և ռազ-
մական մասնագետներ կային), իսկ դա շատ
մեծ բան էր: Բայց գլխավորը թերևս դիվի-
զիաների ստեղծումը և ուսուցման կազմա-
կերպումը չէր, այլ այն, որ այդ բոլոր դիվի-
զիաները փայլուն կերպով արդարացրել են
իրենց գոյությունը մարտի դաշտում: Դրիմի
թերակղզում ֆաշիստական հորդանների դեմ
մարտնչեց Հայկական 320-րդ դիվիզիան՝
քաջ գնդապետ Սիմոն Չաքյանի հրամանա-
տարությամբ: Չաքյանը հերոսի մահով ըն-
կավ մարտի դաշտում: Նրա աճյունը հանգ-
չում է Երևանում: Սև ծովի ափերի պաշտ-
պանմանը հերոսաբար մասնակցել են Հայ-
կական 408-րդ դիվիզիայի գնդերը: Գոռ մար-
տերի դաշտերում իրեն մի առանձին փառ-
քով պսակեց Հայկական 76-րդ դիվիզիան,
որի պատվավոր կոչումներն ու պարգևները
վկայում են այդ մասին: Էլ ավելի փառահեղ
են եղել Հայկական 409-րդ և 89-րդ դիվի-
զիաների մարտական ուղիները: 409-րդ հայ-
կական դիվիզիան կազմավորվել է Ստեփա-
նավանում և Լենինականում: Նրա պորամա-
սերը սկսեցին պաշտպանում էին Սովետա-
կան Միության պետական սահմանները, ա-
պա մարտնչել են գերմանաֆաշիստական
կորպերի դեմ Հյուսիսային Կովկասում (ծայ-
րից ծայր), ամբողջ Ուկրաինայում, նրա ա-
րևելյան սահմաններից մինչև արևմտյան
սահմանները, ապա Մոլդավիայում, Ռումի-
նիայում, Հունգարիայում, Ավստրիայում և
Չեխոսլովակիայում: Դիվիզիան արժանացավ
Կիրովոգրադյան և Բրատիսլավյան պատվա-

վոր կոչումների, Բոգդան Խմելնիցկու շքանշանի, նրա բոլոր գեղերը և ստացան պատվավոր կոչումներ, հապարավոր մարտիկներ պարգևատրվեցին Կառավարական բարձր պարգևներով: Եվ մի՞թե մեծ պատիվ չէ, որ հայկական դիվիզիան թշնամու դեմ մաքառել է Եվրոպական հինգ պետությունների մայրաքաղաքներում:

Բոլորին հայտնի է, թե որպիսի փառքով է իրեն պսակել Հայկական 89-րդ դիվիզիան, որը մարտնչել է Հյուսիսային Կովկասում, Ղրիմում, Լեհաստանում և մասնակցել է Բեռլինի գրոհներին: Այդ դիվիզիային շնորհվել է «Թամանյան» պատվավոր կոչում և երեք շքանշաններ: Հապարավոր սպաներ և պինվորներ արժանացել են կառավարական բարձր պարգևների:

Ստացվում է, որ չնայած պենքի տակ կանչված հայ մարդկանց ճնշող մեծամասնությունը ծառայում էր երկրի պինված ուժերի բոլոր պորանասերում, հայ ժողովուրդը կարողացել է ստեղծել նաև շատ հայկական, ազգային պորանասեր, որոնք Սովետական բանակի հարյուրավոր դիվիզիաների շարքերում պայքարել են ընդհանուր թշնամու դեմ: Սա հայ ժողովրդի խոշոր և շատ ջոշափելի ներդրումներից մեկն է մեծ Հայրենականում:

Այն մասին, թե հայ ժողովրդի վավակները ի՞նչ քաջագործություններ են կատարել ռազմի դաշտերում, բավական է հիշեցնել, որ ավելի քան 70000 հայ մարտիկներ իրենց անձնական սխրանքների համար պարգևատրվել են շքանշաններով և մեդալներով, իսկ 103 հոգի արժանացել են բարձրագույն պարգևի՝ Սովետական Միության հերոսի կոչման: Չորքերի ղեկավարման բարդ գործում ցուցաբերած կարողությունների համար պատերազմի տարիներին և նրանից հետո ավելի քան 100 հայ պինվորականներ արժանացել են գեներալի կոչման:

Հատկանշական է, որ պատերազմից հետո խաղաղ տարիներին մարջալ Բադրամյանը եղել է ոչ միայն պաշտպանության մինիստրի տեղակալ, այլ նաև երկրի ամենաբարձր ռազմական հաստատության՝ Գերագույն շտաբի ակադեմիայի ղեկավարը, մի պաշտոն, որ սովորաբար վստահվում է երկրում մեծ հեղինակություն վայելող, տեսականորեն և գործնականորեն շատ լավ պատրաստված ղեկավարի: Զրահատանկային սորքերի ակադեմիայի պետը երկար տարիներ եղել է մարջալ Բաբաջանյանը: Այդ երկու ակադեմիաներում էլ իրենց ուսուցումն անձնում են լավագույն սպաներն ու գեներալները: Մինչև ատերազմը մի որոշ ժամանակ Սովետական Միության ռազմածովային ակադեմիայի պետը եղել է Հովհան-

նես Իսակովը: Ստացվում է, որ ռազմական բարձրագույն ուսումնական երեք կարևորագույն հաստատությունների ղեկավարման գործում մեծ վաստակ ունեն հայ պորավարները:

Մենք չենք խոսի հայ գրողների և բոլոր մտավորականների ակտիվ մասնակցության մասին պատերազմին: Գրողների մեծ մասը հազել էր պինվորական համազգեստ և ինչպես ռուս և մյուս ժողովուրդների գրողները, հայ գրողները ևս եղել են ռազմաճակատներում և իրենց ստեղծագործություններով, խոսքով, գործով մարտի են կոչել մարտիկներին: Ավ. Իսահակյան, Հով. Շիրազ, Ստ. Ջորյան, Ն. Ջարյան, Հրաչյա Քոչար, Վ. Անանյան, Հմ. Սիրապ, Գ. Բորյան, Հր. Հովհաննիսյան, Ս. Խանկապետյան և շատ ու շատ հայ գրողներ իրենց ստեղծագործություններով գովերգել են մեր ժողովրդի անցյալի ու ներկայի մարտական լավագույն ավանդույթները և ոգևորել հայ մարտիկներին իրենց սուրբ գործում:

Մի պարմանալի նախաձեռնություն, ստեղծագործական միտք և աշխատանքային սրբազորություն ցուցաբերեցին թիկունքում մնացած հայ աշխատավորները, կանայք, ծերերը, երեխաները: Հայաստանը ռազմաճակատ էր ուղարկում տաք հագուստներ, գուլպաներ, ձեռնոցներ, սպիտակեղեն, գլխարկներ, գոտիներ, տասնյակ հազարավոր կապոցներ սննդամթերք, չոր միրգ:

Կարճ ժամանակամիջոցում Երևանի գործարաններում ստեղծվեցին այնպիսի բաժիններ, որոնք ռազմաճակատին խիստ անհրաժեշտ իրեր և տեխնիկական սարքեր էին մատակարարում:

Իրենք, սովետական մարդիկ, ինչպես ամենուրեք, Ռուսաստանում, Նույնպես և Հայաստանում շատ ժամանակ վարելով զորականքներով լի կյանք, ամեն ինչ առաջին հերթին ուղարկում էին ռազմաճակատ, քաջ գիտակցելով, որ այնտեղ, գոռ մարտերի դաշտերում որոշվում է Հայրենիքի բախտը:

Երբ կարդում ես պատերազմի տարիների փաստաթղթեր, որոնցում նկարագրված են հայ կնոջ, պատանու աշխատանքային հերոսությունները, մի պահ չես հավատում, թե որտեղից սնունդ առան այդքան կամք, անձնապոհություն, վեհ զգացումներ:

Մենք այստեղ չենք կարող չնշել այն պատմական լուրջ իրողությունը, որը կապված է սփյուռքի հայության մասնակցության հետ ֆաշիզմի դեմ մղվող պայքարում:

Պատերազմի տարիներին Սովետական Միության դաշնակիցներ ԱՄՆ-ի, Անգլիայի և Ֆրանսիայի բանակներում հազարավոր հայ պինվորներ քաջաբար կռվել են ֆաշիստական Գերմանիայի և նրա դաշնակիցներ

Իտալիայի ու Ճապոնիայի դեմ: Ֆրանսիայում, Բելգիայում, Հոլանդիայում, Բալկանյան երկրներում, Հարավ Սլովակիայում և այլ երկրներում ծավալված ընդհատակյա դիմադրական շարժումներում համարյա ամենուրեք կարելի է հանդիպել բազմաթիվ հայ անուններին:

Հարյուրավոր հայ գերիներ ֆաշիստական մահու ճամբարներից իրական մահն աչքերի առջև ունենալով փախել և միացել են յուրաքանչյուրին՝ շարունակելու պայքարը ֆաշիզմի դեմ:

Մի առանձին ուղադրության է արժանի Սուրբ Էջմիածնի նախաձեռնությունը պատերազմի տարիներին: Հայ եկեղեցին և նրա առաջավոր հոգևորականները Ամենայն Հայոց Հայրապետության ազգընտիր տեղակալ Գևորգ արքեպիսկոպոս Չորեքյանի գլխավորությամբ ցույց տվեցին, որ նրանք իրենց ժողովրդի հետ են և նրա ծանր պահերին միշտ նեցուկ են նրան:

Ճիշտ է նկատում Ամենայն Հայոց Վեհափառ Կաթողիկոս Վազգեն Առաջինը, որ «Հանուն Հայրենական պատերազմի Հաղթանակի սփյուռքի հայությունը ևս մի մարդու նման կանգնած մնաց Մայր Հայրենիքի իր եղբայրների կողքին ու իր պարտքը կատարեց, խորհրդային ռազմական ուժերին նվիրաբերելով «Սասունցի Դավիթ» տանկային շարասյունները»:

Ամենայն Հայոց Կաթողիկոսը իր քարոզներում, թե այստեղ, թե արտասահմանում բազմիցս այն իմաստուն միտքն է արտահայտել, որ խաղաղության և Հայրենիքի անդորրի պաշտպանությունը վեր է ամեն տեսակի այլ վարդապետություններից, որ Աստծու կողմից դատապարտված է այն քայլը, որ հանուն նեղ, սահմանափակ շրջանակների եսասիրական թույնով ներծծված մարդկանց շահերի մարդկությունը նետվի մեծագույն աղետի հորձանուտը:

Հայերն ամենուրեք էին, որտեղ նրանց կարիքը զգացվում էր ֆաշիզմի դեմ պայքարելու համար:

1945 թ. Մայիսի 9-ին Բեռլինում, Սովետական կառավարության անունից փառաբանված զորավար մարշալ Գեորգի Ժուկովը պարտված Գերմանիայի ներկայացուցիչներին

թին թելադրեց անվերապահ կապիտուլյացիայի պայմանները: Գերմանիան պարտված էր իր պատճառած ահավոր հանցագործությունների և մարդկությանը պատճառած անլուր տառապանքների, կրկանքների համար: Ողջ աշխարհի ժողովուրդները ցնծության մեջ էին: Արդարությունը հաղթեց չարությանը: Հաղթանակեց մարդկային բանականությունը:


Չանցած մի քանի ամիս մեր դաշնակիցների համագործակցությամբ խստորեն պատռվեց նաև ռազմատենչ ճապոնիան:

Համաշխարհային պատմության մեջ տեղի ունեցան վիթխարի քաղաքական և հոգևոր փոփոխություններ: Աշխարհում նոր պետություններ ստեղծվեցին, ճնշված շատ ժողովուրդներ անկախություն, ապստոյություն ձեռք բերեցին:

Սովետական հզոր պետությունը, նրա բոլոր ժողովուրդները օրինական հպարտությամբ են հիշում, որ այդ պատմական վիթխարի նշանակություն ունեցող հաղթանակը առաջին հերթին ձեռք է բերվել իրենց աշխատանքով, տքնությամբ, քրտինքով, արյունով, միլիոնավոր զոհերի գնով:

Հայ ժողովուրդը ևս օրինական հպարտությամբ է համակված, որ ինքը կողքից դիտողի դերում չի եղել, այլ համապարփակ ձեվով իր հոգևոր և նյութական ներդրումն է կատարել Մեծ Հաղթանակի կերտման պատվավոր գործում:

40 տարի անց, մեր մոլորակի հորիզոններում կրկին չարագուշակ ամպեր են կուտակվում: Կարծես թե հրապարակի վրա Ադոլֆ Հիտլերի սուվերներ են նշմարվում, կարծես թե արյան համար ծարավի նոր հրեշների ձայներ են լսվում: Բանականությունից զուրկ անհատներ երապում են մարդկային մտքի նոր նվաճումները՝ ջերմամիջուկային ուժը օգտագործել չար նպատակների համար: Սակայն պետք է հուսալ և հավատալ, որ համայն աշխարհի բոլոր լուսավոր մարդիկ գերմարդկային ջանքերով, անկախ նրանց ազգային ու դասային պատկանելությունից, ի մի կհամախմբվեն հանուն սրբազան գաղափարի իրականացման, հանուն խաղաղության պահպանման:



Ղ. Վ. ԱՅՎԱԶՅԱՆ

ԳՐԻԳՈՐ ԼՈՒՍԱՎՈՐԶԻ ՊԱՇՏԱՄՈՒՆՔԸ ՀԻՆ ՌՈՒՍԻԱՅՈՒՄ

Միջին դարերում հայ-ռուսական պատմական և մշակութային կապերի նշանակալից երևույթներից մեկը եղավ Բյուզանդիայից Հին Ռուսիա ներթափանցած Գրիգոր Լուսավորչի պաշտամունքը: Ռուսիայում նրան կոչում էին «Գրիգոր Սուրբ նահատակ, եպիսկոպոս Մեծ Հայքի» կամ «Գրիգոր Հայաստանցի»: Դրա հետ մեկտեղ ռուսական Եկեղեցին հունական Եկեղեցուց ընդօրինակել էր բացասական վերաբերմունք հայ դավանանքի նկատմամբ, թեև Հին Ռուսիայի և Հայաստանի միջև տեղի չէր ունեցել պատերազմական և քաղաքական որևէ բախում: Ընդհակառակն, թուրք-սելջուկների, թաթար-մոնղոլների և օտարերկրյա այլ հափշտակիչների ներխուժման հետևանքով իրենց մայրենիքից արտագաղթած հայերը կենսագործունեության համար չլիջտ բարենպաստ պայմաններ, հյուրասեր ընդունելություն էին գտնում Հին Ռուսիայում, հոգատարություն՝ ռուս իշխանությունների կողմից:

Հին Ռուսիայում նույնպես, ինչպես ամենուրեք, հնարավոր էր սովորույթների փոխառումը. դրա համար անհրաժեշտ էր համապատասխան հող, որ համապատասխանի ընդօրինակող ժողովրդի հասարակական պահանջմունքներին: Ստորև մենք կանգ կառնենք այն պատճառների վրա, որոնցով պայմանավորված էր մի կողմից Գրիգոր Լուսավորչի պաշտամունքը Ռուս Եկեղեցում, իսկ մյուս կողմից, այդ Եկեղեցու բացասական վերաբերմունքը Հայ Եկեղեցու նկատմամբ: Ընդամին, առաջ անցնելով, նշենք, որ այդ երևույթներից թե՛ մեկը, թե՛ մյուսը, անփոփոխ չէր մնում, այլ ապրում էր յուրատեսակ շրջափոխություն. Գրիգոր Լուսավորչի

պաշտամունքը երբեմն պարզապես հիշատակվում էր իբրև բալում սրբերից մեկը, երբեմն առանձնացվում էր իբրև հատուկ սրբերի թվում, մերթ նրան համարում էին սուկ հերետիկոսությունների դեմ պայքարող, մերթ՝ հայ ժողովրդին ի մի համախըմբող գործիչ: Իսկ Հայ Եկեղեցու նկատմամբ կեցվածքը տատանվում էր Ռուս Եկեղեցու բացասական վերաբերմունքից, անհանդուրժողականությունից մինչև հակասությունների հետպիտե հարթումը, իսկ XVI դարից սկսած՝ հասավ բարեկամական փոխհարաբերությունների: Նման վերափոխման պատճառը հանդիսացան ռուս ժողովրդի պատմական կենսապայմանները, Ռուսիայում հայկական բնակավայրերի ստեղծումը, հայերի գործուն մասնակցությունը ռուսական պետության տնտեսական, քաղաքական և մշակութային կյանքին, պարսկա-թուրքական բարբարոս լծից իրենց հայրենիքի ապատագրման գործում հայերի կողմնորոշումը դեպի Ռուսաստան:

*
* *

Հին Ռուսիայի հետ ինչ-որ չափով առնչվող առավել վաղ տեղեկությունները Գրիգոր Լուսավորչի մասին՝ Բյուզանդիայի կայսր Կոստանդին Ծիրանածինի (Βασιανόροδ-ης) (913—959 թթ.) «Ժողովուրդների մասին» երկում բերված այն տեղեկությունն է, ըստ որի «վարյագներից դեպի հույները տանող» ճանապարհին, «յոթերորդ սահանքաշեմից հետո (Դնեպր գետի՝ Ղ. Ա.) Սուրբ

Գրիգոր կոչված կղզին է»¹: Իր ծանոթագրության մեջ Գ. Լասկինը նշում է, որ Կոստանդին Օիրանածինը նկատի է ունեցել Խորտիցա կղզին, որից հետո շարունակում է. «Տարօրինակ է թվում, սակայն կասկած չկա, որ կղզին կոչել են ի պատիվ Հայաստանի լուսավորչի, որն, ըստ առասպելի, հարավային Ռուսաստանի վրայով անցել է Նոր Հըռոմ»²:

Սակայն է՛լ ավելի ուշագրավ է Կոստանդին Օիրանածին արած լրացումը. «Այդ կղզում աքաղաղներ ու հավեր են մատաղ անում, քանի որ այնտեղ կա մի վիթխարի կաղնի: Մատաղ անողները նետեր են տընկում, ուրիշները դնում են հաց, միս և այլն, ինչ յուրաքանչյուրն ունի ըստ իր սովորության: Նրանք վիճակ են հանում, թե արդյոք մորթեն-ուտեն՝ հավերը, թե՛ կենդանի ապատ արձակեն նրանց»:

Կոստանդին Օիրանածին հաղորդածից չի երևում, թե ով և երբ է Խորտիցա կղզին կոչել Գրիգոր Լուսավորչի անունով, սակայն կարելի է ենթադրել, թե դա արել են հույները, հայ սուրբի՝ Վասիլի I-ի կողմից սահմանված պաշտամունքի պահին³: Բացառված չեն նաև այլ վարկածներ. օրինակ, Բյուզանդիայի բանակում ծառայող հայ քաղկեդոնականների կամ հայ միաբնակների մասնակցությունն այդ գործին: Նրանք ծանոթ լինելով Գրիգոր Լուսավորչի Խորտիցա կղզի այցելման վերաբերյալ առասպելին, նրա անունով են կոչել կղզին: Ենթադրվում է նաև դրա հնարավոր կապը Կիևի հնագրային անվան հետ՝ «Սամբատաս» կամ «Սամվատաս», որը, ինչպես կարծում է Ֆ. Կ. Բրունին, կապված է եղել այդ ամրոցի ամրացմանը հայ իշխան Սմբատ Բագրատունու մասնակցության հետ՝ Բյուզանդիայի կայսր Հայ Լևոն V-ի օրոք (813—820 թթ.)⁴: Ինչ վերաբերվում է մատաղին, ապա Ագաթան-

գեղոսի վկայությամբ հայերի մոտ հեթանոսական հնագույն ժամանակներից ընդունված է եղել կենդանիների մատաղը՝ հողի բերրիությունը, անասունների մթերատվությունը և այլն ապահովելու նպատակով, ի նշանավորումն գործի հաջողության, մարդուն սպառնացող վտանգի երջանիկ ավարտի, թշնամու նկատմամբ տարած հաղթանակի, մատաղ արած կենդանու արյունը խմում էին ի հաստատումն եղբայրության, հավատարմության ու բարեկամության⁵: Մատաղի արարողությունը Հայ Եկեղեցին ընդունել է Գրիգոր Լուսավորչի օրոք, որը, ինչպես գրում է Ներսես Շնորհալի կաթողիկոսը, ժողովրդին պատվիրել է, որպեսզի հեթանոսական կուռքերի փոխարեն մատաղը արվի միայն Աստծուն և աղ ցանվի անլեզու անասունների մահի⁶: Այս սովորույթը պահպանվել է նաև մինչև մեր օրերը, ընդ որում մատաղ են արվում նաև ոչխարներ, աքաղաղներ՝ առավելապես սև գույնի: Վկայակոչելով հնադարյան հայ հեղինակների աշխատությունները, հայագետ Ս. Բարդիկյանը պնդում է, որ մատաղի սովորույթը Թրակիա են բերել Բյուզանդիայի կայսր Մավրիկոսի (582—602) կողմից այնտեղ գաղթեցրած հայերը⁷: Իր հերթին բուլղարացի գիտնական Պ. Ս. Դուլչևը հաղորդում է արևելյան Բուլղարիայի գյուղերում տղամարդկանց տոնի օրը (հունվարի 20-ին՝ փետրվարի 2-ին) աքաղաղներ (որոշ տեղերում միայն սև գույնի աքաղաղներ) մատաղ անելու սովորության մասին, որը, ըստ մի շարք աղբյուրների տվյալների, տարածված է եղել նաև արևելյան սլավոնների մոտ⁸: Այսպես, երևան է գալիս Կոստանդին Օիրանածին նկարագրած Գրիգոր Լուսավորչի կղզու մատաղի եթե ոչ անմիջական, ապա անուղղակի կապը Հայ Եկեղեցու լուսավորչի սահմանած մատաղի արարողության հետ:

988 թվականին քրիստոնեության ընդունումից հետո, Կիևյան Ռուսիայի ժամանակաշրջանում (XI—XII դդ.) Գրիգոր Լուսավորչի (և Հռիփսիմյան կույսերի) անվան հանդիպում ենք հին սլավոնական գրի մեկ հասած առաջին հուշարձանում՝ «Օստրոմիրյան Ավետարանի» ռուսական խմբագրությունում: Այն արտագրել էր Գրիգոր սարկա-

¹ Сочинения Константина Багрянородного «О фемах» и «О народах», с пред. Гавриила Ласкина. М., 1890, с. 73.

² Անդ, ծանոթագրություն:

³ Ֆ. Կ. Բրունին գտնում է, որ «Խորտիցա կղզուն սուրբ Գրիգոր Հայաստանցու անունը կարող են շնորհած լինել իրենք բյուզանդացիները ոչ միայն այն կարևոր դերի պատճառով, որ հայերը խաղացել են նրանց մայրաքաղաքում, այլև այն հատուկ հարգանքի շնորհիվ, որ այնտեղ տածել են Գրիգոր Լուսավորչի նկատմամբ»:

(Черноморье. Сб. исследований по истории, географии южной России. Ф. Бруни, ч. II, Одесса, 1880, с. 289).

⁴ Տե՛ս Փ. Կ. Բրունի. О разных названиях Кнева в прежнее время.—В кн.: Черноморье, ч. II, с. 297—298.

⁵ Ագաթանգեղոս, Հայոց պատմություն, Վենետիկ, 1835, էջ 74:

⁶ Ներսես Շնորհալու ուղերձը Մայր տաճարին: Էջմիածին, 1865 թ., էջ 352—362:

⁷ Տե՛ս Ս. Բարդիկյան, Հայկական մատաղը Թրակիայում, «Էջմիածին», 1958 թ., մայիս, էջ 58:

⁸ П. С. Дулчев. К вопросу о языческих жертвоприношениях в Древней Руси.—В кн.: Культурное наследие Древней Руси. М., 1976, с. 31—34.

վագը, մեծ մասամբ բուլղարերեն բնագրից՝ Նովգորոդյան մարպապետ Օստրոմիրի համար (որտեղից և ստացել է իր անվանումը): Այնտեղ, տոմարում, սեպտեմբերի 26-ի համար ասված է. «Հովհանն Աստվածաբանի և նրա հետ՝ Հովսիսիմե կույսի ու նրա խմբի «Հոգեգալուստի» «Հովհաննի ավետարանի» ընթերցման նշումով»⁹, իսկ սեպտեմբերի 30-ին՝ «Հայաստանում սուրբ Գրիգորի և Մատթեոսի ավետարանը XXIV համար 42—47»¹⁰: Մի այլ հնադարյան թարգմանական ռուսական հուշարձանում՝ «1092 թվականի հրեշտակապետի Ավետարանում» սեպտեմբերի 30-ի տոմարով գրված է. «Մեծն Հայքի սուրբ Գրիգոր Լուսավորչի և Հովսիսիմյան կույսերի հիշատակը մի քանի խոսքով սեպտեմբերի 30-ի տոմարով նշված է նաև հնագույն եկեղեցա-սլավոներեն թարգմանված 1095—1097 թթ. պատկանող ճաշոցում: «Մեծն Հայքի սուրբ նահատակ Գրիգորի և Գայանեի ու Հովսիսիմի», որից հետո գալիս են շարականով՝ նույն ձայնի ինը երգից կազմված շարականներ, որոնց ստեղծումը վերագրում են ժամերգու Հովսեփին (IX դարի II կես), կամ (կես դար ավելի վաղ ապրած) Ֆեոֆանին»¹²:

Ճիշտ է, պահպանված մագաղաթյա XI—XII դարերի հուշարձանում կանոնագրով գրված Տոնական Հայսմավորքում անհասկանալի պատճառով Գրիգոր Լուսավորչի անունը չի հիշատակված: Սակայն ելնելով ոչ միայն վերը վկայակոչված փաստերից, այլև այն բանից, որ հունական ու բուլղարական բնագրերում, որոնցից արված են ռուսերեն թարգմանությունները, սեպտեմբերի 30-ին, որպես կանոն, նշված էր հայ սուրբի հիշատակը, մենք իրավունք ունենք եկրակացնելու նրա բավական լայն հռչակի մասին Կիևյան Ռուսիայում: Այդ մասին է վկայում նրա անվան հիշատակումը ռուսական հնագույն Լավրենտյան տարեգրությունում, ուր «6754 տարում», հիշատակվում է Չեռնիգովյան իշխան Միխայիլ Վսեվոլոդովիչի ուղևորությունը Բատի խանի մոտ և նրա սպանությունը թաթարների կողմից, ինչպես նաև այն մասին, որ Վսեվոլոդի որդի Յարոսլավ իշխանը վախճանվել է գերու-

թյան մեջ «սեպտեմբեր ամսի 30 սուրբ Գրիգորի հիշատակի օրը»¹³:

Թե ինչո՞ւ հեղինակը չի պարզաբանում, թե ո՞ր Գրիգորի մասին է խոսքը (իսկ այդ անունը, ինչպես հայտնի է, կրել են քրիստոնեական եկեղեցու աչքի ընկնող գործիչներից շատերը), հարկ է բացատրել այն բանով, որ տարեգիրը վստահ էր, որ իր ընթերցողները իրապե՞ս են, որ խոսքը Գրիգոր Լուսավորչի մասին է:

* *

Ռուս ժողովրդի հասարակական-քաղաքական և մշակութային կյանքի մի այլ կենտրոնն էր Վլադիմիրա-Սուլդալյան Ռուսիան և Մեծն Նովգորոդը, որի նշանակությունը խիստ աճեց Բատիի արշավանքի հետևանքով Կիևի անկումից և մոնղոլա-թաթարական լծի հաստատումից հետո: Հենց այստեղ՝ Նովգորոդում, մի շարք պատճառներով, որոնց մասին մենք կասենք ստորև, ստեղծվել էր Գրիգոր Լուսավորչի հատուկ պաշտամունքը: 1198 թվականին կառուցված և XII դ. վերջին XIII դարի սկզբին նախշանկարված Սպաս-Ներեդից հռչակավոր տաճարի կենտրոնական խորանի «Հայրապետական շարքի» աջ կողմում պետեղված էր Գրիգոր Լուսավորչի դիմանկարը: Պատկերված է փիտնակիր կերպարանք, վերևից՝ խաչակիր եմփոդոնով, որի խաչերը, ի տարբերություն կողքին գտնվող այլ սուրբերի եմփոդոնների խաչերի, պատկերված են կենտրոնից հետպիստե ընդլայնվող հավասարակողմ ճյուղավորմամբ (V—VII դարերում Հայաստանում լայնորեն տարածված տիպի խաչ): Սուրբը գլխաբաց է, աջ ձեռքով նա երկու մատով օրհնում է, իսկ ձախ ձեռքում՝ գիրք է: Պատկերի երկու կողմից՝ մակագրություն «Агίο (с) Григори» («Սուրբ Գրիգոր»)՝¹⁴: Չգետաարաիի հյուսիսային կողմում «սուրբ կանանց» թվում պատկերված է նաև Հովսիսիմեն՝ «Կույս Հովսիսիմե» մակագրությամբ:

¹³ ПСРЛ, т. I, М., 1962, с. 471.

¹⁴ См.: Толстой И., Кондаков Н., Русские древности в памятниках искусства, вып. VI. Памятники Владимира, Новгорода и Пскова. СПб., 1899, с. 135. Успенский А. И., Фрески церкви Спаса на Нередице. М., 1910, с. 5, 6, 8 и 24; Халпахчьян О. Х., Армяно-русские культурные отношения и отражения в архитектуре. Ереван, 1957, с. 161; Каковкин А. Я. Образ Григория Армянского в некоторых памятниках древнерусского искусства.—И, 1976, № 2 (73), с. 166—167.

Սպաս ներեդիցի տաճարը ավերել են գերմանական զավթիչները 1942 թ.:

⁹ Остромирово Евангелие 1056—1057 г. с приложением греческого текста Евангелий. Изд. А. Востоковым. СПб., 1854, с. 226.

¹⁰ Там же.

¹¹ ОР ГБЛ, Музейное собрание, Ф. 178, № 1666.

¹² Служебные Миней за сентябрь, октябрь, ноябрь. Труд ординар. акад. И. В. Ягича. Памятники древнерусского языка, т. I, СПб., 1886, с. 227.

Սակայն Սպաս-Ներեդիցայի որմանկարը Գրիգոր Լուսավորչի միակ նկարը չէր Նովգորոդյան ռուսական եկեղեցիներում: 1361 թվականին կառուցված Թեոդորոս Ջորավարի եկեղեցու հյուսիսային սյան վրա շրջանաձև մեդալիոնում պատկերված է հայ սուրբի



Ս. Գրիգոր Լուսավորչի դիմանկարը Սպաս-Ներեդիցի տաճարի որմանկարների շարքում (ԺԲ դար)

կիսապատկերը: Նրա հագին սովորական փիղոն և եմփոթոն է, ձեռքով նա կրծքին է սեղմել մի գիրք: Բացատրական մակագրություն չկա: Որմանկարի պատճենում, որը 1920 թ. կատարել է նկարիչ Ա. Ա. Լվովը, և պահվում է Լենինգրադի Ռուսական թանգարանի ֆոնդերում, նշված է. «Հայքի լուսավորիչ Գրիգոր»: Ինչպես նշում է Ա. Յ. Կակովկինը, այդ բնորոշման ճշտությունը հաստատում են տվյալ պատկերի և Կոստանդնուպոլսի Պամակարիստի ամենաերանելի Աստվածամոր եկեղեցու մատուռում (Ֆեթիե Ջամի մկկիթ) Լուսավորչի խճանդկար պատկերի (XIV դ.) նմանությունը՝ միատեսակ արտաքին նշանները (դեմքի սառնությունը, մազերի սանրվածքը, երկտակված սեպյաձև մորուքը) և սրբապատկերագիտական հատկությունները (այդ նկարի խաչերի ձևի նմանությունը): Սուրբի համանուն պատկերը տեսնում ենք նաև Սեբաստիայի (Փյունիա) եկեղեցում, որը նախնական

տվյալներով պատկանում է X դարին»¹⁵: Գրիգոր Լուսավորչի ևս մի պատկերը գտնվել է Նովգորոդից 10 վերստի վրա, Վոլխով գետի աջ ափին գտնվող Խուտինսկի վանքի Լուսավորչի անունը կրող եկեղեցու որմնախորշի որմանկարում¹⁶:

Ուշագրավ է հայ սուրբի անունով եկեղեցու կառուցման բուն իսկ փաստը այդ հրուշակավոր վանքում, որ ինքնին հանդիսանում է Նովգորոդում Գրիգոր Լուսավորչի հատուկ պաշտամունքի վկայությունը:

Նովգորոդյան «6953 ամի» (1445 թ.) երրորդ տարեգրությունում Եվփեմիոս արքեպիսկոպոսի կողմից գրված է «Մեծն Հայքի Սուրբ Գրիգորի» եկեղեցու կառուցման մասին: «7043 ամի (1535 թ.)» նույն տարեգրությունում հաղորդվում է, որ «հունիսի 15-ի օրը» օրհնվել է «Մեծն Հայքի Գրիգորի անվան» եկեղեցին¹⁷: Կարելի է կարծել, թե խոսքը արքեպիսկոպոս Եվփեմիոսի կառուցած եկեղեցու մասին է, որի շինարարությունը տևել է բազում տասնամյակներ և միայն 90 տարի անցնելուց հետո օրհնվել է¹⁸: Սակայն Նովգորոդյան 1539 թ. ժողովածուին առնչվող Վոսկրեսենսկի և Նովոերուսալիմսկի ընդօրինակության մեջ ռուսական տարեգրության հատվածում այդ իրադարձությունների մանրամասն շարադրումից պարզվում է, որ դա եղել է հետևյալ կերպ, սկսվում 1445 թ. կառուցվել է կլորաձև ոչ մեծ եկեղեցի, իսկ 1535 թ. ապրիլի 11-ին հիմնադրվել է մի այլ եկեղեցի, որն օրհնվել է 1536 օգոստոսի 9-ին և իրենից ներկայացրել է եռաշարք աշտարակաձև մի շենք¹⁹: Այդ եկեղեցու նկարագրությունը պահպանվել է XVII դ. ճանապարհորդ Ադամ Օլեարիի ալբոմում և «Խուտինյան դպիր Տարասիի տեսիլքը» սրբապատկերում, որը պահվում է Նովգորոդի թանգարանում:

Այն հարցին պատասխան տալուց առաջ, թե ինչով է բացատրվում Գրիգոր Լուսավորչի անվան եկեղեցիների կառուցումը Խուտինյան վանքում, հետաքրքիր է դիմել Նովգորոդյան բնագիր գրականության վաղ երկերից մեկին՝ Նովգորոդցի Դորբինյա Յադ-

¹⁵ Каковкин А. Я., Образ Григория Армянского..., с. 107—108.

¹⁶ Там же, с. 107—108.

¹⁷ ПСРЛ, т. III, СПб, 1841, с. 240.

¹⁸ Նույն տեղը, էջ 249:

¹⁹ Ի դեպ, նույն սխալն են թույլ տվել հայ-ռուսական պատմական ու կուլտուրական կապերի մի շարք հետազոտողներ:

²⁰ ПСРЛ, т. VI, СПб, 1853, с. 269. Ֆոտոտիպան վանքում երկու եկեղեցիների տարածամակետ շինարարության մասին առաջինը նշել է Ղազիմխանը: (Армяно-русские культурные отношения..., с. 15).

րեյկովիչի (Անդրեյկովիչի) «Ուխտագնաց» գրքին, որի հեղինակը հետո դարձել է այդ քաղաքի արքեպիսկոպոսը: Դեռ աշխարհական եղած ժամանակ նա 1199 թվականին ճանապարհորդություն է կատարել Կոստանդնուպոլիս (ռուսներն այդ քաղաքը կոչում էին Ցարգրադ)²¹, այնտեղ հասել է 1200 թ. մայիսին և, ըստ երևույթին, այնտեղ մնացել մինչև խաչակիրների կողմից քաղաքի գրավումը (1204 թ. ապրիլի 12—13):

Դոբրինյա Յադրեյկովիչը ուշադրություն է դարձնում Սուրբ Սոֆիայի տաճարին, նրանում պահված կարևոր իրերին և դրանց հետ կապված ավանդություններին: Նկարագրելով տաճարի ներսի հարավային, արևմտյան, հյուսիսային կողմերում գտնվող վերնա-սրահները, նա գրում է. «...իսկ ոչ հեռու՝ Սուրբ Ավերկիոսի և Մեծն Հայրի Գրիգորի և Սիլվեստրոսի սրբապատկերները, նույն տեղում դրված են Կիոսի, Հովհաննեսի զբլուխները, Սուրբ Սոֆիայի մյուս սուրբերի բազում մասունքները»²²:

Դոբրինյա Յադրեյկովիչը Նովգորոդ վերադառնալուց հետո վարդապետ ձեռնադրվեց Խոտինսկի վանքում, անունը դարձրեց Անտոնի, 1211 թ. ընտրվեց Նովգորոդի արքեպիսկոպոս և որոշ ընդմիջումներով այդ պաշտոնում մնաց մինչև իր մահը՝ 1221 թ. սեպտեմբերի 8-ը: Ըստ ռուսական աղբյուրների իր ճանապարհորդությունից Դոբրինյա Յադրեյկովիչը բերել է «Աստծո դագաղը», այսինքն՝ «Աստծո դագաղի» չափսը՝ դամբարանաձև կառուցված արկղ կամ սեղան, նրա վրա սրբապան պատառակալ դնելու համար²³, ինչպես նաև մի քանի այլ քրիստոնեական «սրբություններ»: Ա. Ի. Յացեմիրսկին «Արքեպիսկոպոս Անտոնիի Յարգրադ կատարած ուխտագնացության նոր տվյալներ» հոդվածում նշել է, որ այդ հուշարձանի XV դարին պատկանող իր գրած ընդօրինակման մեջ հաղորդվում է, որ Անտոնին Ցարգրադում ստացել է որոշ սրբերի մասունքների մի մասը²⁴: Խ. Մ. Լոպարևը

«Ուխտագնաց գրքի» տեքստի ծանոթագրություններում նշում է, որ Դոբրինյա Յադրեյկովիչը Նովգորոդ է բերել Ս. Վլաս Սերաստացու մասունքի մի մասը, Ս. Հովհաննես Աստվածաբանի գլխատակի քարի մի մասը²⁵ և Թեոդորոս Չորավարի շուրջառի մի մասը (որում գտնվում էր Գրիգոր Լուսավորչի կիսանկարը):

Սակայն առավել հետաքրքրություն է ներկայացնում ռուս հայտնի գիտնական Ֆ. Բրունի կարծիքն այն մասին, որ Նովգորոդի գլխավոր եկեղեցում՝ Ս. Սոֆիայի տաճարում, XIII դարի սկզբում արդեն պահվում էր Գրիգոր Լուսավորչի մասունքի մի մասը, որը Ցարգրադից բերել էր Դոբրինյա Յադրեյկովիչը: Ու թեև «Ուխտագնաց գրքի» մեկ հասած տեքստերից ոչ մեկում նման գրավոր նշում չկա²⁶, սակայն դատելով որոշ տվյալներից, բացառված չէ այդ հավանականությունը:

Նախ, հայտնի է, որ հունական տաճարներում սրբերի պատկերները հաճախ ծառայել են որպես նրանց վերաբերվող սրբությունների նշան (խորհրդանիշ): Այդպես է եղել Կոստանդնուպոլսի Ս. Սոֆիայի և մյուս եկեղեցիներում, ուր շատ սրբերի, այդ թվում նաև Գրիգոր Լուսավորչի որմնանկարները պետեղված էին նրանց մասունքների թաղման վայրերում: Հիշենք Ն. Ակիևյանի վկայակոչած ավանդությունը՝ իտալական եկեղեցիներում, մասնավորապես Նաբոյ և Ապոլիա քաղաքներում, որոնցում գտնվում է Գրիգոր Լուսավորչի պատկերը, գտնվում են նաև նրա մասունքները²⁷:

Երկրորդ՝ Նովգորոդում ևս ընդունված է եղել այն սովորույթը, որով եկեղեցի են կառուցել այն սրբի անունով, որի սրբություններն ունեցել են: Այսպես, 1407 թ. Նովգորոդ քաղաքի Սոֆիայի թաղամասում կառուցվել է եկեղեցի Ս. Վլասի անունով, որի մասունքների մի մասը Ցարգրադից բերել էր Դոբրինյա Յադրեյկովիչը: Այդ մասին է խոսում նաև XIV դարի կեսերում կառուցված Թեոդորոս Չորավարի եկեղեցին, որի շուրջառի մի մասը Նովգորոդ էր բերել նույնպես Դոբրինյա Յադրեյկովիչը: Հետևապես, Գրիգոր Լու-

²¹ Անտոնիի մասին մանրամասն հաղորդվում է «Новгородская первая летопись старшего и младшего изводов» աղբյուրում (М.-Л., 1950) Մենք օգտվում ենք Պ. Սավվաիտովի կազմած ամփոփիչ տեղեկանքից: Ств. Путешествие новгородского архиепископа Антония в Царьград в конце XII столетия. С предисловием и примечаниями Павла Саввантова. СПб., 1872 (այսուհետև՝ Саввантов П.)

²² Саввантов П., с. 81 (ընդգծումը մերն է, Ղ. Ա.):

²³ Ств. Новгородскую летопись под 1211 годом: «...и перевезе с собою гроб Господень» (ПСРЛ, т. XV, М.—Л., 1950, с. 250).

²⁴ ПОРЯС, т. IV, 1899, вып. I, с. 243.

²⁵ Православный палестинский сборник, т. XIII, вып. 3, 1899, с. XCV.

²⁶ «Ուխտագնաց գիրքը» մեկ հասել է XVI—XVIII դդ. ձեռագրերով, իսկ, հետևապես, հին գրականության մյուս հուշարձանների նման, չունի կայուն տեքստ, ընդօրինակվելիս ենթարկվել է ուղղումների, կրճատումների և այլն:

²⁷ Ակիևյան Ն., Հնագրագիտական հետապոտություններ, հատ 5, Վիեննա, 1955, էջ 27: Նշենք, որ Ապոլիա քաղաքից գտնվել է Գրիգոր Լուսավորչի կիսանկարը:

սավորչի պատկերը Նովգորոդյան եկեղեցիներում և նրա անունով եկեղեցիների կառուցումը կարող են հիմք ծառայել ենթադրելու, որ Դոբրինյա Յադրեյկովիչը միուս սրբերի թվում բերել է հայ սուրբի մասունքների մի մասը:

Նովգորոդի հետ է կապված Գրիգոր Լուսավորչի սրբապատկերների պատրաստումն ու Լուսարածումը: Ինչպես դեռ Ա. Դ. Երիցովն է նշել «Սրբանկարչական բնագրերում», Նովգորոդյան XVI դարի վերջերի խմբագրությամբ, Պալեխի և Վլադիմիրի XVIII դարի սկզբի խմբագրությամբ (ավելի վաղ աղբյուրների հուշարձաններում) պահպանվել են նկարիչների տրվող հրահանգները՝ Գրիգոր Լուսավորչին պատկերելու նորմաների մասին: Նրանցում ասվում է. «...արտաքինով շիկահեր է, ինչպես Բարսեղ Կեսարացին, մորուքը Բարսեղից ավելի բաց գույնի է, ալեխանն, շուրջառը եպիսկոպոսի է, եմփորոնի ստորին մասը՝ կապտա-կանաչագույն է, ծխագույն, փորուրարը՝ բաց ոսկեգույն է, դեմքը մազերով է ծածկված, ինքը՝ նիհար ու սև է»: Ա. Դ. Երիցովը դրան ավելացնում է. «Մեզ հայտնի չի այդ դիմանկարի սկզբնաղբյուրը, սակայն եթե նկարիչը կատարեր տվյալ հրահանգները, ապա հայ լուսավորիչ Գրիգորի կերպարը պետք է նկարեր արևելյան ոճով, դրանով իսկ ամենակին չմեղանջելով ո՛չ հայ ազգային ավանդույթների, ո՛չ էլ պատմական ճշմարտության պահանջների դեմ: Դա առավել ևս կարևոր է, քանի որ չնայած հայերի մոտ հնուց սրբապատկերագրության առկայությանը, ո՛չ նրանց, ո՛չ էլ հարևան վրացիների մոտ սրբապատկերների բնագրեր չեն եղել, կամ եթե եղել են, ապա դրանք առայժմ չեն հայտնաբերվել²⁸: Սակայն ո՛չ Ա. Դ. Երիցովին, ո՛չ էլ հայ-ռուսական պատմական ու մշակութային կապերի հաջորդ հետապոտողներին չէր հաջողվել գտնել Գրիգոր Լուսավորչի սրբանկարները, և անհայտ է մնացել՝ նկարվե՞լ են արդյոք դրանք ռուս նկարիչների կողմից, թե չէ: Միայն վերջին տասնամյակում որոնումները հաջողությամբ պսակվեցին, գտնվել են հայ սուրբի մի քանի սրբապատկեր, ճիշտ է, դրանք վերաբերվում են XVI—XVII դարերին՝ նրա պատկերը տոնացույցում²⁹, ինչպես նաև մանրա-

պատկերները՝ ժամերգության գրքերում: Սակայն դրանց մասին հետո:

Գրիգոր Լուսավորչի հատուկ պաշտամունքը Նովգորոդում իր արտահայտությունն է գտել նաև այնտեղ ստեղծված գրավոր հիշատակարաններում: Սոֆիայի ժողովածուի ձեռագրերի՝ Դ. Ի. Աբրամովիչի կապված նկարագրության մեջ³⁰, հայ սուրբի հիշատակը նշվել է № 1 Յուդաբերից Ավետարանում, որը գրված է XII—XIII դարերի կանոնագրերով, տոնացույց-տոմարում սեպտեմբերի 30-ին (էջ 7). նույնը՝ № 2, № 3, № 5 Յուդաբեր Ավետարաններում, գրված XIV դ. կեսերի կանոնագրերով (էջ 15, 24, 33). նույնը № 7 և № 8 Յուդաբեր Ավետարաններում, կիսականոնական գրով XIV դարի վերջին—XV դարի սկզբին (էջ 42, 57): Այնուհետև, XV—XVIII դդ. այդ ոճի ձեռագրերի նկարագրության մեջ Դ. Ի. Աբրամովիչը սահմանափակվում է միայն պալոնական և ռուս սրբերի հիշատակի նշումով, սակայն շատ ձեռագրերում սեպտեմբերի 30-ին նշված է «Մեծն Հայքի եպիսկոպոս սուրբ Գրիգորի» հիշատակը:

Գրիգոր Լուսավորչի (ինչպես նաև Հովհաննիս կույսերի) վարքի համառոտ, սակայն ավելի ֆաճախ մանրամասն նկարագրությունը տրվում է Սոֆիայի գրադարանի ձաջոցում և Հայսմավուրքում, Վ. Ի. Լենինի անվան գրադարանի Ձեռագրերի բաժնում, Մոսկվայում, ՍՍՀՄ գիտությունների ակադեմիայի Լենինգրադի գրադարանում, Պետական պատմական թանգարանում, Մոսկվա:

Հին ռուսական ձեռագրերի նկարագրության բացակայության պատճառով մենք թվարկեցինք XIII—XIV դարերի հուշագրերի միայն մի փոքր մասը, որոնցում նշվում է Գրիգոր Լուսավորչի հիշատակը և տրվում է նրա վարքը: Սակայն նույնիսկ ամենակին էլ ոչ լրիվ այդ տվյալների հիման վրա մենք իրավունք ունենք եզրակացնելու, որ հայ սուրբի վարքը լայնորեն ներկայացված է եղել Նովգորոդյան գրականության մեջ: Ավելի ուշ XVI դարի առաջին կեսին արքեպիսկոպոս Մակարիոսը Նովգորոդում իր կապված Մեծ Հայսմավուրքի առաջին (Սոֆիայի) խմբագրության մեջ մանրամասն տվել է «Հայաստանցի Գրիգորի» վարքը, որն այն պահից ի վեր մտավ ռուս դպիրների ընթերցանության ոլորտը:

Իսկ ի՞նչն է Նովգորոդում Գրիգոր Լուսավորչի առանձնահատուկ պաշտամունքի պատճառը: Ինչպես մենք ցույց տվեցինք մեր աշխատությունում, «Գրիգոր Հայաստանցու

²⁸ Ерицов А. Д., Первоначальное знакомство с северо-восточной Русью до воцарения дома Романовых.—Кавказский вестник, Тифлис, 1901, № 12, с. 50.

²⁹ Ամեն ամիս ըստ ամսաթվերի մեծարվող սրբերի սրբանկարը (անձնական տոնացույց): Գրիգոր Լուսավորչի պատկերը անձնական տոնացույցում գտնվում էր սեպտեմբեր ամսում:

³⁰ Абрамович Д. И., Софийская библиотека, вып. II, СПб., 1907. Հետագայում տեքստում բերվող վկայակոչումներում ցույց կարվի էջը:

պաշտամունքը, Հայ հավատը և Հայ հերետիկոսությունը Նովգորոդում»³¹ այն առաջացել էր Ռուսիայում առաջին մասսայական հերետիկոսությամբ, որն ստացել էր ստրիգոլնիկի անվանումը: Այն ծնունդ էր առել XII դ. վերջին—XIII դ. սկզբին, բացարձակ հանդես էր եկել XIV դ. կեսերին, այնուհետև, 1375 թվականին նրա դեկավարների մահապատժից հետո, շարունակվել է XV դ. երկրորդ կեսի—XVI դարի սկզբի հերետիկոսների նոր շարժումով Նովգորոդում և Մոսկվայում: Առանց մանրամասնությունների մեջ մտնելու, նշենք, որ ռուս հերձվածողները կրել են հայ պավիկյանների ուսմունքի որոշակի ազդեցությունը (ուստի և ըստ երևույթին, այս պատճառով Ռուսիայում հերետիկոսություններն անվանել են «Հայկական գայթակություն»: Հունական եկեղեցու նըման, որը հայ պավիկյանների դեմ պայքարելու նպատակով դիմել է Գրիգոր Լուսավորչի հեղինակությանը, նովգորոդյան եկեղեցին ռուս հերետիկոսների վրա զաղափարական ազդեցության, նույն նպատակով իր մոտ սահմանել է հայ սուրբի պաշտամունքը: Այս երկակացությունը իր հաստատումն է գտնում և Գրիգոր Լուսավորչի պաշտամունքի բնություն՝ Մոսկովյան Ռուսիայում XIV—XV դարերում, որը XVI դարի կեսերից փոխարինվել է որպես Հայաստանի քրիստոնեացման ականավոր գործչի նոր պաշտամունքով:

*
* *

Մոսկովյան պետության կազմավորման արդեն առաջին իսկ պահից Գրիգոր Լուսավորչի անունը սկսեց լայն հռչակ վայելել այնտեղ: Ռուս մեծ իշխան Վասիլի II Վասիլևիչի ժամանակին (1426—1462) վերաբերվող պաշտոնական փաստաթղթում Ռուս եկեղեցու բարձրագույն հոգևոր պետերի կողմից Գալիցյի և Ուգլիչի իշխան Յուրի Դմիտրևիչին հասցեագրված 1447 թ. դեկտեմբերի 29-ի Ուղերձում խիստ նշանակալից կոնստեքստում հիշվում է նաև հայ սուրբը: Յուրի Դմիտրևիչին համոզելու համար, որ մեղսական է նրա երկպառակությունը Վասիլի II-ի հետ, Ուղերձի հեղինակները վկայակոչում են աստվածաջնչական Դավթին, Բաբելոնի թագավոր Նաբուգոդոնոսորին, որոնք տուժել են այն պատճառով, որ «գոռոպացել են», այսինքն խախտել են Աստծո սահմանած օրենքը: Նույնն է «Հայ թագավոր Տրդատը, որը Մեծ Գրիգորին խոր վիրապ էր գցել, վարապ էր դարձվել և երկու

տարի գտնվել էր այդ կերպարում ու կերակրվել էր տականքներով, սակայն իր քրոջ աղաչանքով ներվել էր Մեծ Գրիգորի կողմից, պղծացել էր, ապաշխարել, մկրտվել (քրիստոնեություն էր ընդունել) ինքը ապա և մկրտել իր ողջ թագավորությունը»³²:

Գրիգոր Լուսավորչին դիմելու բուն իսկ փաստը վկայում է այն մասին, որ Մոսկովյան Ռուսիայում կյանքն ու գործունեությունը բավական լավ գիտեն: Դրա հետ մեկտեղ Տրդատի ու Գրիգոր Լուսավորչի, ինչպես նաև Դավթի ու Նաբուգոդոնոսորի օրինակները, հաստատելով Ուղերձի հեղինակների՝ «Աստծո պատժի» անխուսափելիության վերաբերյալ միտքը, հայ սուրբին ներկայացնում է որպես Աստծո կողմից հատուկ նշված անձ: Ի տարբերություն Կիևյան ու Նովգորոդյան Ռուսիայի, այստեղ Գրիգոր Լուսավորչին ներկայացված է իր գլխավոր կենսագործունեությամբ՝ որպես հարապատ Հայաստան երկրի միասնության ջատագով:

Վասիլի II-ի զավակ Իվան III-ի իշխանության օրոք (1462—1505), երբ XV դարի 80-ական թվականներին Նովգորոդում, իսկ այնուհետև Մոսկվայում երևան եկավ «ջիդովական»—«жидовствующие» հերետիկոսությունը, որն իր ուսմունքի շատ դրույթներով նման էր պավիկյանությանը, Ռուս եկեղեցին, հերձվածի դեմ պայքարելու համար վերստին դիմեց Գրիգոր Լուսավորչի հեղինակությանը:

Մոսկովյան Կրեմլի 1508 թվականին որմնակարված Ավետյաց տաճարում ի թիվս հերետիկոսական շարժումների դեմ պայքարած քաջամարտիկների, նկարված է նաև Գրիգոր Լուսավորչին:

Որմնակարում Գրիգոր Լուսավորչին կանգնած է, լրիվ երեսադեմ: Նկարի վերևի մակագրությունը պահպանվել է ոչ լրիվ՝ Մեծ (ծըն) Հա (յբի) (եպիսկոպոս):

Վասիլի III-ի զավակ Իվան IV ահեղի թագավորության օրոք (1538—1547) Կազանի թագավորության նվաճման և քաղաքի շրջապատման ժամանակ հայերի նրան ցույց տված օգնությունը³³ պատճառ դարձավ, որ

³² Акты исторические, собранные и изданные Археологической комиссией АН, т. I. СПб., 1841, с. 82.


³¹ ПСРЛ, - XIX (Казанский летописец), СПб., 1903; «Казанская история». М.—Л., 1954:

Իվան IV-ի Կազան կառավարած արշավանքի վերաբերյալ պատմության տարեգիր հեղինակը, հաղորդելով քաղաքի շրջապատման ժամանակ հայերի վարքի մասին, ոչ մի խոսք չի ասում նրանց «այլադավանության» մասին, այլ, ընդհակառակը, նշում է նրանց հերոսությունն ու նվիրվածությունը ռուսներին: 1552 թ. սեպտեմբերի 30-ին Կազանի գրավումից

³¹ Sht'a сб. Русская и армянская средневековые литературы, Л., 1982, с. 255—332.

վերստին առաջնային դառնա հայկական եկեղեցին մարմնավորող սուրբի՝ Գրիգոր Լուսավորչի պաշտամունքը:

Ի հիշատակ Կապանի թագավորության նվաճման, Իվան IV-ը 1554 թ. հրամայեց կառուցել Կրեմլից դուրս, Ֆրոլովյան (Սպասկի) գլխավոր դարպասի մոտ Պոկրովի տաճարը, որպես կենտրոնական աշտարակը շրջապատող ութ աշտարակավոր վրանաձև քարաշեն տաճար-կոթող: Տաճարի ներսում



Մոսկվայի Պոկրովսկու տաճարի Գրիգոր Հայի եկեղեցու արտաքին տեսքը (1557 թ.)

կար ինը եկեղեցի, որոնցից մեկը նվիրված էր «Մեծն Հայքի եպիսկոպոս Գրիգորին»³⁴:

Գրիգոր Հայաստանցու եկեղեցու չափերը ներսից՝ $6\frac{1}{2} \times 3\frac{1}{4}$ մետր: Գրիգոր Լուսավորչի և Հռիփսիմյան կույսերի սրբապատկերները, ինչպես և ողջ եկեղեցու նախնական կահավորանքը, չեն պահպանվել, ըստ երեւոյթին այրվել են հրդեհի ժամանակ: Այժմյան եկեղեցում փենց մուտքի դիմացի պատին հայ սուրբի մեծադիր սրբապատկերն է՝ 1,5 մետր չափով, որը նկարված է XVIII դարում:

Հայաստանցի Գրիգորի եկեղեցին, ըստ երևույթին, հատկացված էր ռուս ուղղափառ

հետո Իվան IV-ը «գթաբարության» շնորհ արեց հայերին, թույլ տվեց նրանց բնակություն հաստատել Մոսկվայում, որտեղ նրանց տեղ հատկացվեց Սպասկի քաղաքում, հատուկ արտոնություններ շնորհելով նրանց (ПСРЛ, т. XIX, с. 130, «Казанская история», с. 134—165).

³⁴ См. Канитохин А. Покровский собор. М., 1980, с. 2.

համայնքին, և ոչ թե Մոսկվայում բնակվող միաբնակ հայերին³⁵: Այն հանգամանքը, որ Իվան IV Ահեղը հատուկ նշեց հայ սուրբին և նրա անունով կոչեց տաճարի եկեղեցիներից մեկը, չի կարելի բացատրել միայն այն բանով, որ նրա հիշատակի օրը՝ սեպտեմբերի 30-ը, համընկել էր թաթարների հետ ունեցած վճռական մարտի օրվան, որը հաղթանակ էր բերել ռուսներին: Տաճարի եկեղեցիների հետագա բոլոր վերանվանումների ժամանակ, Հայաստանցի Գրիգորի եկեղեցին դարեր շարունակ մնացել է ռուս ժողովրդի սրբություններից մեկի՝ Պոկրովյան ու Վասիլի Երանելու տաճարի տանիքի տակ:

Գրիգոր Լուսավորչի հատուկ պաշտամունքը Մոսկովյան պետությունում արտահայտվում է այն բանով, որ բոլոր հայամավորքներում և նման տիպի այլ ժողովածուներում մտցվել էին նրա վարքը համառոտ կամ ընդարձակ խմբագրությամբ: Մենք չենք թվարկում դրանք և ցույց չենք տալիս դրանց պահման վայրերը՝ մեր հոդվածը չձանրաբեռնելու նպատակով: Ավելի կարելի է մի այլ բան, որ բացի վարքագրական բնույթի երկերից, որոնք նշում էին տիեզերական և ռուսական եկեղեցիների կողմից կանոնացված սրբերին, Գրիգոր Լուսավորչի վերաբերյալ տվյալները մտել էին նաև զուտ պատմական երկերի՝ Տարեգրությունների և Ժամանակագրությունների մեջ, որոնք ստեղծելիս կատարվել է առավել էական նյութերի խստիվ ընտրություն՝ ըստ դրանք կապմոդների քաղաքական տենդենցների: Այսպես, XV դարի վերջին կապված Մալուրինյան տարեգրության մեջ³⁶, [5790] (282 թ.) գրված է. «Սույն թվականին հոգեվոր սուրբ նախավկա Գրիգոր Մեծ հայը, Դիոկղիտյան թագավորությունում, Կիրոսի՝ պարսից թագավորի ազգական, ծագումով պարթևացի Անատոլիի զավակ, ձերբակալված էր հայոց թագավոր Տրդատի կողմից և նետված էր խոր Վիրապ, որը լի էր օձերով ու գազաններով, և այնտեղ եղավ 15 տարի, կերակրվում էր որբ և այրի կնոջ կողմից: Վիրապից հանվել էր ի տես ժողովրդի, շատերին քրիստոնյա էր մկրտել և խաղաղ հանգել Աստծո մոտ»³⁷:

Գրիգոր Լուսավորչի և նրա գործունեության մասին ավելի մանրամասն պատմվել է «Ռուսական ժամանակագրության» մեջ՝

³⁵ Ռուս-հայկական կապերի թեմայով գրող որոշ հեղինակների աշխատություններում կարելի է հանդիպել այն կարծիքին, թե տվյալ եկեղեցին կառուցվել էր հայ լուսավորչականների համար:

³⁶ См.: Я. С. Лурье. Общерусская летопись XIV—XV вв., Л., 1946, с. 177—182, 187—202.

³⁷ ПСРЛ, т. XXXI, М., 1968, с. 19—20.

արևմտառուսական խմբագրությամբ: Այն 1442 թվականին կազմել է Պախոմի Սերբը (Լագոֆեդը)³⁸:

Տվյալներ կան այն մասին, որ Սմոլենսկի՝ Ալեքսեյ Միխայլովիչ թագավորի օրոք (1645—1676) կառուցված վերափոխման Մայր տաճարի սրբությունների թվում եղել է նաև Գրիգոր Լուսավորչի սրբանկարը: [Տաճարի մեջտեղում՝ նրա կենտրոնում գտնվող չորս աշտարակներին ղեկավարում էին առաջինի (սրբապատկերաչափի աջ կողմի) աշտարակի վրա տաճարի գլխավոր տեսարժան իրը՝ Սմոլենսկի Ուղևոր (Одигитрия) Աստվածամոր սրբապատկերը, որն, ըստ ավանդության, սմոլենսկացիներին է նվիրել Վադիմիր Մոնոմախը. դեպի հյուսիս շրջադարձի վրա՝ Նեոկեսարիացի Գրիգորի սրբապատկերը, աջակողմյան դասի դիմաց՝ Իոհանն Ողորմածի սրբապատկերը, շրջադարձում՝ «Մեծն Հայքի եպիսկոպոս Գրիգորի սրբապատկերները»]: Գրիգոր Լուսավորչի սրբապատկերի դիրքը և նրա շրջապատը թույլ են տալիս եպրակացնելու, որ նա համարվել է առավել պաշտելի քրիստոնեական սրբերից մեկը³⁹:

Սակայն Գրիգոր Լուսավորչի մեկ հասած. նույնիսկ սակավաթիվ սրբապատկերները ակնհայտ վկայում են, որ եթե ոչ բնակչության մեջ, ապա Ռուս Եկեղեցում նրանք տարածված էին: Նրանցից ամենահինը պատկանում է XVI դարավերջին—XVII դարասկզբին, նրա չափերը 18,5×8,3 սանտիմետր է և այն պահվում է Մոսկվայի Կրեմլի թանգարանների նկարների ֆոնդում⁴⁰: Լուսավորչի մինչև ծնկները և երեսադեմ սրբապատկերը սրբաաստվերագրական նույն տիպի է, ինչպես և Ավետյաց տաճարի որմնապատկերում: Վերևից երկտող սևատառ ավերված մակագրություն է. վերևի տողը անընթեռնելի է, ներքևի տողում՝ «Григорий Армянин»:

Գրիգոր Լուսավորչի մի այլ սրբապատկեր, որը մեկ սիրալիր կերպով զուգ տվեց Օ. Ա. Բեյդերովան, ապավում է Լենինգրադի Պետական Ռուսական թանգարանում⁴¹, նա այնտեղ է բերվել ակադ. Ն. Պ. Լինսայովի հավաքածուից և հրապարակվել է 1906 թվա-



Ս. Գրիգոր Լուսավորչի սրբապատկերը Մոսկվայի Պոկրովսկոյ տաճարի Գրիգոր Հայի անունը կրող եկեղեցում (ԺԸ դար)

կանին⁴²: Սրբապատկերը ենթադրաբար պատկանում է XVII դարին, նրանում Գրիգոր Լուսավորչի պատկերված է հասակով մեկ, 16 կենամաներում գրված վարքով, որոնցում տրված են հայ սուրբի կյանքի առանձին դիպվածները:

Ինչպես նշվեց, Գրիգոր Լուսավորչի նկարը եղել է նաև սրբապատկեր-տոնացույցներում, դրանցից է XVI դարավերջին—XVII դարասկզբին պատկանող սրբապատկերը, որը պահվում է Լենինգրադի Պետական Ռուսական թանգարանում⁴³, այն նկարագրված է «Մոսկվայի միահավատական Նիկողոսի վանքի XVII դարի անձնական տոնացույցում» սեպտեմբերի 30-ի օրը: Նկատենք, որ

³⁸ ПСРЛ, т. XXII, ч. II, ПТр, 1914, с. 86—87.

³⁹ Краткое историческое описание Смоленского Кафедрального собора. Смоленск, 1894, с. 21. Նկարագրության մեջ, ցավոք սրտի, չեն նշված սրբապատկերի նկարման ժամանակը և վայրը, մեկ չի հաջողվել պարզել նաև նրա գտնման վայրը ներկայումս:

⁴⁰ № 549/собр.


⁴¹ ГРМ, ДРЖ № 779.


⁴² Лихачев Н. П., Материалы для истории русского иконописания. Атлас снимков, ч. II, СПб., 1906, табл. СС XVII, № 494.

⁴³ ГРМ, ПМ, № 6770.

թանգարանների պահպաններում և այլ հիմնարկներում գտնվող սրբապատկեր-տոնացույցներն դեռևս արվեստագետների և պատմաբանների հատուկ ուսումնասիրության առարկա չեն եղել, ուստի և բացառված չեն նոր գյուտերը:

Մոսկովյան Ռուսիայում Գրիգոր Լուսավորչի ժողովրդականության ապացույցն են հանդիսանում ոչ միայն Նովգորոդյան XVII դ. «Սրբանկարչական բնագրերը», այլև հայ սուրբի նկարման պարտադիր նորմաների պատկանող նոր ձեռնարկները:





ՌՈՒՍ ԵԿԵՂԵՑՈՒ ԾԱԳՈՒՄԸ

Մոտենում է ռուս ժողովրդի քրիստոնեացման հազարամյակը: Դա Քրիստոսի Ավետարանի նոր հաղթանակն էր համաշխարհային պատմության մեջ: Կարծում ենք մեր ընթերցողներին կհետաքրքրեն այդ պատմական կարևոր իրադարձության մանրամասնությունները: Ուստի թարգմանաբար (որոշ կրճատումներով) արտատպում ենք Ռուսական Պատրիարքարանի «Ժուռնալ Մոսկովսկոյ Պատրիարխիի» («Հանդես Մոսկվայի Պատրիարքարանի») սրբաշուրթերի 1984 թ. 10 և 11-րդ համարներում լույս տեսած Կիևի և Գալիցիայի միտրոպոլիտ Ֆիլարետի հոդվածը:

ՌՈՒՍԻՈ ՄԿՐՏՈՒԹՅԱՆ ՆՇԱՆԱԿՈՒԹՅՈՒՆԸ

Ռուսիո մկրտությունը կամ Ռուսիայի կողմից քրիստոնեության ընդունումը աչքի ընկնող իրադարձություն էր ոչ միայն մեր Եկեղեցու, այլև մեր ժողովրդի պատմության մեջ: Այն կարևոր հետևանքներ ունեցավ մեր երկրի համար: Ռուսիո մկրտությունը ավարտին հասցրեց առաջին դարում սկսված և պավոնական լուսավորիչներ Կիրիլի և Մեթոդիոսի ջանքերով ամրապնդված՝ մեր պետության տարածքում քրիստոնեության կազմավորման գործընթացը: Ռուս Ուղղափառ Եկեղեցու համար Ռուսիայի մկրտությունը նրա պաշտոնական գոյության սկիզբը եղավ:

Քրիստոնեությունը հոգևոր հիմք ստեղծեց Հին Ռուսական պետության միասնության համար: Ռուս Ուղղափառ Եկեղեցու ծառայությունը այդ ժամանակաշրջանում նշանակալից էր: Այն հսկայական ազդեցություն ունեցավ իշխանների միջև երկպառակությունների վերացման, իշխանությունները միասնական պետության մեջ միավորելու և նրա ամրապնդման, եվրոպական շատ պետություն-

ների և առաջին հերթին Բյուզանդիայի ու Բուլղարիայի հետ Կիևյան Ռուսիայի կապերի ամրապնդման ու ընդլայնման վրա: Քրիստոնեության ընդունումից հետո Ռուսիայում ընդունվեցին այն ժամանակ Արևելքում գոյություն ունեցող եկեղեցական կազմակերպման ձևերը: Ռուսական պետությունը որդեգրեց Բյուզանդիայի պետական կազմակերպման ամենաբարձր ձևերը: Ռուսիան մտավ եվրոպական պետությունների ընտանիքը:

Քրիստոնեությունը վերափոխեց հին ռուսական հեթանոսական ընտանիքը քրիստոնեական բարոյականության սկզբունքներով: Այն իր պայծառ մարդասիրական կնիքը դրեց հին ռուսական քաղաքացիական օրենքների վրա՝ մեղմելով հեթանոսական բարքերը: Քրիստոնեությունը ոչ միայն արագացրեց տոհմական կարգերի վերացման գործընթացը, այլև նպաստեց ավատատիրական կարգերի վարճացման ընթացքին: Եթե խոսենք մեր երկրի մշակութային կյանքի վրա Ռուսիայի մկրտության ազդեցության մասին, ապա պետք է նշենք, որ այն արտացոլվեց այդ կյանքի բոլոր կողմերի վրա: Ամենից առաջ այն նպաստեց մեր Հայրենիքում լուսավորության տարածմանը: Ամենուրեք ծագող վանքերը (վանականությունը ուղղափառ կյանքի անկապտելի մասն է կապմում) դառնում էին ոչ միայն ուղղափառ հավատացյալների հոգևոր սնունդի կենտրոններ, այլ նաև գրի ու լուսավորության կենտրոններ:

Քրիստոնեության ընդունումից հետո Կիևյան Ռուսիայի կյանքի վրա էին ազդում բյուզանդական գրականությունը, քաղաքական միտքը, բնագիտական հայացքները և առաջին հերթին ուղղափառ դավանաբանությունը: 988 թվին քրիստոնեության ընդունման կապակցությամբ Ռուս Ուղղափառ Եկեղեցին կարիք ունեցավ հունարենից թարգ-

մանվող՝ եկեղեցաարարողական և եկեղեցալուսավորական գրքերի: Քրիստոնեությունը խթանեց Ռուսիայում սեփական գրի ու գրականության զարգացումը, որի օրինակ է Կիևի միտրոպոլիտ ավագ քահանա Իվարիոնի խորապես հայրենասիրական «Խոսք օրենքի և բարետրության մասին» երկը: Այն ժամանակ առատորեն ստեղծվում էր հին ռուսական մատենագրությունը: Դա հնարավորություն տվեց մեծ իշխան Յարոսլավ Իմաստունին (+1054) Սոֆիայի տաճարին կից ստեղծելու Ռուսիայում առաջին գրադարանը: 11-րդ դարում Կիևի և Նովգորոդի վանքերում գրվում էին համապետական նշանակություն ունեցող տարեգրություններ:

Մի քանի հարյուրամյակի ընթացքում Ռուսիայում ստեղծվեց բարձր մշակույթ, որը ծագեց ու ամրացավ հեթանոսական ժառանգության դեմ մղված պայքարում: Քրիստոնեությունը սլավոնական ժողովուրդներին հարց-տաքեց գիտական ու փիլիսոփայական նոր հասկացություններով, որոնք մինչ այդ նրանց հայտնի չէին: Արագացավ հին գրական ռուսերենի զարգացումը, որը, գրականագետների դիտողության համաձայն, «11-րդ դարի կեսերին իր արտահայտչական ու պատկերավորման հարստությամբ զգալիորեն գերազանցեց այն ժամանակվա եվրոպական աշխարհի շատ լեզուներին»:

Քրիստոնեությունը համակողմանի ազդեցություն թողեց մեր նախնիների մշակութային կյանքի վրա՝ լուսավորության ու գրականության, նկարչության ու ճարտարապետության, պետական օրենքների ու քաղաքականության վրա և այլն: Քրիստոնեությունը սահմանեց մեր երկրի միջնադարյան մշակույթի հիմքը և դրանով սլավոնական քաղաքակիրթ աշխարհը և Կիևյան Ռուսիան կապեց Արևելքի ու Արևմուտքի քրիստոնյա ժողովուրդների քաղաքակիրթ շրջաններին: Քրիստոնեության մուտքի հետ Բյուզանդիայից Ռուսիա ներթափանցած մշակույթը շարունակեց զարգանալ սեփական ստեղծագործության հողի վրա: Դա նպաստեց Կիևյան Ռուսիայի պատմական ինքնորոշմանն ու համաշխարհային պատմական ընթացքի մեջ նրա կողմից իր տեղի բացահայտմանը:

ՀԻՆ ՌՈՒՍԱԿԱՆ ՄԱՏԵՆԱԳՐՈՒԹՅՈՒՆԸ ՌՈՒՍԻ ՄԿՐՏՈՒԹՅԱՆ ՄԱՍԻՆ

11-րդ դարի հին ռուսական մատենագրությունը վկայում է, որ սուրբ առաքելանման մեծ իշխան Վլադիմիրի օրոք Ռուսիայի մեկըրտությունը երբեք չի կարելի համարել մեր երկրում քրիստոնեության քարոզչության սկիզբը: Եկեղեցական ավանդությունը, ճիշտ է, ավելի ուշ ծագում ունեցող ավանդությու-

նը, Կոստանի ավետումը վերագրում է առաջին դարին, Անդրեաս առաքյալին: Ավելի լայն տարածում քրիստոնեությունն ստացավ սլավոնական լուսավորիչներ Կիրիլի և Մեթոդիոսի ռուսական առաքելության շնորհիվ: Սուրբ եղբայրների կողմից Աստվածաշնչի և արարողական գրքերի թարգմանությունը սլավոներենի նպաստեց Ռուսիայում քրիստոնեության զգալի տարածմանը: Գրավոր հուշարձանները վկայում են կիևյան իշխաններ Դիրի և Ասկոլդի օրոք՝ Կոստանդնուպոլսի Փոտ պատրիարքի ժամանակներում (9-րդ դարի երկրորդ կես), և հատկապես Ռուսաստանի սուրբ բարեպաշտ իշխանուհի Օլգայի օրոք (955—969) Ռուսիայում քրիստոնեական տաճարների գոյության մասին: Վլադիմիր իշխանի օրոք քրիստոնեությունը համընդհանուր տարածում գտավ և դարձավ պետական կրոն:

Ռուսիայի մկրտության մասին մեզ պատմում են 11-րդ դարի տարբեր գրական հուշարձաններ: Դրանց թվին առաջին հերթին պատկանում է սուրբ հայր Նեստորի Տարեգրությունը, կամ այլ անվանումով՝ Սկյբնական տարեգրությունը: Ներկայումս չկա մի այնպիսի ձեռագիր, որտեղ Տարեգրությունը պահպանված լինեք այն տեսքով, ինչ տեսքով եղել էր հին ժամանակագրի գրչի տակից: Նրա ամենահին ընդօրինակությունները վերագրվում են 14-րդ դարին: Բոլոր հայտնի օրինակներում այն ձուլվում է նրա շարունակողների պատմության հետ, որոնք դեպքերի նկարագրությունը հասցնում են մինչև 16-րդ դար:

Արդեն 13-րդ դարի սկզբին Կիև-Պեչորյան վանքում գոյություն ուներ ավանդություն, որի համաձայն Կիևյան Տարեգրության հեղինակն է Կիև-Պեչորյան վանքի վանական Նեստորը: Նեստոր տարեգրի մասին Ակինդին վանահորը (1224—1231) ուղղված իր թղթում հիշատակում է նույն Կիև-Պեչորյան վանքի վանական Պոլիկարպը:

Կիև-Պեչորյան Մայրավանքում են գտնվում Նեստոր Տարեգրի մասունքները: Սրբի աճյունի կենսաբանական ուսումնասիրության հիման վրա եզրակացվել է, որ «թույլ զարգացած մկաններ ունենալով, այդ մարդը մեծ բեռնվածություն է կրել աջ ձեռքի դաստակի վրա, որ հիմք է տալիս ընդունելու, որ նա շատ գրելու առիթ է ունեցել» («Ռոդ-նիկի» հանդես, 1982, № 4, էջ 30): Այդ հայտնագործությունը հաստատում է Կիև-Պեչորյան վանքի հին ավանդությունն այն մասին, որ սուրբ հայր Նեստորը ռուս տարեգիր էր:

Ներկայումս Սկյբնական տարեգրությունը պահպանված պատմական նյութերի հավաքածու կամ ժողովածու է: Նրա մեջ միավորված են

ամեն տարվա համար առանձին համառոտ գրառումներ, առանձին դեպքերի մասին ընդարձակ պատմություններ՝ գրված տարբեր հեղինակների կողմից, դիվանագիտական փաստաթղթեր, հոգևոր անձանց խրատաբանություններ: Տարեգրական հավաքածուի հիմքում որպես նրա գլխավոր բաղկացուցիչ մասեր ընկած են. 1) «Անցած տարիների պատմությունը», որ հասնում է մինչև 1054 թիվը, 2) «Ասք Ռուսիո մկրտության մասին», որը վերաբերում է Տարեգրության 986—988 թթ. մեջ և կապված է 12-րդ դարի սկզբին, և 3) Կիև-Պեչորյան Տարեգրությունը, որտեղ նկարագրված են 11-րդ և 12-րդ դարերի դեպքերը, մինչև 1110 թիվը ներառյալ:

«Անցած տարիների պատմությունը» կապակցված, ամբողջական շարադրանք է՝ վերծ տարեգրություններին հատուկ հնարներից: Այն սկսվում է շրիեղեղից հետո Նոյ նահապետի որդիների կողմից աշխարհի բաժանման նկարագրությամբ՝ յուրաքանչյուրին հասած երկրների թվարկումով, աշտարակաշինությունից հետո ժողովուրդների տարաբնակեցման, Դանուբի հովտում սլավոնների հաստատման, արևելյան սլավոնների և Ռուսիայի տարածքում նրանց բնակեցման, Անդրեաս Նախակոչ առաքյալի շրջագայությունների, Կիևի հիմնադրման և այլ դեպքերի նկարագրությամբ: «Պատմությունը» կապված է բյուզանդական ժամանակագիրների օրինակով, որոնք սովորաբար իրենց պատմելիքն սկսում են Հին Կտակարանի պատմություններից: Սկսելով «Պատմությունն» անընդմեջ շարադրանք է, առանց ժամանակագրական նշումների: Ժամանակագրական նշումներն սկսվում են միայն 852 թվականից: Գրական հուշարձանի այդ մասում ժամանակագրական տվյալներ կան նաև նախքան 852 թվականը, բայց դրանք պատմության հեղինակինը չեն, այլ մեխանիկորեն ներմուծված են հետագա ձեռքով: «Պատմության» մեջ նշում կա նրա ստեղծման ժամանակի վերաբերյալ: Նրա որոշ դիտողություններից կարելի է եզրակացնել, որ այն կապվել է մինչև Յարոսլավի մահը, այսինքն՝ մինչև 1054 թվականը: Նրա սկզբնական հեղինակը կիևցի տարեգիր է եղել:

Սուրբ առաքելանման իշխան Վլադիմիրի օրոք «Ռուսիո մկրտության մասին ասքը» բաժանված է երեք տարվա՝ 986, 987 և 988: Այն նույնպես տարեգրության բնույթ չունի: Շարադրանքն աչքի է ընկնում բանավիճալի եղանակով, և հավանաբար սկզբնական տարեգրի գործը չէ, այլ հավաքածու է ներմուծվել նրա կապմողի կողմից: Այնտեղ ակնարկություն է պահպանվել նրա կապմության ժամանակի մասին՝ 12-րդ դարի սկիզբ

(1099 թվականից հետո, երբ խաչակիրները գրավել էին Երուսաղեմը): «Ռուսիո մկրտության մասին ասքի» և սուրբ իշխան Վլադիմիրի քրիստոնեական գործունեության պատմության համար հիմնական աղբյուր է ծառայել սուրբ իշխան Վլադիմիրի հնագույն Վարքը՝ դեռևս չմարած ժողովրդական ավանդության հետ միասին:

Բացի Սկզբնական տարեգրությունից կան նաև 11-րդ դարից մի քանի հին գրական հուշարձաններ Վլադիմիրի մկրտության և մեր երկրի քրիստոնեացման մասին: Դրանցից առաջինը «Խոսք Օրենքի և բարետրտության մասին» երկն է, որ պատկանում է Կիևի միտրոպոլիտ Իլարիոնի գրչին (նրա ստեղծագործությունն ընկնում է 1037—1050 թվերի միջև) և մեզ է հասել 14—15-րդ դարերի ընդօրինակություններով:

Միտրոպոլիտ Իլարիոնից հետո Իակով վանականը գրել է «Գովք Ռուսիայի իշխան Վլադիմիրին»: Նրա պատմական վկայությունը բավական կարևոր նշանակություն ունի: Նա Իսլավալ իշխանի ժամանակակիցն էր և գրում էր մոտավորապես 1070 թվականին:

Իակով վանականին է վերագրվում նաև «Սուրբ Վլադիմիրի վարքը»:

«Վարքը» բաղկացած է երեք մասից: Առաջին մասում պատմվում է Վլադիմիրի մկրտության և նրա կողմից կիևցիների մրկրտության մասին: Այստեղ խոսվում է հավատների ուսումնասիրության նպատակով Բուդարիա ուղարկված պատվիրակության, Կորսունի վրա Վլադիմիրի արջավանքի, այդ քաղաքում նրա մկրտության և կիևցիների մկրտության մասին: Երկրորդ մասում պատմվում է Վլադիմիրի կողմից Կիևում հանուն Աստվածածնի Ծննդյան Տասանորդական եկեղեցու կառուցման, իշխանի առաքինությունների, Բերեստովում նրա մահվան և Տասանորդական եկեղեցում թաղվելու մասին: Երրորդ մասը պարունակում է Վլադիմիր իշխանի գովքը:

«Վարքը» Տարեգրության հետ համեմատելիս տեսնում ենք, որ այն համընկնում է Մկրտության պատմության հետ, միայն թե ավելի համառոտ տեսքով է տրված: Միաժամանակ «Վարքի» հեղինակը օգտվել է մեզ անհայտ ինչ-որ աղբյուրից, որից քաղել է Տարեգրության մեջ բացակայող որոշ փաստական տվյալներ և մի քանի թվականներ: «Վարքի» որոշ թվականներ չեն համապատասխանում Տարեգրության թվերին: «Վարքը» չի նշում Վլադիմիրի մկրտության տարին:

Հին ռուսական մատենագրության հուշարձանների թվին է պատկանում նաև «Ասք

սուրբ Բորիսի և Գլերի նահատակության մասին» երկը՝ գրված մինչև 1072 թվականը, սուրբ հայր Նեստորի կողմից:

ՈՒՂԱՓԱՌ ՀԱՎԱՏԻՆ ՎԼԱԴԻՄԻՐԻ ԴԱՐՁԻ ՊԱՏՃԱՌՆԵՐԸ

Նախքան Ռուսիայի ընդհանուր մկրտության մասին խոսելը անհրաժեշտ է անդրադառնալ Վլադիմիր իշխանի դարձին առ քրիստոս: Ընդհանուր մկրտության ժամանակին մոտ ապրած ռուս հեղինակները բերում են իրական պատմական նյութը, որ բացատրում է Ռուսիայում տեղի ունեցած պատմական հեղաշրջման պատճառները:

Միտրոպոլիտ Իլարիոնը «Խոսք Օրենքի և Բարեբարության մասին» երկում, որ արտասանել է Տասանորդական եկեղեցում Վլադիմիր իշխանի դազադի առաջ Յարոսլավ Իմաստուն իշխանի և նրա կին Նորվեգուհի Իրինայի ներկայությամբ, Վլադիմիրի հոգու մեջ եղած շրջադարձը բացատրում է նրա հոգեկան տաղանդով և Սուրբ Հոգու բարեշնորհ լուսավորումով: Նա ցնցված է Վլադիմիր իշխանի խոր և խորհրդավոր դարձով՝ քրիստոսի հավատի հալածչից նրա բոցաշունչ առաքյալին:

Միտրոպոլիտ Իլարիոնը ասում է. «Նրա (Վլադիմիր իշխանի) վրա իջավ Վերին այցելությունը, նրա վրա հանգավ Բարեբար Աստծո ողորմած աջքը, և նրա սրտում պայծառացավ իմաստությունը: Նա հասկացավ կոռպայաշտական մոլորության ունայնությունը և որոնեց Միակ Աստծուն, երևեցաց և աներևոյթից ստեղծողին: Իսկ հատկապես նա միշտ լսել էր ուղղափառ, քրիստոսասեր և հաստատահավատ Հունաց երկրի մասին, թե ինչպես այնտեղ պաշտում են Միակ Աստծուն Երրորդության մեջ և երկրպագում են նրան: Ինչպես այնտեղ պորություն, հրաշք ու նշաններ են կատարվում, ինչպես այնտեղ եկեղեցիները լի են մարդկանցով, ինչպես այդ հավատացյալների քաղաքներում ու շենքերում բոլորը ջերմեռանդ աղոթում են, բոլորը Աստծո առաջ են: Լսելով այս ամենը, նա հոգով վառվեց և սրտով ցանկացավ քրիստոնյա դառնալ և ամբողջ երկիրը քրիստոնեության դարձնել»:

Վլադիմիր իշխանի դարձի հոգևոր շարժառիթների մասին վկայություն է տալիս Իսկով վանականը «Գովք Վլադիմիրին» երկի մեջ: Նա ասում է, որ Վլադիմիրը լսել էր իր տատ Օլգայի մասին, թե ինչպես նա գնացել էր Ցարգրադ և այնտեղ Սուրբ Մկրտություն ընդունել: Այդ փաստի ապոկրիֆա՞մբ «Վլադիմիրի սիրտը վառվեց Սուրբ Հոգով, ցանկանալով Սուրբ Մկրտության: Եվ Աստված տեսնելով նրա սրտի ցանկությունը,

կանխատեսելով նրա բարությունը, ընկալեց նրան երկնից իր ողորմությամբ ու առատությամբ և լուսավորեց ռուսաց երկրի իշխան Վլադիմիրի սիրտը՝ ընդունելու Սուրբ Մկրտությունը»:

Սուրբ հայր Նեստորը ավելի է շեշտում Վլադիմիր իշխանի մկրտության հոգեկիր ժառանգորդականությունը: «Սուրբ Բորիսի և Գլերի նահատակության ասքի» մեջ նա Վլադիմիր իշխանի դարձը փոխադրում է խորհրդողովորի ոլորտը. «Ասում են այն տարիներին մի իշխան կար,—գրում է Նեստոր Տարեգիրը,—որ տիրում էր ողջ ռուսական երկրին, անվամբ Վլադիմիր: Արդար ու ողորմած մարդ էր աղքատների ու որբերի և այրիների հանդեպ, և հավատով էլ հեղինակ... Այս Վլադիմիրին Աստվածային տեսիլ եղավ քրիստոնյա դառնալու»:

Սուրբ իշխան Վլադիմիրին ժամանակով մոտ եղած ռուս հեղինակները նրա՝ քրիստոնեության դարձի պատճառները տեսնում էին նրա կրոնական հավատի ճգնաժամի մեջ: Ֆիլարետ սրբապանը (Գումիլյովսկին, 19-րդ դար) իր «Եկեղեցական պատմության» մեջ այսպես է ներկայացնում Վլադիմիր իշխանի հոգեկան ճգնաժամը. «Ահավոր եղբայրասպանությունը, յուրայինների և այլոց արյան գնով ձեռք բերած հաղթանակները, նսեմ հեշտասիրությունը չէին կարող չծանրաբեռնել նույնիսկ հեթանոսի խիղճը: Վլադիմիրը փորձում էր հոգին թեթևացնել նրանով, որ Դնեպրի և Վոլյաի ափերին կուռքեր էր կանգնեցնում, պարզարում դրանք ոսկով ու արծաթով, պարարտ ցոհեր էր մատուցում դրանց: Ավելին, նույնիսկ երկու քրիստոնյայի արյուն էր հեղել կուռքերի ցոհասեղանին: Բայց այդ ամենը, ինչպես նա պզուճ էր, հանգիստ չէր բերում նրա հոգուն, հոգին լույս էր փնտրում ու խաղաղություն»:

Վլադիմիր իշխանի տարեգրական Վարքի մեջ ընդգծվում է նրա անսահման ցանկապիությունը, որով գերապանցում էր Սողոմոնին: Հիշատակում է և այն մասին, որ նա բռնանում էր նրա մոտ ուժով բերված կանանց ու աղջիկների ողջախոհության վրա: Հեթանոս Վլադիմիրի այդ արատը հայտնի էր նաև Ռուսիայի սահմաններից դուրս: Այսպես, Վլադիմիրին ժամանակակից լեռ տարեգիր Տիմոսար Մերվեբուրգցին նրան «անչափելի ու դաժան շնացող» է անվանում: Սուրբ հայր Նեստորը ապաշխարող Վլադիմիրի բերանն է դնում այսպիսի խոսքեր. «Գազանի նման եղա, բազում չարիք գործեցի պղծությամբ և անասունի պես ապրեցի»:

Վլադիմիրի որդի Սվյատոպոլկը ծնվել է այն հույն գերի միանձնուհուց, որը նրա եղբայր Յարոպոլկի կինն էր արդեն այն ժամանակ, երբ սա քրիստոնյա էր: Տարեգիրը

980 թվականի տակ գրում է. «Վուդդիները պառնեց եղբոր կնոջ՝ հեղենուհու հետ և սա հղացավ, և նրանից ծնվեց Սվատուպուկը: Բայց մեղսավոր արմատից չար պտուղ է լինում, մանավանդ որ նրա մայրը միանձնուհի էր եղել: Իսկ երկրորդ՝ Վուդդիները պառնեց էր նրա հետ ոչ ըստ ամուսնության (այսինքն՝ նրա հետ ամուսնացած չէր), այլ շնալով: Հայրն էլ նրան չէր սիրում, քանզի երկու հորից էր՝ Յարուպուկից և Վուդդիներից»:

Ո՛վ գիտե, Վադդիմիրի գերած այդ հույն վանական քույրը չնպաստե՞ց արդյոք նրա դարձին: Պատմական շատ օրինակներ հաստատում են քրիստոնյա կանանց ապոեցությունը իրենց հեթանոս ամուսինների վրա: Պրոֆեսոր Ե. Ե. Գոլուբինսկին այսպիսի ընդհանրացում է անում. «Կանանց ընդհանրապես կարևոր դեր է հատկացվում Եվրոպայում քրիստոնեության տարածման գործում. ֆրանկների թագավոր Խլոդվիգի դարձը վերագրվում է նրա կին բուրգունդցի Կլոտիլդին, անգլոսաքսների թագավոր Էդիլբերգին՝ նրա կին՝ ֆրանկյան իշխանադուստր Բերտային, Վադդիմիրին ժամանակակից հունգարացի թագավորներ Գեյզայի և Ստեֆանի դարձը վերագրվում է նրանց կանանց՝ լեհերի թագավորի քույր Ադելհայդին և Գիլլային: Վադդիմիրի չեխ կանանց, ովքեր էլ որ նրանք լինեին, անշուշտ հայտնի էր Լեհաստանում Դոմբրովկայի վարչագծի և հաջորդությունների մասին, այդ պատճառով էլ ներանց համար բնական էր նրան հետևելը»: Պրոֆեսոր Ե. Ե. Գոլուբինսկին նկատի ունի լեհերի թագավոր Մեչեսլավի մկրտությունը նրա կին Դոմբրովկայի՝ չեխ թագավոր Բոլեսլավի դստեր ապոեցությամբ: Հիշատակելով հեթանոս Վադդիմիրի երկու չեխ կանանց մասին, Գոլուբինսկին դատում է այսպես. «Հնաբավոր է, որ այդ երկու չեխուհիներից մեկը նույնիսկ իշխանական ծագում ուներ, և Դոմբրովկայի մերձավոր ազգականուհին էր: Եթե իշխանադուստրը կնության էր տրվել հեթանոս Մեչեսլավին, ապա կարող էր տրվել և Վադդիմիրին: Այս վերջին դեպքում կրտսեր իշխանադուստրը բնականաբար իր կոչումը պիտի տեսներ այն բանի մեջ, ինչ հաջողվել էր ավագ իշխանադուստրը (Դոմբրովկային) »:

Բացի ամուսնական ապոեցություններից Վադդիմիրի վրա կարող էր ապոեցություն թողնել և նրա կապը սկանդինավյան ազգականների և եվրոպական մյուս (վարյագական) արքունիքների հետ: Այս օտարերկրյա արքունիքների հետ ունեցած կապը Վադդիմիրն օգտագործում էր բարեջրությունների և Կիևյան պետության կապավորման նպատակով: Այդ կապերի և ապոեցությունների

թերևս մշտնապատ, բայց գուցե իր տեսակի մեջ միակ արտացոլումն է իսլանդերեն լեզվով սկանդինավյան սագաներից մեկը Օլավ Տրիգգվեսոնի մասին: Օլավը Նորվեգիայի կոնունգ (այսինքն թագավոր) Տրիգգվեի որդին էր: Տրիգգվեի կին Աստրիդը, պալատական հեղաշրջման ժամանակ փրկվելու համար փախչում է Գարդարիկիա (այսինքն՝ տառացիորեն՝ գորողների, զարդերի, ռուսերեն՝ «քաղաքների երկիրը»՝ սագաների մեջ ռուսական երկրի հյուսիսային շրջանի սովորական անվանումը): Գարդարիկիայում կոնունգ Վալդեմարի մոտ ապրում է Աստրիդի եղբայր Սիգուրդը: Օլավը մեծանում է Վալդեմարի արքունիքում որպես սիրված որդեգիր՝ Վալդեմարի կին Ալլոգիայի՝ «կոնունգի ամենախելացի կնոջ» խնամքի տակ:

Օլավը ուղևորվում է հույների մոտ: Այնտեղ նա դաստիարակվում է քրիստոնեական հավատով և մկրտություն ընդունում: Մկրտությունից հետո Օլավը Պավել եպիսկոպոսին հրավիրում է իր հետ Գարդարիկիա գնալ: Եպիսկոպոսը համաձայնում է, բայց խնդրում է Օլավին առաջինը գնալ և կոնունգ Վալդեմարին համոզել, որ նա թույլատրի Գարդարիկիայում քրիստոնեություն տարածել: Մկրտություն ստացած Օլավը, վերադառնալով Վալդեմարի մոտ, սկսում է նրան և նրա կնոջը համոզել քրիստոնեություն ընդունելու:

Բոլոր այս փաստերը պատմությանը չեն հակասում: Նորվեգիայի թագավոր Օլավ Տրիգգվեսոնը (993—995) այն տարիներին մկրտություն էր ընդունել և օտար երկրներում իր երկար ճամփորդություններից վերադառնալով, մկրտել էր և իր ժողովուրդը: Չի կարելի ժխտել, որ Գարդարիկիայում, այսինքն՝ Ռուսիայում եղած ժամանակ նա իրոք կարող էր լինել Վադդիմիր իշխանի վրա նրա կանանցից մեկի միջոցով ապրած անհատական քարույիջներից մեկը:

Այսպիսով, ռուսական աղբյուրների մեծամասնության վկայությամբ Վադդիմիր իշխանի դարձը քրիստոնեության տեղի է ունեցել ներքին և արտաքին շատ պատճառներով:

Ինչ վերաբերում է Վադդիմիր իշխանի և Ռուսիայի մկրտության մասին Տարեգրության պատմածին, ապա եկեղեցու պատմաբանները գտնում են, որ այն, թեև պատմական հավաստի նյութ է պարունակում, սակայն տարեգրության բնույթ չունի: Այնտեղ պետեղված պատմությունը հավատների ընտրության և Կիևից տարբեր երկրներ ուղարկված դեսպանությունների մասին հեղինակի հորինածը չէ:

Դեսպանությունների ուղևորումը Կիև հաստատվում է պատմական տվյալներով տարբեր կրոնների ներկայացուցիչների կողմից,

ինչպես նաև ռուսների ծանոթությունը մահմեդականությանը, հոսյայականությանը և արևելյան ու արևմտյան քրիստոնեությանը՝ իրենց տեղերում միանգամայն իրական ու հավաստի փաստ է:

Բայց ջարդարման ձևը բանավիճային բընույթ ունի և ավելի ուշ հեղինակի է պատկանում և ոչ թե սկզբնական տարեգրին:

Ռուսական աղբյուրները հերքում են Տարեգրի նշումը Վլադիմիր իշխանի՝ Կորսունում մկրտվելու մասին:


Մասնավորապես Իակով վանականը «Վլադիմիր իշխանի գովքի» վերջում ասում է. «Սուրբ Մկրտությունից հետո երանելի իշխան Վլադիմիրը ապրեց 28 տարի: Մկրտության հաջորդ տարին գնաց սահանքները: Երրորդ տարում Կորսուն քաղաքն առավ: ...Հինգերորդ տարում Պերեյասլավը պաշարեց: Իններորդ տարում երանելի և քրիստոսասեր իշխան Վլադիմիրը իր անունից Սուրբ Աստվածածնի եկեղեցուն տասանորդ ընծայեց»:

Ինքը տարեգրությունը հիմք է տալիս կասկածելու պատմածի ճշգրտությանը: Տարեգրության հեղինակը, այդ պատմությունը ներմուծելով Տարեգրության բնագրի մեջ, չի թաքցնում, որ ռուսական միջավայրում իշխանի և ժողովրդի մկրտության մասին բազմազան ավանդություններ կան: Կորսունում Վլադիմիր իշխանի անձնական մկրտության մասին հաղորդելիս Տարեգրության մեջ մըտ-

ցըված պատմության հեղինակը ավելացնում է. «Ունանք՝ ճշմարիտը չիմացողներն ասում են, որ նա մկրտվել է Կիևում: Ուրիշները կարծում են՝ Վասիլում: Ուրիշներն էլ այլ կերպ են ասում»: Վասիլը կամ Վասիլովը Վլադիմիրի անձնական կեցավայրն էր Կիևից 35 կմ հեռու: Որ Վլադիմիրն անձամբ մկրտվել էր իր ժողովրդից առաջ և գրեթե երեք տարի նախքան Կորսունի պատերազմը, հայտնի էր 11-րդ դարի ռուս հեղինակներին:


Կիևի իշխանը Սուրբ Մկրտությունն ընդունել էր Կորսունի նվաճումից առաջ, հետևաբար, Ռուսիայի ընդհանուր մկրտությունից առաջ: Տարեգրության մեջ չի հիշատակվում Վլադիմիր իշխանի մկրտության թվականը: Բայց Իակով վանականի (Վլադիմիրի գովքում) և սուրբ հայր Նեստորի (Բորիսի և Գլբի վարքում) վկայությամբ Վլադիմիրը մկրտվել է 987 թվին: Իակով վանականն ասում է, որ Վլադիմիրը վախճանվել է 1015 թվին, մկրտությունից հետո ապրելով 28 տարի, հետևաբար, նա մկրտվել է ոչ ավելի վաղ, քան 987 թվականը: Իսկ սուրբ հայր Նեստորը Վլադիմիրի մկրտության տարին նշում է 6495 թվականը աշխարհի ստեղծման օրից, այսինքն՝ 987 թվականը Քրիստոսի ծնունդից հետո:

(Շարունակելի)



«ЭЧМИАДЗИН»
ОФИЦИАЛЬНЫЙ ЖУРНАЛ ЭЧМИАДЗИНСКОГО КАТОЛИКОСАТА
(МАЙ 1985 г.)

1. Послание Католикоса всех армян Вазгена I главе Русской Православной Церкви Патриарху Пимену об организации встречи глав и представителей религиозных общин в СССР по случаю 40-летия Великой Победы, 4 сентября 1984 г. (стр. 3—4).
2. Ответ главы Русской Православной Церкви Его Святейшества Патриарха Пимена на послание Католикоса всех армян Вазгена I от 4 сентября 1984 г., 19 марта 1985 г. (стр. 5—6).
3. Корреспондент—Совещание глав и представителей церковных и религиозных общин в г. Москве и Загорске, посвященное 40-летию славной победы в Великой Отечественной войне, 17—19 апреля 1985 г. (стр. 7—13).
4. Приветственное слово Католикоса всех армян Вазгена I, направленное съезду духовенства восточной епархии США, 2 мая 1985 г. (стр. 14).
5. Приветственное слово Католикоса всех армян Вазгена I, направленное делегатскому собранию восточной епархии США, 2 мая 1985 г. (стр. 15).
6. Редакционная—Радость победы (стр. 16—17).
7. Патриотическая деятельность первопрестольного Эчмиадзина в годы Отечественной войны (издание материалов и документов)—(стр. 18—34).
8. Беседа с представителями армянской интеллигенции по поводу 40-летия Великой Победы (стр. 35—39).
9. Отклики дней войны. Некоторые работы армянских писателей, написанные в годы войны (стр. 40—45).
10. Э. Казарян—Мы победили во имя мира—(стр. 46—52).
11. Г. В. Айвазян—Кульм Григория Просветителя в Древней Руси (исследование)—(стр. 53—62).
12. Статья митрополита Киевского и Галицкого Филарета под заглавием «Происхождение Русской Церкви» (перепечатанная из 10—11 номеров 1 часть журнала «Журнал Московской Патриархии» за 1984 год)—(стр. 63—68).



"ETCHMIADZIN"
OFFICIAL JOURNAL OF HOLY ETCHMIADZIN
(MAY 1985)

1. The message of His Holiness the Catholicos of All Armenians to His Holiness Pimen, the chief of the Russian Orthodox Church, to organize a meeting of the chiefs and representatives of U.S.S.R.'s religious communities, on the occasion of the great victory's fortieth anniversary, 4-th September 1984 (pages 3—4).

2. The answer of His Holiness Patriarch Pimen to the Catholicos of All Armenians, 19-th March 1985 (pages 5—6).

3. Conference in Moscow and Zagorsk of the chiefs and representatives of U.S.S.R.'s church and religious communities, devoted to the 40-th anniversary of the glorious victory of the Second World war, 17-19-th April 1985 (pages 7—13).

4. The word of greeting of Catholicos Vasken I, addressed to the conference of clergymen to the eastern diocese of the United States, 2-nd May 1985 (page 14).

5. The word of greeting of Catholicos Vasken I, addressed to the assembly of delegates of the eastern diocese of the United States, 2-nd May 1985 (page 15).

6. Editorial—The joy of the victory (pages 16—17).

7. The patriotic activity of the Mother See of Holy Etchmiadzin during the years of the Second World war (publication of documents and texts)—(pages 18—34).


8. Interview of the "Etchmiadzin" journal's correspondent with the representatives of the Armenian intelligentsia on the occasion of the great victory's 40-th anniversary (pages 35—39).

9. Echoes from the days of war. Some works of the Armenian poets written during the years of the war (pages 40—45).

10. E. Ghazarian—We have conquered in the name of peace (pages 46—52).

11. Gh. V. Ayvazian—The worshipping of St. Gregory the Illuminator in Ancient Russia (study)—(pages 53—62).

12. Metropolitan Filaret—"The origin of the Russian Church" (reprinted from the issues of Nos. 10—11 of 1984 "Journal Moscovskoy Patriarkhy" official organ, part I)—(pages 63—68).



„ETCHMIADZINE“
ORGANE OFFICIEL DU SAINT-SIEGE D'ETCHMIADZINE
(MAI 1985)

1. Message du 4 septembre 1984 de Sa Sainteté Vasken Ier adressé à Sa Sainteté le Patriarche Pimen, chef de l'Eglise orthodoxe russe, pour organiser une conférence des chefs et des représentants des Eglises et des communautés religieuses de l'U.R.S.S. à l'occasion du 40e anniversaire de la grande victoire remportée sur le fascisme en 1945 (pages 3—4).

2. Lettre-réponse du 19 mars 1985 de Sa Sainteté le Patriarche Pimen adressée à Sa Sainteté Vasken Ier (pages 5—6).

3. La conférence des chefs et des représentants des Eglises et des communautés religieuses de l'U.R.S.S. tenue du 17 au 19 avril 1985 à Moscou et à Zagorsk et consacrée au 40e anniversaire de la grande victoire (pages 7—13).

4. Message de Sa Sainteté adressé le 2 mai 1985 au Congrès des ecclésiastiques du diocèse des Arméniens des Etats Unis (région orientale) — (page 14).

5. Message de Sa Sainteté adressé le 2 mai 1985 à l'Assemblée des délégués du diocèse des Arméniens des Etats Unis (région orientale) — (page 15).

6. Editorial: "La joie de la victoire" (pages 16—17).

7. Activités patriotiques du Saint-Siège d'Etchmiadzine au cours de la Deuxième Guerre Mondiale (publication des textes et des documents) — (pages 18—34).


8. Interview du correspondant de la revue "Etchmiadzine" avec les représentants de l'intelligentsia arménienne à l'occasion du 40e anniversaire de la grande victoire (pages 35—39).

9. Echos des années de guerre. Quelques poèmes inédits des poètes arméniens écrits au cours de la Deuxième Guerre Mondiale (pages 40—45).

10. E. Ghazarian — "Nous avons remporté la victoire au nom de la paix" (pages 46—52).


11. Ch. V. Aïvazian — "Le culte de Saint Grégoire l'Illuminateur dans l'ancienne Russie" (étude) — (pages 53—62).

12. Métropolitain Filaret — "Origine de l'Eglise russe" (traduction de la première partie de l'article paru en 1984, No. 10—11, dans la revue „Journal Moskovskoi Patriarkhii", organe officiel du Patriarcat de Moscou) — (pages 63—68).



ԲՈՎԱՆԴԱԿՈՒԹՅՈՒՆ

Ամենայն Հայոց Վեհափառ Հայրապետի ուղերձը Ռուս Պրավոսլավ Եկեղեցու պետ Նորին Սրբություն Պիմեն Պատրիարքին՝ Մեծ հաղթանակի քառասունամյակի առթիվ ՍՍՀՄ Եկեղեցիների և կրոնական համայնքների պետերի և ներկայացուցիչների հանդիպում կազմակերպելու մասին	3
Ռուս Պրավոսլավ Եկեղեցու պետ Նորին Սրբություն Պիմեն Պատրիարքի պատասխանը Ամենայն Հայոց Վեհափառ Հայրապետի ուղերձին՝ Մեծ հաղթանակի քառասունամյակի առթիվ	5
ԹՂԹԱԿԻՑ—ՍՍՀՄ եկեղեցական և կրոնական հարանվանությունների պետերի և ներկայացուցիչների համաժողով՝ նվիրված Հայրենական մեծ պատերազմի փառապանծ հաղթանակի 40-ամյակին	7
S. S. Վալզեն Ա Վեհափառ Հայրապետի ողջոյնի խօսքը ուղղեալ Միացեալ Նահանգաց արևելեան թեմի հոգևորականաց, համագումարին	14
S. S. Վալզեն Ա Ամենայն Հայոց կաթողիկոսի ողջոյնի խօսքը ուղղեալ Միացեալ Նահանգաց արևելեան թեմի պատգամատրական ժողովին	15
ԽՄԲԱԳՐԱԿԱՆ—Հաղթանակի բերկրանքը	16
Մայր Աթոռ Ս. Էջմիածնի հայրենասիրական գործունեությունը Հայրենական պատերազմի տարիներին	18
Հարցապրույց հայ մտավորականության ներկայացուցիչների հետ Մեծ հաղթանակի 40-յակի առիթով	35
ԱՐԶԱԳԱՆՔՆԵՐ ՊԱՏԵՐԱԶՄԻ ԳՐԵՐԻՑ	
Հովհաննես Ըրբալ—Էջապրոմ	40
Գևորգ Էմին—Խաչը	41
Ասատուր Մաքսականյան—Հրածեշտ	42
Ցանկություն	43
Միլվա Կապուտիկյան—Երևանի լույսերը	44
Ավետիք Իսահակյան—Մեծ հաղթանակի օրը	45
Է. ՂԱԶԱՐՅԱՆ—Մենք հաղթանակել ենք հանուն խաղաղության	46
Ղ. Վ. ԱՅՎԱԶՅԱՆ—Գրիգոր Լուսավորչի պաշտամունքը Հին Ռուսիայում	53
ՄԻՏՐՈՊՈԼԻՏ ՖԻԼԱՐԵՏ—Ռուս եկեղեցու ծագումը	63
«Эчмиадзин» официальный журнал Эчмиадзинского Католикоата	69
«Etchmiadzin» official journal of Holy Etchmiadzin	70
«Etchmiadzine» organe officiel du Saint-Siege d'Etchmiadzine	71



ԽՄԲԱԳՐՈՒԹՅԱՆ ՀԱՍՑԵՆ

ՀԱՅԿԱԿԱՆ ՍՍՀ ԷԶՄԻԱԾԻՆ
«ԷԶՄԻԱԾԻՆ» ԱՄՍԱԳՐԻ ԽՄԲԱԳՐՈՒԹՅՈՒՆ

Армянская ССР, Эчмиадзин, Редакция журнала «Эчмиадзин».
Rédaction de la revue «Etchmiadzine», Etchmiadzine. Arménie, URSS

Հանձնված է արտատրության 26.03.1985 թ.: Ստորագրված է տպագրության 7.05.1985 թ.:
Տպագրական 4,5 մամուլ, թուղթ 60×84¹/₈, պատվեր 240:

Մայր Աթոռ Ս. Էջմիածնի տպարան, 1985 թ.